

---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



1769

Paris Symeon  
Dorset House  
de l'Escole.

8 H. mon 164 m

*Linn's Taxifera*





# ENCHIRIDION

SIVE

## MANUALE FRANCISCANUM,

COMPLECTENS

Declarationes Summorum Pontificum  
NICOLAI III. & CLEMENTIS V.  
super Regulam Fratrum Minorum, Quæ-  
stiones D. Bonaventuræ super eandem, Episto-  
lam item ejus ad Magistrum Inominatum: Com-  
pendium Commentarii Patris Marchant, nec  
non quædam alia Fratribus Minoribus  
apprimè utilia

*Impressum pro Ufu*

Patrum, & Fratrum Ordinis Minorum Re-  
gularis Observantiæ, Provinciæ  
S. LADISLAI REGIS

EX

*Mandato, & pia sollicitudine*

A. R. P. CHERUBINI FABSI CH

Ejusdem Instituti, & Provinciæ Prædicato-  
ris, Lectoris Jubilati, ac tertio Ministri Pro-  
vincialis actualis

*Anno Reparatae Salutis M. DCC. LXVIII.*

ZAGRABIÆ,

In Domo Regnicolari per Anton. Jandera p. t. Factor.

*Patris Sigismundi Devos de hispani ex litte claladensis.*

Tal 741/351

Anno 1769

Pro Usu Simplicis Datisuar  
pro Sacris chubus Patri  
Sigmundo Dorsos de Kuff  
Sard e Comitatu Calatini




Id præ aliis discendum, quod deinceps ægrius  
quisque vellet oblivisci: ac vice versa, illud  
potius relinquendum, quod oblivisci quis li-  
bentius vellet, *S. August, 1 Confess. 13,*

Iners malorum remedium, ignorantia est.  
*Seneca Oedip.*

Si quis autem ignorat, ignorabitur. *1, Corinth.*  
*14. v. 38.*

# PRÆFATIO AD FRATRES.



Quemadmodum id quidem omnium  
planè mortalium naturis insitum  
esse certissimum est, ut nemo in  
hoc mundo dejecti adeò sit animi,  
quin in altera ad minus vita desideret esse be-  
atus; ita, imò sinè comparatione magis, om-  
nis Frater Minor, tam rectæ, probæque men-  
tis censendus est, ut post pollicitam jurejurando  
vitam regularem, secundum quam eggres-  
sus de domo Patris, & cognationis suæ, in-  
cruentam sese DEO fecit victimam de propria  
voluntate, semetipsum stringens, semetipsum  
abnegans, ad imitationem Christi, factus obe-  
diens usque ad mortem: ut inquam exoptet  
vitam deinceps suam ita ad sui præscriptum  
instituti, ac ter sanctæ observantiam Regulæ  
ordinari, ut post decursum mortalitatis stadi-  
um, dignus sit accipere bravium, appromissum  
scilicet centuplum, & vitam æternam. Quo-  
niam autem hæc ipsa religio<sup>sarum</sup> mentium soli-  
citu-

citudo vârios variè afficit, & ex se ipsa nimis diversos in diversis effectus producit, quòd adeò quidam, nimis coarctatè vitam instituentes, ibi etiam formident Regulæ transgressionem, ubi Fundatoris Consilia sunt, aut planè formales concessiones: non pauci verò, anxie, incertò veluti navigiò fluctuantes, vano timore subdubitent, utrum ea vivendi ratio, quæ passim à probis, & suæ salutis studiosis in Provincia quapiam observatur, tuta sit, & certa ad perfectionem via, quam Sanctus demonstravit Institutor, Sanctique ejus ingressi sunt affectu? Nonnulli demum nimidè quoque relaxati confidentiâ, Deo arbitrentur se obsequium præstare in vita nil minus, quàm ad licitos Fratrum Minorum modos, ac intentionem Regulæ attemperata: aliis nempe hac modalitate in sinistram, in dexteram verò aliis incautè deflecentibûs, ac paucissimis in virtutis medio hilariter, & sinè scrupulo progredientibûs. Hinc visum est necessarium esse, cunctorum infirmitates adjuvari, hos animari illos dehortari, atque universos ad Communem cordis sensum, & intelligentiæ uniformitatem inviari; quod fieri haud poterat, nisi cuncti ad eorundem librorum lectionem adhortarentur: Quia verò ad id conducentes libri, partim & nimis

mis pauci numero, paupertati nostræ suppetent, ut adeo in singulorum manus dari haud potuerint; partim autem, ii etiam, qui suppetent, tam obscura, & tædiosa essent prolixitate, ut eam, iuxta Religiosæ vitæ occupationes paucissimi pervadere quirent: ea propter universorum indigentia simul, ac utilitati secus provideri vix fuerat possibile, quàm per istiusmodi opusculi alicujus editionem, quod, cùm Enchiridion quoddam optimarum cognitionum, & singulorum manibus ad assiduam Lectionem offerri posset, & levi manu valeret gestari, perlegi, intellectu comprehendi, complecti memoriâ. Hac igitur de solitudine, atque ex finibus istis, Vobis offertur Amanatissimi Patres, & Fratres Provinciæ S. Ladislai Manuale istud, seu Enchiridion Franciscanum, ut nempe nedum ignorantia statûs, quæ apud universos homines maximè detestabilis est, unico veluti ictu ab omnibus averuncaretur; verùm etiam, ut felici industriâ, intimæ Instituti nostri notitiæ, cunctorum mentibus, animisque pariliter inffererentur; siquidem ex hoc unico, spes affulgere videbatur haud inanis, ut deinceps nos inter, non tantùm Cor unum sit, & anima una sed unum etiam labium, de observantia scilicet

cet Regulæ, ac omnibus. Observantiæ modis  
 æqualiter resonans, & per omnia æquales  
 exprimens conatus; ex quo subinde Deo  
 oppitulante verà apud nos consistat Frater-  
 nitas, quæ nullis verborum etiam dissensionibus  
 violari possit, verùm de qua Davidicum  
 illud verificetur, & verificetur Epiphonema:  
 Ecce quàm bonum, & quàm jucundum,  
 habitare Fratres in unum? in unum vide-  
 licet Doctrinæ Religiosæ, & in unim sanctæ  
 Conversationis. Enchiridion porrò istud  
 literalem Regulæ ter Sanctæ notitiam præ-  
 supponit, necque in se complectitur quidquam,  
 quod non aut de sede Apostolica processis-  
 set, cujus pedibus Sanctus Pater noster  
 Franciscus, se, Regulam, & nos, Fratres  
 suos omnes subjecit, aut scriptum esset ab  
 illis, quos in Sanctorum numerum, à Sancta  
 Romana Ecclesia relatos, certò constat jam  
 regnare cum Christo: aut verò jam aliàs  
 probè examinatum, approbatumque exstitis-  
 set. Atque ex his quidem omnibus, primum  
 locum obtinent Declarationes Nicolai III.  
 & Clementis V. quæ præ cæteris quorum-  
 cunque etiam Sanctorum elucidationibus  
 firmitatem jam in tantum habent, ut eis  
 cætera cunctorum Sensa, & Scripta ce-  
 dere

dere debeant, hæque prima Enchiridii parte  
legi poterunt. Secundo locô se offerunt Quæ-  
stiones Divi Bonaventuræ, Super Regulam,  
& statum Fratrum Minorum, ejusque  
Epistola ad Magistrum Inominatum, qui  
aliunde Sanctissimo Fundatori nostro Fran-  
cisco, non vitâ modò, sed ætate quoque  
admodum vicinus, aureo illô nascentis Religio-  
nis nostræ sæculô, Regiminis, & Sanctimonie  
experientiâ claruit. Tertia demum parte collo-  
catum est Compendium Expositionis Patris  
Marchant, Extractus Summarius ex Decla-  
rationibus Pontificum, ac Specialis quæpiam  
Praxis Devotionaria, res singulæ apprimè  
utiles, ut adeo in toto hoc manuali de nostro  
adjectum, omnino vix aliud sit, quàm voces,  
eundem planè sensum exprimentes, vel verò  
quæ obscurius dicta videbantur, quondoque  
nonnihil clariora reddentes, Accipite itaque  
Patres, & Fratres Charissimi! hoc Enchi-  
ridion, & qualemcunque Sollicitudinem,  
ac laborem in hoc opello pro cunctis collo-  
catam, æqui, bonique consulite; atque quod  
præcipuum est, ita illud manibus terite, ita  
revolvite: ita seriò expendite, & ruminare,  
ut tutum, certumque iter, quod Sancta Sedes  
Apostolica probavit, Sanctique Ordinis No-  
stri



• *ſiri propriâ vitâ commendarunt, tenentes, a-*  
*n mō quietō, Sanctæque Paupertatis, Obedi-*  
*endiæ, Caſtitatis, cæterarūque Virtutum ſtu-*  
*dioſō, vitam agatis nomine veſtro, & Pro-*  
*feſſione ſoleñi dignam. Hoc enim ſolo,*  
*id quod Zelō mandantis propoſitum erat,*  
*Opusculum iſtud certiffimè*  
*aſſequetur*

**ITA**

**Enchiridiom ipſum**  
**Per Cuncta Precatur.**



# PARS PRIMA.

Complectens Declarationes super  
Regulam, duorum summorum Pontificum  
NICOLAI III. & CLEMENTIS V.

Incipit Declaratio Domini NICOLAI PAPÆ  
III. super Regulam fratrum Minorum.

*Nicolaus Episcopus, Servus servorum Dei, ad  
perpetuam rei memoriam.*

**E**Xiit qui seminat seminare semen  
suum de sinu Patris mundum,  
veste scilicet humanitatis indu-  
tus Dei Filius JESUS Christus,  
verbum Evangelicum saturus in singulos,  
probos, & reprobos, insipientes & gnaros, stu-  
diosos & desides, & juxta Prophetam, colo-  
nus futurus in terra; semen suum, doctri-  
nam scilicet Evangelicam, sine delectu di-  
spersit in omnes: qui omnia tracturus ad se,  
omnes saluare venerat; qui tandem seipsum  
Deo Patri pro salute omnium in redemptione

A

nia

nis humanæ precium immolauit. Licet autem hoc semen in singulos communicatiua Dei charitate dispersum aliud ceciderit secus viam, super corda scilicet dæmonum suggestionibus peruia, aliud supra petram, corda scilicet nullo fidei vomere penetrata; aliud inter spinas, corda scilicet hominum, diuitiarum sollicitudinibus lacerata; & ideo vnum prauis affectibus conculcatum; aliud aridum, quia gratiæ carebat humore; reliquum vero legitur inordinatis sollicitudinibus suffocatum: aliud tamen mite cor & docile terra bona suscepit.

Hæc est Minorum fratrum mitis & docilis in paupertate ac humilitate per alium Christi Confessorem Franciscum radicata religio; quæ ex illo vero semine germinans, germen illud sparsit per Regulam in filios: quos sibi & Deo per suum ministerium in obseruatione Evangelii generat. Isti sunt filii, qui, dicente Jacobo capit. 1. Verbum æternum, Dei filium, insitum humanæ naturæ in horto virginalis uteri, potens saluare animas, in mansuetudine susceperunt. Hi sunt illius sanctæ Regulæ Professores, quæ Evangelico fundatur eloquio, vitæ Christi roboratur exemplo, fundatorum

rum militantis Ecclesiæ Apostolorum ejus sermonibus actibusque firmatur. Hæc est apud Deum & Patrem munda & immaculata Religio; quæ descendens a Patre luminum per ejus filium exemplariter & verbaliter Apostolis tradita; & demum per Spiritum Sanctum beato Francisco & eum sequentibus inspirata; totius in se quasi continet testimonium Trinitatis. Hæc est, cui attestante Paulo (*Ad Gal. 6.*) nemo de cætero debet esse molestus: quam Christus passionis suæ stigmatibus confirmavit: volens institutorem ipsius passionis suæ signis notabiliter insigniri.

Sed nec sic contra ipsos fratres Minores & Regulam, hostis antiqui cessavit astutia: quin potius contra eos nitens superseminare zizania; interdum æmulatores agitados invidia, iracundia, & indiscreta justitia concitavit, mordentes fratres, & eorum Regulam quasi illicitam, inobservabilem, & discriminosam, caninis latratibus lacerantes; non attendentes, hanc sanctam Regulam ut prædicatur, præceptis ac salutaribus monitis institutam, Apostolicis observationibus roboratam, & etiam per Sedem Apostolicam confirmatam, tot divinis testimoniis communi-

A 2

tam,

tam quæ credibilia facta sunt nimis, in tot sanctis viris in obseruantia huius Regulæ agentibus, & finientibus dies suos, quorum nonnullos sanctorum catalago Sedes eadem, ex eorum vita & miraculis fecit adscribi; ac nouissime quasi diebus istis per piæ memoriæ Gregorium Papam nonnum prædecessorem nostrum approbatam esse, ex euidenti utilitate, quam de ipsa consequitur uniuersalis Ecclesia, in generali Lugdunensi Concilio existit declaratum. Nec nos minus attendimus, imo profundius cogitamus, sicut pensare debent subtilius cæteri Catholicæ fidei professores, quod ipse Deus Ordinem prædictum & ejus obseruatores inspiciens, sic eos ab insurgentibus in ipsos rancoribus saluari præsidio præseruauit, quod nec ipsos fluctus tempestuosus allisit, nec animos in Ordine ipso degentium consternauit; quin potius in vigore regulari concrecant, & ampliuntur in suorum obseruantia mandatorum.

Verumtamen ut Ordo prædictus quibuslibet præcis anfractibus distincta & pura vi-geat claritate, sicut fratres ejusdem Ordinis nuper in generali Capitulo congregati prouiderant, dilectis suis filiis Generali, & non-

nul-

nullis aliis Prouincialibus ejusdem Ordinis Ministris qui in Capitulo ipso conuenerant, in nostra præsentia constitutis, cum ad plenam obseruationem Regulæ ejusdem, in vigore spiritus eorum feruere noscatur intentio: visum est nobis, mordacibus huiusmodi mordendi vias præcludere; aliqua quæ in ipsa Regula videri poterant dubia, declarare; nonnulla per prædecessores nostros declarata, pleniori claritate differere, in aliquibus etiam Regulam ipsam contingentibus, puritati eorundem conscientiæ prouidere.

Nos autem quia a teneris annis ad Ordinem ipsum affectus nostros ereximus in illis succrescendo: cum aliquibus ejusdem Confessoris lociis, quibus ejus vita & conuersatio nota erat, super ipsa Regula & sancta ipsius beati Francisci intentione frequenti collatione tractauimus: & tandem Cardinalis ac postmodum ejusdem Ordinis per prædictam Sedem Gubernator, Protector, & Corrector effecti, conditiones prædicti Ordinis ex imminenti nobis cura palpauimus. In Apostolatus officio, tam de pia intentione Confessoris prædicti, quam de his quæ Regulam ipsam & ejus obseruantiam contingunt, ex

prædictis longa etiam experientia informati, nostros ad Ordinem præfatum conuertimus cogitatus: & tam ea quæ per prædecessores eisdem approbata & declarata esse noscuntur, quam etiam Regulam, & eam contingentia maturitate plena discussimus: nonnulla in præsentī serie statuimus, declarauimus, certius approbauimus, approbata confirmauimus, edidimus, & concessimus plura etiam ordinando feriosius & clarius, quæ infra scriptis articulis plenius exprimuntur.

## I. ARTICULUS REGULÆ.

*De obseruantia Evangelici consilii & præcepti.*

**I**N primis quia ( sicut intelleximus ) ab aliis quibus hæsitatur, an fratres ejusdem Ordinis tam ad consilia quam ad præcepta Evangelii teneantur; tum quia in Regulæ prædictæ principio habetur: Regula & vita Minorum fratrum hæc est, scilicet Domini nostri JESU Christi sanctum Evangelium obseruare, viuendo in obedientia, sine proprio, & in castitate; tum ex eo, quod in eadem Regula continetur sic: Finito vero anno probationis, recipiantur ad obedientiam,

tiam, promittentes vitam istam semper & Regulam obseruare; tum etiam quia in fine ipsius Regulæ continentur hæc verba: Paupertatem & humilitatem ac sanctum Evangelium Domini JESU Christi, quod firmiter promissimus, obseruemus. Licet felicitis recordationis Gregorius Papa nonus, prædecessor noster, hunc articulum & nonnullos ejusdem Regulæ declarauit: quia tamen ejus declaratio propter aliquorum insurgentium in fratres & Regulam inordinatos vel mordaces insultus, & multorum postea emergentium casuum considerandos euentus: in aliquibus obscura, in aliquibus semiple-na, & in multis etiam contentis in ipsa Regula, insufficiens videbatur; nos obscuritatem ac insufficientiam huiusmodi perfectæ interpretationis declaratione amouere volentes, & cujuslibet ambiguitatis scrupulum in eisdem de singulorum mentibus plenioris expositionis certitudine amputare: dicimus, quòd cum in principio Regulæ non absolute, sed cum quadam modificatione seu determinatione seu specificatione ponatur, Regula & vita Minorum fratrum hæc est, scilicet Domini nostri JESU Christi sanctum Evangelium obseruare, viuendo in obedi-

A 4

entia,



entia, sine proprio, & in castitate. Quæ tria eadem Regula multum arctè prosequitur, & nihilominus alia nonnulla subnectit, præcipiendo, prohibendo, consulendo, monendo, hortando, & sub aliis verbis ad aliquem modorum reducibilibus prædictorum; de intentione Regulæ liquere valet apertius, ut illud quod in professione quasi absolute subnecti videtur, promittentes vitant istam semper & Regulam observare: & quod in fine subjungitur. Et sanctum Evangelium Domini nostri JESU Christi, quod firmiter promisimus, observemus: totum ad ipsius Regulæ modificatum vel determinatum seu specificatum principium reducat; videlicet ad observantiam Evangelij (ut prædicitur) per ipsam Regulam in illis tribus modificatam vel determinatam seu specificatam, cum non sit verisimile ipsum Sanctum verbum ab ipso semel cum quadam modificatione seu specificatione prolatum (licet quasi succinctorie repositum) voluisse in sua repetitione data sibi per eum modificatione vel determinatione seu specificatione sine certa causa carere; & utriusque juris argumenta nos doceant, ea quæ in principio ad medium, & ad finem; illa verò quæ in me-

medio ad finem atque principium : & ea quæ in fine , ad utrumque vel eorum alterum sæpe referri. Et dato quod absolutè diceretur : Promitto sanctum Evangelium observare : nisi professor hujusmodi intenderet se ad omnium consiliorum observantiam obligare ( quod vix aut numquam possit ad litteram observare , propter quod talis promissio illaqueare profitentis animum videretur ) clarè videtur promissionem hujusmodi ad alium intellectum absque intentione promittentis non debere perstringi , nisi ut observantia Evangelij sit sicut tradita reperitur à Christo , videlicet quod præcepta , & consilia , ut consilia à promittentibus observentur. Quem intellectum etiam in eisdem verbis habuisse idem beatus Franciscus in serie sui processus in Regula patenter ostendit : cum aliqua Evangelica consilia inducat , ut consilia sub verbis monitionis , exhortationis , & consilii , nonnulla verò sub prohibitione ac verbo præcepti. Per quod patet , quod non fuit loquentis intentio , quod fratres ex professione hujusmodi Regulæ ad omnia consilia sicut ad præcepta Evangelica tenerentur , sed solum ad illa consilia quæ in eadem REGULA præceptorie vel

inhibitoriè seu sub verbis æquipollentibus sunt expressa,

*Ad quæ consilia Evangelica fratres ex professione teneantur.*

Unde nos ad fratrum ejusdem Ordinis conscientias plenarie serenandas declaramus, quod ex professione ejusdem Regulæ fratres ipsi ad ea tantum Evangelica observanda consilia sunt adstricti, quæ in ipsa Regula præceptorie, seu sub verbis æquipollentibus exprimuntur. Ad nonnulla verò alia per Evangelium data consilia eò magis secundum exigentiam sui status tenentur plus quàm cæteri Christiani, quò per statum perfectionis ( quem per professionem hujusmodi assumpserunt ) se obtulerunt Domino holocaustum medullatum per contemptum omnium mundanorum. Ad omnia autem quæ in ipsa Regula continentur, tam præcepta quàm consilia, quàm cætera, ex voto professionis huiusmodi non aliter tenentur, quàm eo modo quo in Regula ipsa traduntur, ut scilicet teneantur, ad eorum observantiam, quæ in eadem Regula ipsis sub verbis obligatoriis indicuntur. Cæterorum verò observantiam, quæ sub verbis monitoriis, exhortatoriis, informatiis, & in-

instructoriis seu quibuscumque aliis continentur, eatenus magis condecet de bono & æquo eos prosequi: quo imitatores tanti Patris effecti, Christi semitas arctius elegerunt.

## II. ARTICULUS.

*De observantia paupertatis, & abdicatione proprietatis.*

**P**orro cum ipsa Regula expressè contineat quod fratres nihil sibi approprient, nec domum, nec locum, nec aliquam rem; sitque declaratum per eundem prædecessorem nostrum Gregorium nonum & nonnullos alios, hoc servari debere tam in speciali, quàm in comuni, quam sic arctam abdicationem venenosus obtrectionibus aliquorum insensata deprauavit astutia: ne fratrum eorundem perfectionis claritas talium imperitis sermonibus laceretur: dicimus, quod abdicatio proprietatis huiusmodi omnium rerum tam in speciali quam etiam in comuni propter Deum meritoria est & sancta, quam & Christus, viam perfectionis ostendens, verbo docuit, & exemplo firmavit, quamque primi fundatores militantis Ecclesiæ, prout ab ipso fonte hauserant,

volentes perfectè viuere, per doctrinæ ac vitæ ipsorum alueos in eos deriuarunt.

Nec his quisquam putet obsistere, quod interdum dicitur, Christum loculos habuisse: nam sic ipse Christus, cuius perfecta sunt opera in suis actibus viam perfectionis exercuit, quod interdum infirmorum imperfectionibus condescendens, & viam perfectionis extolleret, & imperfectorum infirmas semitas non damnaret. Sic infirmorum personam Christus accepit in oculis, sic in nonnullis aliis infirma humanæ carnis assumens ( prout Evangelica testatur historia ) non tantum carnē, sed & mente condescendit infirmis. Sic enim humanam naturam assumpsit, quod in suis operibus perfectus existens, in nostris factus humilis, in propriis permansit excelsus. Sic & summæ charitatis dignatione ad actus quosdam nostræ imperfectioni conformes inducitur, quod a summæ perfectionis rectitudine non curuatur. Egit namque Christus & docuit opera perfectionis; egit etiam infirma sicut interdum in fuga patet & loculis: sed vtrumque perfectè perfectus existens; ut perfectis & imperfectis se viam salutis ostenderet, qui utroque saluare venerat, qui tandem mori voluit pro utrisque.

*Sum-*

*Summa hæc abdicatio omnis proprietatis ,  
licita est & meritoria.*

Nec quisquam ex his insurgat erroneè ,  
quòd taliter propter Deum proprietatem om-  
nium abdicantes, tanquam homicidæ sui ,  
vel tentatores Dei , viuendi discrimini se  
committant. Sic enim seipsos committunt  
diuinæ prouidentiae in viuendo, ut viam  
non contemnant prouisionis humanæ: quin  
vel de his quæ offeruntur liberaliter, vel de  
his quæ mendicantur humiliter, vel de his  
quæ conquiruntur per laboritium, sustenten-  
tur, qui triplex viuendi modus prouidetur  
in Regula expressè. Profecto ( si iuxta pro-  
missum Saluatoris, *Luc. 22.* ) nunquam de-  
ficiet fides Ecclesiæ: per consequens nec  
opera bona subtrahentur. Ex quo Christi  
pauperibus omnis ratio diffidentiae cuiusli-  
bet videtur esse sublata, Et quidem ubi  
(quod non est aliquatenus præsumendum)  
hæc cuncta deficerent: sicut nec cæteris,  
sic nec ipsis fratribus jure poli in extremæ ne-  
cessitatis articulo, ad prouidendum susten-  
tationi naturæ, via omnibus extrema ne-  
cessitate detentis concessa præcluditur: cum  
ab omni lege extrema necessitas sit ex-  
empta.

Nec

Nec talem abdicationem proprietatis omnimodæ, renunciationem usus rerum cuique videatur inducere. Nam cum in rebus temporalibus sit considerare præcipuum; proprietatem, possessionem, usum fructum, jus utendi, & simplicem facti usum, & ultimo tamquam necessario egeat ( licet primis carere possit vita mortalium ) nulla prorsus potest esse professio quæ à se usum necessariæ sustentationis excludat: verum condecens fuit ei professioni, quæ spontè deuouit Christum pauperem in tanta paupertate sectari, omnium abdicare dominium, & rerum sibi concessarum necessario usu, fore contentam.

Nec per hoc quod proprietatem usus, & rei cuiuscumque dominium à se abdicasse videtur, simplici usui omnis rei renunciasse conuincitur: qui, inquam, usus non juris, sed facti tantum modo nomen habens, quod facti est tantum in utendo præbet utentibus, nihil juris. Quinimo necessariarum rerum tam ad vitæ sustentationem, quàm ad officiorum sui status executionem ( excepto quod de pecunia infra subjungitur ) moderatus usus, secundum eorum Regulam & veritatem omnimodam, concessus est fratribus:

Qui-

Quibus rebus fratres licitè uti possunt, durante concedentis licentia : & juxta quod in præsentì serie continetur.

Nec his obuiare dignoscitur quod ciuilis prouidentia in humanis rebus humanè constituit, videlicet non posse usum vel usum fructuum à dominio perpetuo separari ; quod ne dominium dominis ( semper abscedente usu ) redderetur inutile, temporalem utilitatem tantum in constituendo prospiciens, ista decreuit. Retentio namque dominiij talium rerum cum concessione usus facta pauperibus, non est infructuosa domino, cum sit meritoria ad æterna, & professioni pauperum opportuna que tantò sibi censetur utilior, quanto commutat temporalia pro æternis.

Profectò non fuit Confessoris Christi Regulam instituentis intentio, rerum quarumlibet usum necessarium abdicare : quinimo contrarium in ipsa conscripsit, contrarium viuendo seruauit, cum & ipse temporalibus ad necessitatem usus fuerit, & in pluribus locis in Regula usum talem licere fratribus manifestet. Dicit namque in Regula, quod clerici faciant diuinum officium, ex quo habere poterunt Breuiaria : ex hoc patenter in-

fi-



sinuans, quod fratres sui habituri essent usum Breuiarij, & librorum qui sunt ad diuinum officium opportuni. In alio quoque capitulo dicit, quòd Ministri & Custodes pro necessitatibus infirmorum, & aliis fratribus induendis, per amicos spirituales sollicitam curam gerant secundum loca, & tempora, & frigidas regiones: sicut eorum necessitati viderint expedire. Alibi etiam exhortans fratres per congruum laboris exercitium ad otium euitandum, dicit, quod de mercede laboris pro se & suis fratribus corporis necessaria recipiant. In alio quoque capitulo continetur, quòd fratres vadant pro eleëmofyna confidenter. Habetur etiam in eadem Regula, quod in prædicatione quam fratres faciunt, sint examinata, & casta eorum eloquia, ad utilitatem & ædificationem populi: annunciando eis vitia & virtutes, poenam & gloriam. Sed constans est, quod hæc præsupponunt scientiam, scientia requirit studium, exercitium verò studij conuenienter haberi non potest sine usu librorum. Ex quibus omnibus satis claret, ex Regula ad victum, vestitum, diuinum cultum, & sapientiale studium, rerum usum fratribus esse concessum:

Pa-

Patet itaque sanè intelligentibus ex prædictis ; Regulam , quoad abdicationem huiusmodi , non solum observabilem , possibilem & licitam , sed meritoriam & perfectam , & eo magis meritoriam , quò per ipsam professores ipsius magis à temporalibus propter Deum ( sicut prædicitur ) elongantur.

### III. ARTICULUS.

*Cui competat dominium rerum fratribus concessarum.*

**A**D hæc cum fratres ipsi nihil sibi in speciali acquirere , vel eorum Ordini possint etiam in communi , & cum aliquid propter Deum ipsis offertur , conceditur , vel donatur : ea ( si secus non exprimat ) offerentis , concedentis , vel donantis , verisimiliter credatur fuisse intentio , ut rem huiusmodi oblatam , concessam vel donatam , perfectè concedat , donet & offerat , à se abdicet , ac in alios transferre cupiat propter Deum ; nec sit persona in quam loco Dei congruentius huiusmodi rei dominium transferatur , quàm Sedes præfata , vel persona Romani Pontificis Christi Vicarij , qui Pater est omnium , & fratrum Minorum nihilominus specialis : ne talium rerum sub

B in-

incerto videatur esse dominium, cum patri filius suo modo, seruus domino, & Monachus monasterio, res sibi oblatas, concessas, vel donatas aquirant, omnium utensilium, & librorum ac eorum mobiliū, præsentium & futurorum quæ, & quorum usum ( facti scil.) Ordini vel fratribus ipsis licet habere proprietatem & dominium ( qualiter felix recordationis Innocentius Papa quartus prædecessor noster fecisse dignoscitur ) in nos & Romanam Ecclesiam Apostolica auctoritate recipimus, & ad nos & ipsam Ecclesiam plenè & liberè pertinere, hac præsentī constitutione in perpetuum valitura sancimus.

Præterea loca empta de eleëmofynis diuersis, & oblata; seu concessa fratribus, sub quacumque forma verborum ( licet fratres sibi cauere debeant, quòd in huiusmodi, verbis statui suo incompetentibus non utantur ) à diuersis seu pro indiuiso possidentibus, seu certas partes in ipsis locis habentibus, in quibus ipsi possidentes pro indiuiso seu certas partes habentes nihil sibi in oblatione seu concessione huiusmodi reseruauerint, similiter & in jus & dominium ac proprietatem nostram & Ecclesie prædictæ, eadem auctoritate suscipimus. Lo-

Loca verò seu domos pro habitatione fratrum à singulari persona vel collegio ipsis fratribus ex integro concedenda, seu etiam offerenda ( si talia de voluntate conferentis fratres inhabitare contigerit ) perseverante tantum concedentis voluntate inhabitent : ac illa liberè ( præter Ecclesiam & oratoria ad Ecclesiam destinata, & cœmiterium, quæ tam præsentia, quàm futura in jus & proprietatem nostram & prædictæ Romanæ Ecclesiæ simili modo & auctoritate recipimus ) mutata concedentis voluntate, ac ipsis fratribus patefacta, dimittant ; in quorum locorum dominio seu proprietate nihil nobis vel præfatæ Romanæ Ecclesiæ retinemus omnino : nisi ea specialiter de nostro seu ipsius Romanæ Ecclesiæ recipiantur assensu. Et si in eisdem locis reservauerit dominium sibi in concedendo concedens : propter inhabitationem fratrum, tale dominium in jus Ecclesiæ sæpe dictæ non transeat : sed potius plenè liberum maneat concedenti.

Insuper nec utensilia, nec alia quorum usum ad necessitatem & officiorum sui status executionem licet habere, ( non enim omnium rerum usum habere debent, ut

dictum est) ad ullam superfluitatem, diuitias seu copiam quæ deroget paupertati, vel ad thesaurizationem vel eo animo, ut ea distrahant siue vendant, recipiant, nec sub colore providentiæ in futurum, nec alia occasione: quinimo in omnibus appareat in eis, quoad dominium omnimoda abdicatio, & in usu necessitas. Hoc autem secundum exigentiam personarum & locorum Ministri & Custodes simul & separatim in suis administrationibus & custodiis, cum discretione disponant: cum de talibus interdum personarum qualitas, temporum varietas, locorum conditio, & nonnullæ aliæ circumstantiæ, plus minusue, ac aliter providere requirant. Ista tamen sic faciant, quod semper in eis & eorum actibus paupertas sancta relu-  
ceat, prout ipsis ex eorum Regula  
inuenitur indicta.

#### IV. ARTICULUS.

##### *De eleemosynis pecuniariis.*

**C**ETERUM cum in eadem Regula sit sub præcepti distinctione prohibitum, ne fratres recipiant per se vel per alios denarios vel pecuniam ullo modo, idque fratres in perpetuum seruare cupiant, & velut iniun-  
ctum

Etum necesse habeant adimplere: ne ipsorum puritas in huiusmodi obseruatione præcepti maculetur in aliquo, & ne fratrum conscientia aliquibus aculeis stimulentur, articulum istum propter detrahentium morsus profundius, quàm nostri prædecessores fecerint assumentes, ac ipsum clarioribus determinationibus prosequentes; dicimus in primis, quod fratres ipsi à mutuis contrahendis abstineant, cùm eis mutuum contrahere (ipsorum statu considerato) non liceat. Possint tamen ipsi pro satisfactione facienda, pro eorum necessitatibus quæ pro tempore occurrerint (cessantibus eleëmofynis, de quibus satisfieri commodè tunc non posset) citra cuiuslibet obligationis vinculum dicere, quòd per eleëmofynas, & alios amicos fratrum, ad solutionem huiusmodi faciendam intendant fideliter laborare. Quo casu procuretur à fratribus, quòd ille qui dabit eleëmofynam, per se, vel per alium non nominandum ab ipsis, si fieri poterit, sed ab eo potius juxta suum beneplacitum assumendum, huiusmodi satisfactionem faciat in totum vel in partem, prout Dominus sibi inspirabit.

Si tamen ipse hoc nollet facere, vel non

B 3

pos-

posset, vel quia recessus eius immineat, aut quia quibus velit committere, notitiam non habeat fidelium personarum, seu quacumque alia occasione vel causa: declaramus & dicimus, quòd in nullo Regulæ puritas infringitur, aut quomodolibet ipsius observantia maculatur, si fratres ipsi alicuius vel aliquorum sibi curent dare notitiam vel aliquos seu aliquem nominare, aut etiam presentare cui vel quibus eleëmofynam facienti placuerit, committi possit executio prædictorum, ac ipsius habeatur assensus & super subrogationibus infra scriptis. Ita tamen quòd penes ipsum dantem dominio, proprietate ac possessione ipsius pecuniæ, cum libera potestate reuocandi, sibi pecuniam ipsam semper usque ad conuersionem ipsius in rem deputatam, plenè liberè ac integrè remanentibus in ipsa pecunia, nihil omnino fratres juris habeant, nec administrationem seu dispensationem, nec contra personam nominatam vel non nominatam ab eis, cuiuscumque conditionis existat, in iudicio vel extra, actionem, prosecutionem, aut aliquod jus, qualitercumque persona prædicta in commissione huiusmodi se habeat. Liceat tamen fratribus suas necessitates in-

si

finuare ac specificare, vel exponere personæ prædictæ, ac eam rogare quòd soluat. Possunt etiam personam eandem exhortari ac inducere, quòd fideliter in re commissa se habeat, & animæ suæ salutem in commissa sibi executione prouideat. Ita tamen quòd ab omni eiusdem pecuniæ administratione seu dispensatione, & contra prædictam personam actione seu prosecutione ( ut prædictum est ) fratres abstineant omnimode.

Si verò personam huiusmodi nominatam vel non nominatam à fratribus, ( quò minus per se posset exequi quod prædicitur ) contigerit per absentiam, infirmitatem, voluntatem, seu locorum distantiam, ad quæ ipse nollet accedere; in quibus est solutio seu satisfactio facienda, vel per occasionem aliquam impediri: liceat fratribus cum conscientiae puritate, quantum ad unam aliam personam subrogandam ad præmissa in nominando & aliis ( si ad primum dantem non possint vel nolint habere recursum ) cum ista persona facere, sicut supra declarauimus eis licere cum prima. Duarum enim personarum ministerium per viam subrogationis ( ut prædictum est ) communius & generalius videtur posse in prædictorum ex-



ecutione sufficere, cum prædicta satisfactio præsumatur posse celeriter expediri. Si tamen interdum propter locorum distantiam, in quibus satisfactio facienda, & conditiones seu circumstantias alias casus emergeret, in quo videretur plurimum personarum subrogandarum ministerium opportunum: liceat ipsis fratribus in hoc casu juxta negotii qualitatem (servato modo prædicto) plures personas assumere, nominare, seu præsentare ad illud ministerium exequendum.

*Pro necessitatibus futuris.*

Et quia oportet & expedit fratrum necessitatibus, non solum illis pro quibus jam esset solutio seu satisfactio facienda (ut supra proximè dictum est) sed etiam imminetibus, siue tales necessitates ingruentes immineant, quæ brevi tempore expediri valeant, siue tales, licet paucae comparatiuè, quarum provisio ex sui conditione necessario tractum temporis habet, ut in libris scribendis, Ecclesiis, seu ædificiis ad usum habitationis ipsorum construendis, libris, & pannis in locis remotis emendis, & aliis similibus, si quæ occurrerint, cum moderamine supradicto, salubriter provideri: sicut

cut in istis necessitatibus clare distinguimus, sic in aliis fratres posse tutè & salua conscientia procedere declaramus : videlicet ut ingruenti vel imminenti necessitate quæ breui tempore, vel quæ interdum ex aliquibus circumstantiis non sic breui ( ut suprà in proximo casu dictum est ) valeat expediri, tam quoad dantem eleëmofynam, quàm quoad nominatum vel substitutum in omnibus & per omnia ( sicut in articulo solutionis pro necessitatibus præteritis faciendæ suprà proximè declarauimus ) procedatur.

In ea verò necessitate quantumcumque præsentialiter ingruenti, quæ tamen ex qualitate sui, ut prædicitur, tractum temporis habet annexum; quia in eo casu verisimile est quod tam ratione distantiae locorum quàm expeditio necessitatis ipsius ex sui conditione requireret; tum etiam circumstantiarum ipsius necessitatis ratione pensata; frequenter casus acciderent, in quibus ad expeditionem necessitatis huiusmodiporteret, quod per diuersas manus & personas transiret pecunia, necessitati huiusmodi deputata, quarum omnium personarum impossibile quasi esset dominum principalem pro ipsa necessitate pecuniam depu-

tantem, seu etiam substitutum ab eo & tertium etiam ab ipso substituto ( si casus talis accideret ) postea subrogatum habere notitiam : declaramus & dicimus, quod in hoc articulo præter dictos duos modos in necessitatibus præteritis & ingruentibus, quæ possint breui tempore, vel interdum non breui ( ut supra exprimitur ) expediri ( ut prædiximus ) obseruandos, ad obseruandam ipsius Regulæ ac professorum ejus omnimodam puritatem : quod si præsto sit elemosynæ huiusmodi elargitor, vel ejus nuntius, qui possit hoc facere, & velit, expressè prædicatur illi à fratribus quod sibi placeat, ut dominio talis pecuniæ cum libera potestate reuocandi sibi pecuniam ipsam penes ipsum semper usque ad conuersionem ipsius in rem deputatam liberè remanente ( ut in aliis duobus casibus superius dictum est ) per quorumcumque manus pecunia seu elemosyna ipsa tractetur, siue per personas ab eo vel à fratribus nominatas : totum suo consensu, voluntate, ac auctoritate procedat. Quo assensum suum præbente prædictis, securè fratres re emptam vel acquisitam de illa pecunia per quemcumque ( juxta modum annotatum superius ) uti possint.

Ad

Ad maiorem autem prædictorum omnium claritatem hac in perpetuum valitura provisionis serie declaramus, quod fratres præfatis modis ( ut prædicimus ) circa pecuniam in supportandis eorum præteritis & ingruentibus necessitatibus observatis, non intelligantur, nec dici possint per se vel per interpositam personam pecuniam recipere contra regulam & professionis sui Ordinis puritatem: cum manifestè pateat ex præmissis, ipsos fratres non solum à receptione, proprietate, dominio, siue usu ipsius pecuniæ, verum etiam à contrectatione qualibet ipsius, & ab ea penitus alienos esse.

*Quid faciendum si dator eleemosynæ moriatur.*

In eo verò casu, quando, antequam ipsa pecunia in licitum rei habendæ vel utendæ commercium sit conuersa, concedentem pecuniam mori contigerit: si concedens in concedendo dixerit vel expresserit, quòd persona deputata pecuniam ipsam in necessariam usum fratrum expendere: quidquid de ipso concedente viuendo vel moriendo contingeret, siue concedens huiusmodi hæredem reliquerit, siue non possint fratres ad personam deputatam  
( non

( non obstante concedentis morte, vel hæredis contradictione ) pro ipsa pecunia expendenda recurrere sicut poterant ad ipsum dominium concedentem.

*Quid agendum de pecunia quæ superest,  
habita necessitate determinata.*

Quia verò puritatem, ipsius Ordinis intima cordis affectione zelamus, cum in prædictis casibus ad determinatam necessitatem ( ut prædicitur ) per aliquem pecuniam concedi contigerit, concedens pecuniam rogari possit à fratribus, quod si quid de pecunia ipsa ( habita necessitate determinata ) supererit, consentiat ipse concedens, quòd residuum præfatæ pecuniæ in res alias pro aliis ipsorum fratrum prædictis necessitatibus conuertatur. Quo non consentiente prædictis; ipsum residuum ( si quid fuerit ) restituatur eidem. Caueant tamen fratres, quòd sollicitè se coaptent, ut non plus scienter concedi consentiant, quam verisimiliter æstimari possit, rem necessariam, pro qua pecunia ipsa conceditur, valituram.

Et quia in prædictorum seriosa expositione, à dante vel recipiente, de facili possit errari; ut clarius utilitati dantium, puritati Ordinis, simplicitati aliquorum simplicium,

Quum, salutem animarum, hinc inde securius consulatur: intellectum illum qui satis in hoc casu à sanè intelligente percipitur, præsentis & in æternum valituræ constitutionis serie lucidamus; volentes illum ad communem deduci notitiam: videlicet quòd semper quando pecunia fratribus ipsis mittitur vel offertur (nisi expressè per mittentem vel offerentem aliud exprimatur) prædictis modis prorsus oblata intelligatur & missa. Non enim verisimile est aliquem eleëmossynæ suæ sine expressione modum illum velle præfigere, per quem & donans merito, vel illi quorum necessitatibus intendit per donum huiusmodi prouidere vel effectum doni, vel suæ conscientiae puritate fraudentur.

## V. ARTICULUS.

*De 'eis quæ relinquuntur fratribus testamento.*

**A**D hæc quia fratribus ipsis interdum in ultimis voluntatibus sub diuersis modis nonnulla legantur, nec expressè, quid de his agendum sit in Regula, vel prædecessorum nostrorum declarationibus continetur: ne in ipsis dubitari contingat in poster-

sterum prouidendo legantibus, & fratrum conscientiis præcauendo, declaramus, ordinamus, & dicimus: quod si Testator modum secundum quem fratribus (eorum conditione inspecta) recipere non liceret, exprimat in legando; ut si legaret fratribus vineam vel agrum ad excolendum, domum ad locandum; vel similia verba in similibus proferret, aut modos similes in relinquendo seruaret: à tali legato & eius receptione per omnem modum fratres abstineant.

Si verò modum licitum fratribus in legando Testator expresserit, ut si diceret: Lego pecuniam pro fratrum necessitatibus expendendam, vel domum, agrum, vineam, & similia, ad hoc quod per certam personam vel personas idoneas distrahantur, & pecunia de rebus ipsis accepta, in ædificia vel alia fratrum necessaria conuertatur, aut in legando similibus modis vel verbis utatur: in hoc casu illud in omnibus & per omnia (consideratis eorum necessitatibus, & moderaminibus supradictis) quantum ad fratres seruari decernimus, quod per nos superius est in concessis pecuniariis eleëmofynis declaratum.

Ad

Ad quæ legata soluenda tam hæredes Testatorum, quàm executores se liberales exhibeant, & etiam Prælati & sæculares, quibus de jure & consuetudine prouisio ista competeret (cum expedierit) se officio suo promptos exhibeant ad pias voluntates decedentium adimplendas. Nam & nos etiam per modos licitos & fratrum Regulæ congruos intendimus prouidere; quod hæredum cupiditas legitimis ictibus feriat, ne pia defunctorum destituatur intentio, ac ipsi fratres pauperes opportunis auxiliis fraudentur.

*De legatis indifferenter relictis.*

Si verò fratribus ipsis generaliter aliquid absque modi expressione legetur, in hoc legato sic indeterminatè relicto, in omnibus & per omnia intelligi ac seruari volumus, & in perpetuum præsentī constitutione jubemus, quod suprà in pecuniaria eleëmofyna fratribus indeterminate oblata vel missa volumus ac expressimus obseruari: videlicet ut sub modo licito fratribus intelligatur esse relictum. Ita quod nec legans merito: nec fratres ipsi effectu relictī fraudentur.



## VI. ARTICULUS.

*De commutatione rerum mobilium.*

**Q**uia verò libros & alia mobilia quibus tam Ordo quàm fratres utuntur quorum dominium (cum non sint domini aliorum) ad præfatam Ecclesiam specialiter spectare dignoscitur, interdum contingit seu expedit vendi, vel etiam commutari: fratrum utilitatibus & eorum conscientis providere volentes, eadem auctoritate concedimus, ut commutatio talium rerum, & ad eas res quarum usum fratribus licet habere, de generalium & provincialium Ministrorum in suis administrationibus conjunctim & diuissim auctoritate procedat. Quibus etiam de dispositione usus talium rerum concedimus ordinare.

Si verò res huiusmodi æstimato pretio vendi contingat; cum fratribus ipsis per se, vel per alium recipere pecuniam (Regula prohibente) non liceat; ordinamus & volumus, quòd talis pecunia vel pretium recipiatur & expendatur in rem licitam, cuius usum fratribus licet habere per procuratorem à præfata Sede, vel à Cardinali gubernationem per ipsam Sedem gerente eiusdem

Or

Ordinis deputandum, juxta modum in superioribus necessitatibus præteritis ordinatum.

*De largitione vilium.*

De vilibus autem, mobilibus vel parum valentibus, liceat ex præsentī constitutione fratribus pietatis seu deuotionis intuitu, vel pro alia honesta & rationabili causā (obtentā super hoc prius Superiorum suorum licentia) juxta quod inter fratres in generali vel in prouincialibus Capitulis, tam de ipsis rebus vilibus seu parum valentibus, & earum valore, quā præfata licentia, scilicet à quibus & qualiter sit habenda, extiterit ordinatum, intra & extra Ordinem aliis elargiri.

VII. ARTICULUS.

*De vestibus fratrum.*

**L**icet autem contineatur in Regula quod fratres habeant unam tunicam cum caputio, & aliam sine caputio, & videri possit illa fuisse instituentis intentio, quod necessitate cessante, pluribus non utantur: declaramus quod possint fratres de licentia Ministrorum, & Custodum conjunctim & diuisim in administrationibus sibi commissis,

sis, cum eis videbitur ( pensatis necessitatibus, & aliis circumstantiis, quæ secundum Deum & Regulam attendendæ videntur ) uti pluribus, nec per hoc videantur à REGULA deuiare, cum etiam in ipsa dicatur expresse quod Ministri & Custodes de infirmorum necessitatibus & fratribus induendis, sollicitam curam gerant secundum loca & tempora, & frigidas regiones.

Et quamquam prædicta Regula contineat, quod de fratribus induendis, & necessitatibus infirmorum Ministri tantum & Custodes sollicitam curam gerant, & dictio illa ( tantum ) sic Ministros & Custodes in hac cura perstringere videatur, quod ab ea cæteros prima facie excludere videatur: quia tamen sollicitè considerare nos conuenit, & tempus Regulæ institutæ, quo fratres ipsi ad comparisonem præsentem numero pauciores erant, & forsan Ministri & Custodes videbantur tunc ad ista procuranda posse sufficere, ac nihilominus multiplicationis fratrum, & moderni temporis qualitatem; nec sit verisimile Franciscum institutorem Regulæ, vel ipsis Ministris & Custodibus impossibilitatis jugum voluisse præfigere, vel ex ipsius impossibilitatis consequentia Fratres ipsos

ipſos ſuis neceſſitatibus velle carere: concedimus quod ipſi Miniſtri & Cuſtodes poſſint per alios huiusmodi curæ ſolicitudinem exercere. Debent etiam & alii fratres curam huiusmodi, quæ præſatis Miniſtris & Cuſtodibus præcipuè incumbit ex Regula, cum ſibi ab illis commiſſa fuerit gerere diligenter.

## VIII. ARTICULUS.

### *De modo laborandi.*

**C**ontinetur quoque in Regula, quòd fratres, quibus gratiam dedit Dominus laborandi laborent fideliter & deuotè; ita quod excluſo ocio animæ inimico, ſanctæ orationis & deuotionis ſpiritum non extinguant. Quia verò ex verbo iſto fratres ipſos de otioſitate vitæ, & de Regulæ transgreſſione, improbè notare interdum hactenus aliqui ſunt conati: nos morſus huiusmodi nefarios reprimentes declaramus quòd conſideratis verbis prædictis, & forma ſeu modo loquendi, ſub quibus fratres ad huiusmodi exercitium inducuntur, non videtur caſuiſſe inſtituentis intentio, quòd vacantes ſtudio vel diuinis officiis & miniſteriis exequendis manuali labori ſeu operationi ſub-

jiceret, vel ad hoc illos arctaret, cum exemplo Christi & multorum sanctorum Patrum, labor iste spiritualis tantò illi præponderet, quantò quæ sunt animæ, corporalibus præferuntur. Ad alios verò qui se in prædictis spiritualibus operibus non exercent, nisi tales aliorum fratrum licitis seruitiis occupentur, ne otiosè viuant, verba prædicta declaramus extendi : nisi & tales tam excellentis & notabilis contemplationis & orationis existerent, quòd merito propter hoc non essent à tanto bono pro huiusmodi exercitiis subtrahendi. Fratres enim quantumcumque studio vel diuinis ministeriis non vacantes, sed aliorum fratrum studio vel aliis diuinis officiis & ministeriis vacantium seruitiis inhærentes cum ipsis quibus seruiunt sustentari merentur : quod adstruitur illa æqua lege sancitum, qua strenuus pugnator ille David iustè decreuit, 1. Reg. 30. videlicet, quod descendendum ad prælium, & remanentium ad sarcinas, portio æquaretur.

## IX. ARTICULUS.

### *De Prædicatoribus.*

**V**erum quia expressè continetur in Regula, quod fratres non prædicent in Epi-

Episcopatu alicuius Episcopi, cum ab eo illis fuerit contradicendum: nos in hoc, & deferentes Regulæ, & nihilominus auctoritatem Apostolicæ plenitudinis conseruantes, dicimus quod prædictum verbum ad litteram, sicut Regula ipsa protulit, obseruetur, nisi per Sedem Apostolicam circa hoc pro utilitate populi Christiani sit concessum vel ordinatum aliud; vel in posterum concedatur seu etiam ordinetur.

Et quia in eodem capitulo Regulæ immediate subiungitur, quod nullus fratrum populo penitus audeat prædicare nisi à Ministro Generali fuerit examinatus & approbatus, ac ab eo prædicationis officium sibi concessum: nos & statum præteritum ipsius Ordinis in paucitate sui, & modernum in ampliato fratrum numero ac utilitate animarum (ut condecet) aduertentes, concedimus quod nedum Generalis examinare & approbare fratres prædicaturos in populis, ac illis concedere licentiam prædicandi, quatenus personæ idoneitatem, & prædicationis officium licentia ipsa respiceret, prout in Regula continetur; verum etiam Prouinciales Ministri hoc possint in capitulis prouincialibus cum definitoribus. Quod etiam hodie

obseruari dicitur, & in fratrum priuilegiis contineri. Quam quidem licentiam præfati Ministri reuocare ac suspendere valeant & arctare, sicut & quando id eis videbitur expedire.

## X. ARTICULUS.

*De modo recipiendi fratres ad Ordinem.*

**S**ed quoniam in desideriis nostris hoc geritur, ut ad Dei gloriam salus proficiat animarum, ac dictus Ordo per quem jugiter ad amorem diuinum affectio Christianæ religionis accenditur, merito & numero augeatur: concedimus & præfenti statuto firmamus, licere non solum Generali sed etiam Prouincialibus Ministris, personas fugientes à sæculo in fratres recipere, quæ Ministrorum Prouincialium licentia per ipsum Generalem (sicut expedire viderit) possit arctari. Vicarii vero Prouincialium Ministrorum ex officio vicariæ licentiam hanc sibi noverint interdictam: nisi per Ministros eosdem ( quibus hoc posse committere Vicariis, & aliis licere decernimus ) hoc ipsis Vicariis specialiter committatur. Caueant tamen ipsi Prouinciales, quod hoc non indiscretè, non passim, sed sic consideratè committant, sicque illos quibus hoc committi contigerit, fide-

fidelibus consiliis fulciant, quòd omnia discretè procedant.

Nec indifferenter omnes admittantur ad Ordinem, sed illi tantum, qui suffragantibus eis literatura, idoneitate, vel aliis circumstantiis, possint utiles esse Ordini, sibi-que per vitæ meritum, ac aliis proficere per exemplum.

### IX. ARTICULUS.

*De mittendo Custode custodum ad Capitulum Generale.*

**I**NSUPER dubitantibus fratribus prædicti Ordinis, an pro eo quod in Regula dicitur, ut decedente Generali Ministro à Prouincialibus Ministris & Custodibus in Capitulo Pentecostes fiat electio Successoris; omnium Custodum multitudinem oporteat ad Generale Capitulum conuenire, aut ut omnia cum majori tranquillitate tractentur sufficere possit ut aliqui de singulis prouinciis, qui vocem habeant aliorum, intersint: taliter respondemus, ut scilicet singularum prouinciarum custodes unum ex se constituent, quem cum suo prouinciali Ministro pro se-ipsis ad Capitulum dirigant, voces ac voces suas committentes eidem, quod etiam cum constituerint per seipsos, statutum



huiusmodi duximus approbandum. Quod idem prædecessor Gregorius IX. in casu huiusmodi dicitur respondisse.

## XII. ARTICULUS.

*De Ingressu & accessu ad monasteria Monialium.*

**D**énique quia continetur in Regula prædicta, quod fratres non ingrediantur monasteria monacharum, præter illos quibus à Sede Apostolica concessa fuerit licentia specialis; quamquam hoc de monasteriis pauperum monialium inclusarum fratres hætenus intelligendum esse crediderint, cum earum Sedes præfata curam habeat specialem; & intellectus huiusmodi per Constitutionem quandam tempore datæ Regulæ, viuente adhuc beato Francisco, per Præfatos Ministros fuisse credatur in generali Capitulo declaratus: iidem fratres certificari nihilominus postulauerunt, an hoc de omnibus generaliter; cum Regula nullum excipiat; an de illis solum monasteriis monialium prædictarum debeat intelligi. Nos itaque generaliter id esse prohibitum de quarumlibet cœnobiis monialium respondemus. Et nomine monasterii volumus claustrum, domos, officinas interiores intelligi; pro eo quod ad alia loca, ubi ho-

mi-

mines sæculares conueniunt, possint fratres illi causa prædicationis vel eleëmofynæ petendæ cedere, quibus id à Superioribus suis pro sua fuerit maturitate vel idoneitate concessum, exceptis semper prædictarum monasteriis inclusarum, ad quæ nulli datur accendi facultas, sine Sedis eiusdem licentia speciali. Quod etiam ipsum idem prædecessor noster Greg. IX. in eo casu dicitur respondisse.

## XIII. ARTICULUS.

*An ad Testamentum B. P. N. Francisci fratres obligentur.*

**C**ETERUM sanctæ memoriæ Confessor Christi Franciscus fratribus mandasse dicitur, circa vltimum vitæ suæ (cuius mandatum ipsius dicitur Testamentum) quod verba ipsius Regulæ non glossentur, & (ut verbis utamur eiusdem) quod sic vel sic intelligi debeat, non dicatur; adiiciens quod fratres nullo modo literas aliquas ab Apostolica Sede petant; & alia quædam interserens, quæ non possent sine multa difficultate seruari. Propter quod fratres hæsitantes an tenerentur ad obseruantiam Testamenti prædicti, dubitationem huiusmodi per eundem prædecessorem nostrum Gregorium IX. petierunt de ipsorum conscientis amoveri qui sicut

cut asseritur ) attendens periculum animarum, & difficultates quas propter hoc possent incurrere, dubietatem de eorum conscientiiis amouendo, dixit, fratres ipsos ad ipsius mandati obseruantiam non teneri : quod sine consensu fratrum, & maximè Ministrorum, quos uniuersos tangebatur, obligare nequiuit, nec successorem suum quomodolibet obligauit; cum non habeat imperium par in parem. Nos autem circa præsentem articulum nihil duximus innouandum.

#### XIV. ARTICULUS.

*Hæc declaratio tantum seruanda in iis quæ habet communia cum declarationibus summorum Pontificum præcedentium*

**A**D hæc a nonnullis prædecessoribus nostris Romanis Pontificibus circa declarationem ipsius Regulæ, & ipsam Regulam contingentia, diuersas literas intelleximus emanasse, sed nec per hoc mordacium prædictorum contra Regulam ipsam & fratres quieuit insultus, nec per ipsas literas statui fratrum prouideretur in multis in quibus de nouo vel aliter necessario prouidendum esse, multorum postea casuum contingentium experientia indicauit. Nos itaque ne literarum huiusmodi & præsentis constitutionis diuersi-

fitas vel intellectus aduersitas in prædictorum obseruatione fratrum animos perturbaret, & ut plenius, clarius, & certius eorum statui obseruantiae prædictæ Regulæ consulatur, in omnibus & singulis illis articulis, quos constitutio ipsa continet, quamquam ipsi vel eorum aliqui contineantur in aliis literis Apostolicis supradictis: hanc nostram constitutionem seu ordinationem tantum à fratribus ipsis præcisè ac inuiolabiliter decernimus perpetuis temporibus obseruandam.

## XV. ARTICULUS.

*De huius declarationis firmitate, auctoritate, ac publicatione.*

**C**UM igitur ex prædictis & aliis per nos cum multa maturitate discussis, Regula ipsa licita, sancta, perfecta, & obseruabilis, nec ulli patens discrimini euidenter appareat: illam & omnia supra scripta per nos statuta, ordinata, concessa, disposita, decreta, declarata etiam & suppleta, de Apostolicæ potestatis plenitudine approbamus, confirmamus, & volumus existere perpetuæ firmitatis: in virtute Obedientiæ districtè præcipientes, quod hæc constitutio sicut cæteræ constitutiones vel decretales epistolæ, legatur in scholis.

Et

Et quia sub colore liciti nonnulli contra fratres ipsos & Regulam in legendo, exponendo atque glossando, possent virus suæ iniquitatis infundere, ac ipsius constitutionis sensum in diuersas & aduersas sententias producentes, suis adinventionibus deprauare, & opinionum diuersitas, ac distorsio intellectus, multorum pios animos posset inuoluere, & à religionis ingressu multorum corda subtrahere : talium detrahentium vitanda peruersitas cogit nos viam ipsis ad prædicta præcludere, & certum procedendi modum hanc Constitutionem legentibus præfinire. Itaque sub poena excommunicationis & priuationis officii ac beneficii, distinctè præcipimus, ut præsens Constitutio cum ipsam legi contingerit, sicut prolata est, sic fideliter exponatur ad literam, concordantiæ, contrarietates, seu diuersæ vel aduersæ opiniones, a lectoribus seu expositoribus nullatenus inducantur. Supra ipsa Constitutione glossæ non fiant, nisi forsan per quas verbum vel verbi sensus seu constructio, vel ipsa Constitutio, quasi grammaticaliter ad literam vel intelligibilius exponatur, nec intellectus ipsius per legentem deprauetur in aliquo, seu distorqueatur ad aliud, quàm litera ipsa sonat.

Et

Et ne Sedem prædictam contra detractores huiusmodi oporteat ulterius laborare : uniuerſis & ſingulis, cuiuſcumque præemi-  
nentiæ, conditionis, aut ſtatus, diſtrictè præcipimus, ne contra prædictam Regulam & ſtatum fratrum prædictorum, ſeu contra præmiſſa per nos ſtatuta, ordinata, conceſſa, diſpoſita, decreta, declarata, ſuppleta, approbata ; & etiam confirmata dogmatizent, ſcribant, determinent, ſeu prauè loquantur publice vel occulte : ſed ſi quid penes aliquem in his ambiguitatis emerſerit, ad culmen prædictæ Sedis Apoſtolicæ deducatur : ut ex auctoritate Apoſtolica, ſua in hoc manifeſtetur intentio ; cui ſoli conceſſum eſt, in his ſtatuta condere, & condita declarare.

Gloſſantes verò in ſcriptis conſtitutionem ipſam aliter quam eo modo quem diximus doctores inſuper & lectores dum docent in publico, ex certa ſcientia & deliberatè intellectum conſtitutionis huiusmodi deprauantes, faciente quoque commentum, ſcripturas, ſeu libellos ac ex certa ſcientia & deliberate determinantes in ſcholis ſeu prædicantes contra prædicta, vel aliqua ſeu aliquid prædictorum ( non obſtantibus aliquibus

bus Priuilegiis vel Indulgentiis, aut literis Apostolicis, quibuscumque dignitatibus, personis, ordinibus, aut locis, religiosis vel sæcularibus, generaliter vel singulariter sub quacumque forma vel expresse verborum concessis quæ nolumus aliquibus in præmissis quomodolibet suffragari) Excommunicationis sententiæ, quam nunc in ipsos proferimus, se nouerint subiacere: à qua per neminem, nisi per Romanum Pontificem, possint absolui. Insuper tam istos contra quos per nos excommunicationis prolata est sententia, quam alios (si qui fuerint) contra præmissa, vel eorum aliquid venientes ad Sedis memoratæ volumus deduci notitiam: ut quos prouisus modus æquitatis non arcet à vetitis compescat rigor Apostolicæ ultionis.

Nulli ergo omnino hominum liceat, hanc paginam nostræ declarationis, ordinationis, concessionis, & dispositionis, suppletionis, approbationis, confirmationis & constitutionis, infringere, vel ei ausu temerario contraire. Si quis autem hoc attentare præsumperit; indignationem omnipotentis Dei, & beatorum Petri & Pauli Apostolorum eius, se nouerit incursum.

*Datum Suriani. 18. Calendas Sept. Pontificatus nostri anno secundo.*

IN

# Incipit Declaratio Regulæ Fratrum Minorum, edita à D. Papa Clemente V.

*Clemens Episcopus Servus servorum Dei, ad  
perpetuam rei memoriam.*

**E**Xivi de Paradiso, dixi, rigabo  
hortum plantationum, ait ille  
cœlestis Agricola. Qui verè fons  
sapientiæ, Verbum Dei à Patre, in Patre ma-  
nens, genitum ab æterno nouissime diebus  
istis, frabricante Spiritu S. in utero Virginis,  
caro factum, exiit homo ad opus arduum  
redemptionis humani generis peragendum,  
exemplar sequendum cœlestis vitæ, præbens  
hominibus semetipsum.

Verum quia plerumque mortalis vitæ so-  
licitudinibus pressus homo, mentis aspectum  
ab exemplaris huiusmodi intuitu diuertebat,  
verus noster Salomon in solo militantis Ec-  
clesiæ hortum voluptatis inter cæteros quen-  
dam fecit, à procellosis mundi fluctibus elon-  
gatum, in quo quietiùs ac securius vacare-  
tur contemplandis observandisque huius-  
modi operibus exemplaris. In hunc intrauit  
ipse, ut rigaret ipsum fœcundis aquis spiri-  
tua-



tualis gratiæ & doctrinæ. Hic hortus siquidem est fratrum Minorum sancta Religio, quæ muris regularis Obseruantiaë firmiter undique circumclusa intra se solo contenta Deo, adornatur abunde nouellis plantationibus filiorum. Ad hunc veniens dilectus Dei Filius, mortificantis pœnitentiæ myrrham metit cum aromatibus quæ suauitate mira uniuersis odorem attrahentis sanctimonie circumfundunt. Hæc est illa cœlestis vitæ forma & Regula, quam descripsit ille Confessor Christi eximius S. Franciscus, ac seruandum à suis filiis verbo docuit pariter & exemplo.

Quia verò dictæ sanctæ Regulæ professores ac æmulatores deuoti, ut alumni & veri filij tanti Patris, affectabant, sicut & seruent affectant, ad purum & plenum, præmissam Regulam firmiter obseruare : attendentes quædam quæ dubium poterant adferre sensum, in ipsius REGULÆ serie contineri ; pro ipsorum declaratione habenda recurrerunt prudenter olim ad apicem Apostolicæ dignitatis, ut certificati per ipsam, cuius pedibus etiam per ipsam Regulam sunt subiecti, possent Domino, pulsus cunctis dubiis, cum plena claritate conscientiaë deservire.

uire. Horum autem piis ac iustis supplicationibus plures prædecessores nostri Romani Pontifices successiue, sicut dignum erat, applicantes aures & animum, declarauerunt ea quæ dubia videbantur: ediderunt nonnulla, & aliqua concesserunt, sicut expedire videbant fratrum conscientiis, ac puræ obseruantię huius status.

Verum quia plerumque ubi culpa non est, eam timere solent conscientię timorata, quæ in via Dei quodcumque deuium expauescunt; non sunt ad plenum ex dictis declarationibus dictorum omnium fratrum conscientię quietata, quin circa aliqua ad Regulam, ipsorumque statum pertinentia dubitationum in ipsis fluctus aliqui generentur, & oriantur, sicut ad aures nostras pluries, & de quampluribus in publicis, & priuatis consistoriis est perlatum. Quapropter per ipsos fratres nobis extitit humiliter supplicatum, quatenus prædictis dubiis quæ occurrunt, & quæ possunt occurrere in futurum, adhibere opportuna declarationis remedia, de benignitate Sedis Apostolicę, curaremus.

Nos igitur cuius animus ab ætate tenera, pia deuotione efferbuit ad huiusmodi pro-

D

fess-

fessores Regulæ, & ad Ordinem ipsum totum, nunc autem ex communi cura pastoralis regiminis quam immeriti sustinemus, ad ipsos fouendos dulcius, & attentius gratiosis fauoribus prosequendos, tanto prouocamur ardentius, quantò frequentius intenta mente reuoluimus fructus uberes, quos ex eorum exemplari vita, & salutari doctrina, toti uniuersali Ecclesiæ continuè cernimus provenire, tam pia supplicantium intentione commoti, ad peragendum diligenter quod petitur, studia nostra duximus conuertenda, ipsaque dubia per plures Archiepiscopos & Episcopos & in Theologia Magistros & alios literatos prouidos, & discretos, examinari fecimus diligenter.

*De observatione preceptorum ac consiliorum Euangelicorum.*

C A P. I

CUM igitur imprimis ex eo quod in dictæ Regulæ principio habetur Regula & vita Minorum fratrum hæc est scil. Domini nostri Iesu Christi sanctum Evangelium observare, in obedientia vivendo, sine proprio, & in castitate: Item infra, Finito verò anno probationis, recipiantur ad obedientiam, promittentes vitam istam semper &  
Re-

gulam obseruare: Item circa finem Regulæ, paupertatem & humilitatem, & sanctum Evangelium Domini nostri IESU Christi, quod firmiter promissimus, obseruemus: fuit hæsitatum, An fratres eiusdem Ordinis ad omnia tam præcepta quam consilia Evangelij ex professione suæ Regulæ teneantur: quibusdam dicentibus quòd ad omnia, aliis autem asserentibus, quòd ad sola illa tria consilia videlicet viuere in obedientia, in castitate, & sine proprio, & ea quæ sub verbis obligatoriis ponuntur in Regula obligantur.

Nos circa hunc articulum Prædecessorum nostrorum vestigiis inhærentes, ipsumque articulum quo ad aliquid clarius prosequentes, dictæ hæsitati duximus respondendum: quod cum votum determinatum cuiuslibet habeat cadere sub certo: vouens Regulam non potest dici teneri ex vi voti huiusmodi ad ea consilia Evangelica quæ in Regula non ponuntur.

Et quidem B. Francisci conditoris Regulæ hæc probatur fuisse intentio, ex hoc quòd quædam Evangelica consilia in Regula posuit, aliis prætermisiss. Si enim per illud verbum, Regula & vita Minorum fratrum

trum hæc est, &c. intendisset eos ad omnia consilia Evangelica obligare, superflue & nugatorie quædam eorum, suppressis cæteris, in Regula expressisset.

Cum autem natura termini restrictivi hoc habeat, quod sic excludit ab ipso extranea, quod cuncta ad ipsum pertinentia includit: Declaramus & dicimus, quod dicti fratres non solum ad illa tria vota nude & absolute accepta ex professione suæ Regulæ obligantur, sed etiam tenentur ad ea omnia adimplenda, quæ sunt pertinentia ad hæc tria prædicta, quæ Regula ipsa ponit. Nam si adhæc tria prædicta tantum præcisè & nude promittentes se servare Regulam viuendo in obedientia, sine proprio, & in castitate: & non etiam ad omnia in contenta Regula, quæ hæc tria modificant, arctarentur: pro nihilo & vanè proferrentur hæc verba: Promitto semper hanc Regulam observare, ex quo ex his verbis nulla obligatio nasceretur.

Nec tamen putandum est, quod B. Franciscus professores huius Regulæ quantum ad omnia contenta in Regula, modificantia tria vota, seu ad alia in ipsa expressa, intenderit æqualiter esse obligatos: quin potius

tius apertè discernit, quod quoad quædam ipsorum ex vi voti transgressio est mortalis & quoad quædam alia non : Cum ad quædam ipsorum verbum apponat præcepti, vel æquipollentis eidem, & quo ad alia, verbis aliis sit contentus.

*De iis quæ æquipollent præcepto.*

Item quia præter ea quæ expressè verbo præcepti ac exhortationis seu monitionis ponuntur in Regula; nonnulla, verbo imperatiui modi negatiuè vel affirmatiue appposito, inseruntur : hætenus extitit dubitatum, An teneantur ad ista, ut ad habentia vim præcepti. Et quia, ut intelleximus, non minuitur hoc dubium, sed augetur, ex eo quod felicitis recordationis Nicolaus Papa III. prædecessor noster noscitur declarasse quod fratres ipsi ex professione suæ Regulæ sunt astricti ad ea consilia Evangelica quæ in ipsa Regula præceptorie vel inhibitorie seu sub verbis æquipollentibus exprimuntur, & nihilominus ad eorum omnium obseruantiam, quæ ipsis in eadem Regula sub verbis obligatoriis inducuntur : supplicauerunt prædicti fratres, ut ad eorum conscientias ferendas, declarare quæ horum

teneri debeant præceptis æquipollentia æ obligatoria, dignaremur.

Nos itaque qui in sinceris horum conscientis delectamur, attendentes quod in his quæ animæ salutem respiciunt, ad vitandos graues remor'us conscientiæ consultè pars securior est tenenda: dicimus, quòd licet fratres non ad omnium quæ sub verbis imperatiui modi ponuntur in Regula, sicut ad præceptorum seu præceptis æquipollentium obseruantiam teneantur, expedit tamen fratribus ipsis ad obseruandam puritatem Regulæ, & rigorem, quoad ea, sicut ad æquipollentia præceptis se nouerint obligatos, quæ hic inferius annotantur.

Ut autem hæc quæ videri possunt æquipollentia præceptis ex vi verbi, vel saltem ratione materiæ de qua agitur, seu ex utroque, sub compendio habeantur: Declaramus, quod illud quod ponitur in Regula:

De non habendo plures tunicas quàm unam cum caputio & aliam sine caputio.

Item de non portandis calceamentis de non equitando extra casum necessitatis. Item

Quòd fratres vilibus induantur. Item

Quòd ieiunare à festo omnium Sanctorum us-

usque ad Natalem Domini, & in Feriis Sextis teneantur. Item

Quòd Clerici faciant diuinum officium secundum ordinem S. Romanæ Ecclesiæ.

Item quòd Ministri & Custodes pro necessitatibus infirmorum, & fratribus induendis, sollicitam curam gerant. Item

Quòd si quis fratrum in infirmitatem ceciderit, alii fratres debent ei seruire. Item

Quòd fratres non prædicent in Episcopatu alicuius Episcopi cum ab eo illis fuerit contradicendum. Item

Quòd nullus audeat prædicare populo, nisi à Generali Ministro, vel aliis, quibus secundum declarationem prædictam id competit, fuerit examinatus & approbatus, & ad hæc institutus. Item

Quòd fratres qui cognoscerent se non posse præmissam Regulam spiritualiter obseruare debeant & possint ad suos Ministros recurrere. Item

Quòd omnia quæ ponuntur in Regula ad formam habitus tam nouitiorum, quam etiam professorum, nec non ad receptionis modum ac professionem spectantia, nisi recipientibus quo ad habitum nouitiorum, sicut dicit Regula secundum Deum, aliter



videatur: Hæc inquam; omnia sunt à fratribus tanquam obligatoria seruanda. Item

Ordo communiter sentit, tenet, & tenuit ab antiquo, quòd ubicunque ponitur in Regula hoc vocabulum (*teneantur*) obtinet vim præcepti, & obseruari debet à fratribus sicut tale.

*An liceat fratribus recipere aliquid de bonis ingredientium Ordinem.*

## C A P. II.

**C**Eterum quia Christi Confessor prædictus agendorum ac seruandorum circa recipiendos ad Ordinem, Ministris & fratribus modum præbens, dixit in Regula, quòd caueant fratres, & eorum Ministri, ne sint solliciti de rebus suis temporalibus, ut libere faciant de eis, quidquid ipsis à Domino fuerit inspiratum, licentiam tamen habeant ipsi Ministri mittendi eos ad aliquos DEUM timentes, si consilium requiratur quorum consilio sua bona pauperibus erogentur. Dubitauerunt & dubitant multi fratrum, An liceat ipsis de bonis ingredientium quicquam recipere, si donetur. Et, si ad dandum personis & conuentibus possint eos inducere sine culpa. Si etiam ad disponendum

dum de distributione rerum talium debeant ipsi Ministri seu fratres dare consilium, ubi ad consulendum alij quàm ex ipsis ad quos ingressuri mittantur, possint idonei inuentri.

Nos autem considerantes attentè, intendisse sanctum Franciscum suæ Regulæ professores, quos fundauerat in maxima paupertate, ab affectu temporalium rerum ipsorum ingredientium, per dicta verba, specialiter & totaliter elongare: ut quantum est ex parte fratrum, ipsorum receptio ad Ordinem sancta purissima appareret, & ne aliquo modo oculum viderentur habere ad bona eorum temporalia, sed ad ipsos tantum diuino officio mancipandos: dicimus, omnino debere tam Ministros quàm fratres cæteros à dictis inductionibus ad sibi dandum, & suasionibus, nec non & à dandis circa distributionem consiliis abstinere, cum pro hoc ad timentes Deum status alterius mitti debeat, non ad fratres: ut verè cunctis pateant esse tam salubris instituti paterni zelatores, studiosi, seduli, & perfecti.

Cum verò facere de rebus suis quod Dominus inspirabit ipsa Regula ingredientibus liberum esse velit: non videtur quin liceat

eis recipere, consideratis scilicet eorum necessitatibus & moderaminibus declarationis jam dictæ si quid de bonis suis intrans, sicut & cæteris pauperibus per modum elemosynæ, liberè velit dare. Cauere tamen in acceptione oblatorum talium decet fratres, ne ex receptorum quantitate notabili præsumi possit sinister oculus contra ipsos.

*De fratrum vestimentis, & eorum  
vilitate.*

### C A P. III.

**P**Ræterea cum dicatur in Regula, quod illi qui jam promiserunt obedientiam habeant unam tunicam cum caputio, & aliam sine caputio qui habere voluerint: Item quòd fratres omnes vestimentis vilibus induantur: nosque declarauimus prædicta verba æquipollere præceptis; volentes hæc determinari plenius dicimus, quantum ad numerum tunicarum, quòd pluribus eis uti non licet, nisi in necessitatibus quæ haberi possunt ex Regula, secundum quod hunc passum memoratus Prædecessor noster plenius declarauit.

Vilitatem autem vestium, tam habitus  
quàm

quàm interiorum tunicarum, illam intelligi debere dicimus, quæ secundum consuetudinem vel conditionem patriæ debeat, quantum ad colorem panni, & pretium vilitas merito reputari. Non enim quoad regiones omnes potest determinatus unus modus in talibus assignari. Huiusmodi etiam vilitatis indicium Ministris & Custodibus seu Guardianis duximus committendum, eorum super hoc conscientias onerantes, ita tamen quòd seruent in vestibus vilitatem.

*De calceamentis.*

Quorum etiam Ministrorum, Custodum & Guardianorum iudicio eodem modo relinquimus pro qua necessitate possint ipsi fratres calceamenta portare.

*De jeuniis.*

Deinde cum duobus temporibus annotatis in Regula, scilicet à festo omnium Sanctorum usque ad Natiuitatem Domini, & maximè Quadragesimæ, in quibus jeiunare teneantur, inseratur in eadem Regula: aliis autem temporibus non teneantur, nisi Sexta Feria, jeiunare: & ex hoc voluerint aliqui dicere, quòd dicti Ordinis fratres non teneantur nisi ex condecencia ad alia jeunia, quàm ad ista: declaramus debere intel-

telligi, eos non teneri ad jeiunium aliis temporibus, præterquam in jeiuniis ab Ecclesia constitutis, non est enim verisimile, quod vel institutor Regulæ, vel etiam Confirmator absolvere ipsos intenderit à seruandis illis jeiuniis; ad quæ de communi statuto Ecclesiæ obligantur cæteri Christiani.

*De observatione præcepti non recipiendi pecuniam.*

#### C A P. IV.

**P**orro cum dictus Sanctus volens fratres suos super omnia à denariis seu pecunia esse totaliter alienos, præcepit firmiter fratribus uniuersis, ut nullo modo denarios vel pecuniam recipiant, per se, vel per interpositam personam: istumque articulum declarans idem prædecessor noster, casus & modos posuerit, quibus seruatis à fratribus, non possunt dici nec debent, per se vel per alium pecuniæ receptores contra Regulam vel sui Ordinis puritatem: dicimus fratres teneri cauere summoperè quòd pro aliis causis seu sub modis aliis quàm ponit dicti prædecessoris nostri declaratio, ad dantes pecunias siue deputatos nuncios non recurant; ne, si secus ab ipsis attentatum fue-

fuerit, transgressores præcepti & Regulæ meritò dici possint. Nam ubi aliquid alicui generaliter prohibetur quod expressè non conceditur, intelligitur denegatum.

Quocirca quæstus omnis pecuniæ, ac oblationum pecuniarum receptio, in Ecclesiis, vel alibi, cippi seu trunci ordinati ad offerentium seu donantium pecunias reponendas, nec non quicumque recursus alius ad pecunias seu habentes ipsas, qui per declarationem prædictam non conceditur: hæc inquam omnia sunt eis simpliciter interdicta. Cum etiam recursus ad amicos spirituales expressè tantum in duobus casibus secundum Regulam concedatur, videlicet pro necessitatibus infirmorum, & fratribus induendis, idque piè & rationabiliter considerata necessitate vitæ humanæ ad alias necessitates fratrū pro tempore occurrentes, (cessantibus eleëmofynis) seu etiam ingruentes, sæpèdictus Prædecessor duxerit extendendum: Attendant fratres præfati, quòd pro nullis causis aliis quàm prædictis vel similibus in via vel alibi recurrere liceat eis ad amicos huiusmodi, siue sint dantes pecunias, siue deputati per ipsos: siue nuntii vel depositarii, seu alioquo-

quouis nomine appellentur, etiam si concessi per eandem declarationem modi circa pecuniam integrè seruarentur.

Denique cum idem Confessor summè affectauerit suæ Regulæ professores totaliter esse abstractos ab effectu & desiderio terrenorum, & specialiter à pecunia & eius usu totaliter expertes, sicut probat prohibitio de recipienda pecunia, in Regula sæpius repetita; curare fratres vigilanter necesse est, quod cum ex causis prædictis & modis ad habentes pecunias deputatas pro ipsorum necessitatibus recurrere oportebit: ad tenentes ipsas, quicumque hi fuerint, principales vel nuntii in omnibus sic se gerant, quod se cunctis ostendant in dictis pecuniis, sicut nec habent, penitus nil habere.

Quapropter præcipere quomodo & qualiter pecunia expendatur, computumque exigere de expensa, eam quomodocumque repetere siue deponere aut deponi facere, capsulam pecuniæ vel eius clauem deferre, hos actus & consimiles sibi fratres illicitos esse sciant. Prædicta enim facere, ad solos dominos pertinet, qui dederunt, & eos quos ipsi deputauerunt ad hoc ipsum.

*De expropriatione fratrum.*

## C A P. V.

**P**Roinde cum vir Sanctus paupertatis præmissæ in Regula modum exprimens dixerit in eadem: Fratres nihil sibi approprient, nec domum, nec locum, nec aliquam rem, sed tanquam peregrini & aduenæ in hoc sæculo, in paupertate & humilitate Domino famulantes, vadant pro eleëmofyna confidenter; sicque declaratum extitit per nonnullos prædecessores nostros Romanos Pontifices, hanc expropriationem intelligi debere tam in speciali quam etiam in communi, propter quod & rerum omnium concessarum, oblatarum, & donatarum fratribus (quas & quarum usum, facti scilicet, Ordini, vel ipsis fratrib. licet habere) proprietatem & dominium in se & Romanam Ecclesiam receperunt, dimisso ipsis fratribus in eis tantummodo usu facti simplicis: Ad nostrum fuerunt deducta examen, quæ in Ordine fieri dicebantur & videbantur prædicto voto & puritati Ordinis repugnare, videlicet ut ea prosequamur ex ipsis quæ remedio credimus indigere.

Quod se institui hæredes non solum sustinent, sed procurant. Item



Item quòd redditus annuos recipiunt interdum in tam notabili quantitate, quod conventus habentes totaliter inde vivant.

Item quòd cùm ipsorum negotia etiam pro rebus temporalibus in curiis agitantur, assistunt Advocatis & Procuratoribus, & ad instigandum eosdem se ibidem personaliter repræsentant.

Item quòd executiones ultimarum voluntatum suscipiunt & gertunt, seque intromittunt quandoque de usurarum & malè oblatorum dispositionibus seu restitutionibus faciendis.

Item quòd alicubi non solum excessivos hortos, sed etiam vineas magnas habent: de quibus tam de oleribus, quàm de vino multum colligitur ad vendendum.

Item quòd temporibus messium & vindemiarum sic copiosè granum & vinum mendicando vel aliunde colliguntur à fratrib. & in cellariis ac granariis reconduntur; quòd per anni residuum & absque eorum mendicatione possunt transigere vitam suam.

Item quòd Ecclesias vel alia ædificia faciunt, vel procurant fieri in quantitate & curiositate figuræ & formæ ac sumptuositate,

no-

notabiliter excessiua, sic quod non videntur habitacula pauperum, sed magnatum.

Paramenta etiam Ecclesiastica in plerisque locis tam multa habent, & tam notabiliter pretiosa, quod excedunt in his magnas Ecclesias cathedrales.

Equos insuper & arma eis oblata in funeralibus recipiunt indistinctè.

Tamen communitas fratrum & specialiter Rectores ipsius Ordinis asseriebant quod prædicta seu plura ex ipsis in Ordine non fiebant. Quod & si qui reperiuntur rei in talibus, rigide puniuntur, nec non contra talia ne fiant, sunt facta pluries ab antiquo statuta in Ordine multum stricta.

*De hæreditatibus non acceptandis*

C A P. VI.

**C**Vpientes igitur nos ipsorum fratrum providere conscientiis, & cuncta dubia, quantum possibile nobis est, de ipsorum pectoribus remouere, ad prædicta modo qui sequitur, respondemus.

Cum enim ad veritatem vitæ pertineat, ut id quod exterius agitur interiorem mentis dispositionem & habitum repræsentet: necesse habent fratres, qui se expropriatione

**E**

tanta

ranta à temporalibus abstraxerunt, ab omni eo quod dictæ expropriationi esset vel posset videri contrarium, abstinere.

Quia igitur in successione transit non solum usus rei, sed & dominium suo tempore in hæredes: fratres autem præfati nihil sibi in speciali acquirere vel eorum Ordini possint etiam in communi; declarando dicimus, quod successione huiusmodi quæ etiam indifferenter ex sui natura ad pecuniam, & etiam ad alia mobilia & immobilia se extendunt (considerata sui puritate voti) nullatenus sunt capaces.

Nec licet eis valorem hereditatum talium, vel tantam earum partem quod præsumi posset hoc in fraudem fieri, quasi sub modo & forma Legati dimitti sibi facere, vel sic dimissa recipere quin potius ista sic fieri ab ipsis, simpliciter prohibemus.

### *Reddituum receptio prohibita.*

Cumque annui redditus inter immobilia censeantur à iure, ac huiusmodi redditus obtinere paupertati & mendicitati repugnet: nulla dubitatio est, quod prædictis fratribus, redditus quoscumque sicut & possessiones: vel etiam eorum usum, cum eis

non

non reperiatur concessus, recipere vel habere, conditione ipsorum considerata, non licet.

*De non assistendo in curiis aut litibus,*

## C A P. VII.

**A**mplius cum non solum quod malum esse dignoscitur, sed & omne quod speciem habet mali sit à viris perfectis specialiter evitandum; ex talibus autem assistentiis in Curiis & instigationibus, cum de rebus agitur in ipsorum commoda convertendis, creduntur verisimiliter, ex his quæ foris patent (de quibus habent homines judicare) in ipsis rebus fratres assistentes aliquid quærere tanquam suum: nullo modo debent hujusmodi voti & Regulæ, professores se talibus curis & litigiosis immiscere, ut & testimonium habeant ab his qui foris sunt, & puritati satisfaciant voti sui, & euitetur per hoc scandalum proximorum.

*Non acceptandæ Testamentorum Executiones.*

Verum etiam cum dicti Ordinis fratres non solum a receptione, proprietate, dominio, siue usu, ipsius pecuniæ, verum etiam

E a

à con-

à contrectatione qualibet ipsius, & ab ea sint penitus alieni, quemadmodum sæpe dictus prædecessor noster in declaratione hujus Regulæ planè dixit; cumque; dicti Ordinis professores possint pro nulla re temporali in judicio experiri: prædictis fratribus non licet, nec competit: quin potius, considerata sui puritate status debent sibi scire interdictum, quod hujusmodi executionibus & dispositionibus se exponant; cum hæc, ut sæpius, absque litigio & contrectatione vel administratione pecuniæ nequeant expediri. Verumtamen in his exequendis, dare consilium, ipsorum statui non obsistit; cum ex hoc ipsis circa bona temporalia nulla jurisdictio; sive actio in judicio sive dispensatio tribuatur.

*Non habendi aut acceptandi horti superflui.*

### C A P. VIII.

**L**icet verò non solum sit licitum, sed & multum conueniens rationi, quod fratres qui in laboribus spiritualibus orationis & studij sedulo occupantur, hortos & areas habeant competentes ad recollectionem vel recreationem sui, & interdum ad se ipsos  
post

post labores huiusmodi corporaliter deducendos, nec non ad habenda necessaria hortilitia pro se ipsis. Habere tamen hortos aliquos ut colantur, ac olea ac alia hortilitia pretio distrahanrur, nec non & vineas, repugnat suæ Regulæ, & Ordinis puritati, Secundum, quod dictus prædecessor noster declarauit, ac etiam ordinauit, quod si talia ad usus proximè dictos, ut puta agrum vel vineam ad colendum, & consimilia fratribus legarentur, per omnem modum fratres à receptione talium abstinere, cum etiam præmissa habere, ut pretium fructuum suis temporibus habeatur ad naturam & formam prouentuum appropinquet.

*Non habenda granaria aut cellaria sine euidenti necessitate.*

## C A P. IX.

**R**ursus cum prædictus Sanctus tam exemplis vitæ, quàm verbis Regulæ, ostenderit, se velle quod fratres sui & filij diuinæ prouidentiae innitentes, suos in Deum iacerent cogitatus, qui volucres cæli pascit quæ non congregant in horrea, nec seminant nec metunt: non est verisimile

E 3

volu-

voluisse ipsum eos habere granaria vel celsaria, ubi sine quotidianis mendicationibus deberent sperare posse transigere vitam suam.

Et idcirco non ex timore leui laxare se debent ad congregationes & observationes huiusmodi faciendas: sed tunc tantum, cum esset multum credibile ex iam expertis, quod non possent vitæ necessaria aliter inuenire. Hoc autem Ministrorum & Custodum simul & separatim in suis administrationibus & custodiis (cum Guardiani, & duorum de conuentu Discretorum Sacerdotum, & antiquorum in Ordine fratrum consilio & consensu) duximus iudicio relinquendum: eorum super hoc specialiter conscientias onerantes.

*Non edificanda aut admittenda ædificia sumptuosa.*

C A P. X.

**H**inc est etiam quod cum vir sanctus fratres suos in paupertate summa & humilitate fundare voluerit, quoad affectum pariter & effectum, sicut ferè tota Regula clamat: conuenit ipsis quod nullo modo

modo deinceps fieri faciant vel fieri sustineant Ecclesias vel alia quæcunque ædificia, quæ considerato fratrum inhabitantium numero excessiua in multitudine & magnitudine debeant reputari. Ideoque volumus quòd ubique in suo Ordine, deinceps temperatis & humilibus ædificiis sint contenti, ne huic tantæ paupertati promissæ, quod patet oculis, contrarium feris clamet.

*Non habenda vasa aut paramenta ecclesiastica excessiua.*

Quamuis etiam paramenta & vasa ecclesiastica ad honorem diuini nominis ordinentur, propter quem omnia fecit ipse Deus: tamen qui absconditorum est cognitor, ad animum sibi ministrantium respicit principaliter, non ad manum: nec per illa sibi vult seruire, quæ suorum seruitorum conditioni & statui dissonarent. Quapropter sufficere debent eis vasa & paramenta ecclesiastica decencia, in numero & magnitudine sufficientia competenter. Superfluitas autem, aut nimia pretiositas, vel quæcumque curiositas, in his seu aliis quibuscunque, non potest ipsorum professioni vel sta-



tui conuenire. Cùm enim hæc sapiant thesaurizationem seu copiam; paupertati tantæ, quoad humanum iudicium, derogant manifestè. Quapropter promissa seruari à fratribus volumus & mandamus.

*Quid agendum de equorum & similium oblationibus.*

Circa equorum verò & armorum oblationes, illud decernimus in omnibus & per omnia obseruandum, quod per declarationem prædictam in pecuniariis noscitur elemosynis definitum.

*Ad quem usum arctum teneantur fratres ex Regula.*

### C A P. XI.

**E**X prædictis autem succreuit non parum scrupulosa quæstio inter fratres, videlicet. Vtrum ex suæ professione Regulæ obligentur ad arctum & tenuem siue pauperem usum rerum: quibusdam ex ipsis credentibus & dicentibus, quod sicut quoad dominium rerum habent ex voto abdicationem arctissimam, ita ipsis quoad usum arctitudo maxima & exilitas est indicta

dicta; aliis in contrarium asserentibus, quod ex professione sua ad nullum usum pauperem, qui non exprimat in Regula, obligentur: licet teneantur ad usum moderatum temperantiæ, sicut & magis ex condecienti quàm cæteri Christiani.

Volentes itaque conscientiarum prædictorum fratrum prouideri quieti, & his altercationibus finem dare: Declarando dicimus, quod fratres Minores ex professione suæ Regulæ specialiter obligantur ad arctos vsus seu pauperes, qui in ipsorum Regula continentur; & eo obligationis modo, sub quo continet seu ponit Regula dictos usus.

Dicere autem, sicut aliqui asserere perhibentur, quod hæreticum sit tenere, usum pauperem includi vel non includi sub voto Euangelicæ paupertatis præsumptuosum & temerarium indicamus.

*De electione & confirmatione Ministrorum Prouincialium.*

## C A P. XII.

**D**Emum quia ex eo quod dicta Regula per quos & ubi fieri debeat Ministri

E 5

Gene-

Generalis electio, tradens nullam fecit de Ministrorum Prouincialium electione vel institutione penitus mentionem; oriri super hoc poterat dubitatio inter fratres,

Nos volentes posse ipsos clarè ac securè procedere in omnibus factis suis: Declaramus statuimus etiam & ordinamus: hac constitutione in perpetuum valitura, ut cum alicui prouinciæ de Ministro fuerit prouidendum, ipsius Ministri electio penes Capitulum Prouinciale resideat; quam idem Capitu'um die sequenti qua fuerit congregatum, facere teneatur. Ipsius autem electionis confirmatio ad Ministrum pertineat Generalem.

Et si quidem ad electionem huiusmodi per formam scrutinij procedatur, & votis in diuersa diuisis electiones plures in discordia celebrari contingat: illa quæ à maiori parte Capituli numero (nulla zeli vel meriti collatione aut consideratione habita) fuerit celebrata, exceptione seu contradictione quacunque; alterius partis non obstante, per dictum Generalem Ministrum, de consilio Discretorum de Ordine (prius tamen ex officio prout spectat ad ipsum, diligenti examinatione præmissa) confirmetur

tur vel etiam infirmetur, prout eis secundum Deum uisum fuerit expedire. Et si fuerit infirmata ad Capitulum Prouinciale electio huiusmodi reuertatur. Cæterum si Capitulum memoratum die prædicta Ministrum eligere prætermittat, ex tunc Ministri Prouincialis Prouisio ad Generalem Ministrum liberè deuoluatur.

Verum si Ministro prædicto & Capitulo generalibus, ex certa, manifesta, ac rationabili causa videretur aliquando in Prouinciis Ultramarinis Hybernæ, Græciæ, seu Romanæ (in quibus hætenus alius prouidendi modus dicitur ex causa certa & rationabili fuisse seruatus) expedire, Ministrum Prouincialem, per Ministrum Generalem cum proborum Ordinis consilio potius quàm per Capituli prædicti electionem præfici: in prouinciis Hybernæ & Ultramarinis irrefragabiliter, in Romania uero vel Græcia quando Minister dictæ prouinciæ moreretur vel absolueretur citra mare, illa vice seruetur absque dolo, partialitate & fraude (super quo eorum conscientias oneramus) quod super hoc dictus Minister cum dictorum proborum consilio duxerit ordinandum.

In

In destitutione verò dictorum Ministrorum Prouincialium seruari volumus, quod super hoc hætenus de ipso Ordine extiterit obseruatum,


Cæterum si contingeret eosdem Ministro Generali carere per Vicarium Ordinis fiat super hoc quod faciendum fuerit per eundem Ministrum; usquequo prouisum fuerit de Generali Ministro,

Porro si quid de huiusmodi Ministro Prouinciali secus attentari fortè contigerit, illud ipso facto sit irritum & inane,

Nulli igitur omnino hominum liceat, hanc paginam nostrarum declarationum dictorum, commissionis, responsionis, prohibitionis, ordinationis, mandati, constitutionum, iudicationum, & voluntatum infringere, vel lei ausu temerario contraire, Si quis autem hoc attentare præsumperit, indignationem omnipotentis Dei, ac Beatorum Petri & Pauli Apostolorum eius, se noverit incursum.

*Datum Viennæ, pridie nonas May,  
Pontificatus nostri anno septimo.*

**PARS-**



# PARS SECUNDA.

Continens

**Quæstiones aliquot circa ea quæ  
sunt Regulæ & status fratrum Mino-  
rum, tractatas á D. Bonaventura, par-  
tim in eius Apologetico, partim  
in ipsam Regulam S. Francisci.**

*Ex Apologet. Quæstio prima.*

*Qui promouendi ad officium prædicandi, &  
audiendi sacras confessiones.*

**Q**UÆ sunt necessaria illi qui ad præ-  
dicationis & confessionis officium est  
assumendus?

*Responsio.*

Vt ad hoc sit idoneus, præter habilita-  
tem illam, quam confert gratia, quæ eti-  
am est efficacior omnibus; quæ non in no-  
stra potestate consistit, sed in beneplacito  
Dei.

Dei, singulis prout vult, dona sua diuidentis: ista considerare in promouendis solemus ad hæc officia.

Primò ut sit competentis ætatis, multum a trigésimo distans anno: quia quæ fiunt à pueris, puerilia reputantur. Secundò, ut non sit etiam facie & moribus puerilis. quia ista multum minuunt auctoritatem apud homines tam dictorum quàm factorum. Tertio, ut non sit valde notabiliter deformatis in corpore, videlicet nimis brevis, vel crassus, vel gibbosus, vel aliter turpiter deformatus: ne per hoc eius prædicatio despectui & risui habeatur. Quarto, ut non sit etiam valde debilis corpore: cum ex hoc labores huius officij exequi viriliter non valeret.

Quintò, ut sit competentis facundiæ, ut possit ea quæ debet, proponere sine fastidio auditorum. Sextò, ut sit saltem in Grammatica & sacra Scriptura tam sufficienter instructus, ut sine errore vel confusione sciat coram populo & clero proponere veritatem, & in consiliis competenter satisfacere requirentibus de causis necessariis, & in confessione de pœnitentiis iniungendis. Septimò, ut sit talis in vita & in moribus,  
ut

ut de ipso & fratres interiùs, & alij exterioriùs nihil videant vel audiant, per quod doctrina prædicationis eius apud audientes quoquo modo vilescat. Nam cuius vita despicitur, restat ut eius etiam prædicatione contemnatur. Octauo, ut etiam naturali tantum polleat industria, ut per fatuam simplicitatem non reddat contemptibile, quod per acquisitam scientiam apprehendit ut sciat se honestè gerere inter homines, & prudenter in omnibus se habere. Nonò, ut non sit minùs ad hoc voluntarius: ut si ad hoc motu proprio non trahitur, saltem propter obedientiæ bonum proximorum salutem intendere prædicando, consulendo & confessiones audiendo, & alios ædificando, non contentiosè recuset. Gregorius: Quod mens voluntariè non recipit, congruè non disponit. Sic multi sanctorum officium, quo prodesse debebant proximis, humiliter refugiebant, & tamen ad hoc tracti per obedientiam, solícite adimplebant, ut Moyse, Hieremias, & alij plures noui & veteris Testamenti Doctores. His donis ornato si gratia adfuerit, potest & debet imponi officium Prædicationis & Confessionis in Ordine ubi fuerit necessa-



**sarium.** Qui vero alios non idoneos propriuata societate promouent Ordini confusionem, & animabus nocumentum, & ipsis promotis detrimentum, & sibi met culpam non paruam procurant, cum negligentia inutilium & imperitorum, tam in consiliis incautis, quàm in absolutionibus inefficacibus & in aliis nocumentis animarum ab eis qui tales promouent, merito requirantur. Tales enim in multis sæpe possunt offendere vel scandalizare, dum non dicenda populo prædicant vel falsa docendo errorem inducunt, vel aliter fortè minus compositè se habendo. Item in confessione fortè nesciunt confitentes debito modo instruere, nec inter peccata grauiora & leuiora distinguere, & aut faciunt ex nimio rigore desperare; aut cum adhuc in statu damnationis sunt, dant eis spem de saluatione, & indulgent eis corpus Domini recipere. Et maxime circa rerum iniustarum acquisitionem, vel restitutionem multi seducuntur, dum non informantur, quæ sit iniusta conquisitio, vel qualiter purè restituant quibus debent.

Ex moribus etiam quorundam & vita prædicantium vilescit sæpe doctrina verborum

rum : dum alta docent verbo prædicationis, sed minus ædificatoria ostendunt exemplo actionis. Unde ut diligenti examinatione indiget, qui debet esse doctor in medicina corporum : ita multa consideratione opus est, si sit idoneus, qui debet esse doctor & medicus animarum ; cum sint subtiliores, & periculosiores, & incurabiliiores morbi peccatorum, quam passiones corporalium infirmitatum. Illi verò qui se ad hæc officia impudenter ingerunt, indignantes si ad ea tardius promouentur, quam sint imprudentes, perpendere nolunt aut nesciunt ; & eo ipso se ad hoc ostendunt & reddunt indignos : nam si digni fuerint & idonei, non debent se ad hoc ingerere, sed modestè expectare quousque per inspirationem Dei à Prælatiis suis & fratribus ad hoc suo tempore assumantur : si autem sint indigni aut nondum idonei, tunc se ingerunt. Primò quidem temerarii sunt quod antequam vocentur, ad tantum officium currere præsumunt. Unde *Hieremiæ* 23. Ipsi currebant cum ego non mitterem eos, scilicet prædicare. Et *Paulus* Rom. 10. Quomodo prædicabunt, nisi mitantur ? idem alibi *Hebr.* 5. Nec quisquam sumit

F sibi

sibi honorem sed qui vocatur à DEO tanquam Aaron, &c. Et Christus dicit in Joanne, cap. 8. Neque enim à me ipso veni; sed ille me misit, scilicet Pater. Secundò, superbi, quia seipsos reputant dignos & idoneos, ad quod fortè nec Deus, nec patres, vel Prælati sui judicant eos idoneos, sicut Chore, qui voluit sibi Sacerdotium vendicare. Num. 16. Tertiò, stulti, quia cum talia officia sint occasio tentationis per inanem gloriam, avaritiam, luxuriam, noxiam libertatem, & internæ devotionis extinctionem, & alia plura pericula, quibus ipsimet se incaute ingerunt, nimis stultè se tantis periculis sine necessitate exponunt, cum fugere magis deberent à periculo, quàm illud appetere, nescientes quo exitu bellum quod sibi concitant, finiatur. Quartò, non carent rancore invidiæ, vel contra eos, qui ad hæc officia eos promouere possunt & non faciunt; vel qui fortè impediuerunt, imputantes illorum malevolentiam magis quam suæ insufficientiæ, quod non promouentur cum ipsi sibi videantur ad hæc digniores, quàm illi quos vident jam promotos esse, quibus in scientia & aliis se reputant aptiores.

Quæ-

*Quæstio secunda.**Cur toties mutantur Prælati.*

**C**um prudentum sit, non leuiter retractare quæ faciunt, sed antè diligenter deliberare facienda ne postea oporteat revocare; & vos toties mutetis Prælatos Ordinis: videmini aut inconsideratè constituere inutiles ad tantum officium, aut sine ratione utiles dicere, & quod est signum inconstantiae & impatientiae, quod non possitis pati Rectores idoneos, quos injuriosè abiicitis; aut quod in officio ita perversi fiant, ut merito non debeant in eo diutius tolerari; aut quod tam paucos habeatis in Ordine pro officio regiminis idoneos, ut semper quærat is meliores.

*Responsio.*

Sicut suprà de officiis & confessionibus dictum est, plures conditiones ad hæc fore necessarias; ita de officio regiminis animarum est tenendum. Requiritur enim in Prælato ætatis maturitas, honesta admodum personalitas, vitæ irreprehensibilitas. Quartò, quod non sit idiota in literarum scientia. Quinto, quòd sit discretus & prouidus ex naturali industria.

stria. Sexto, quod sit zelator justitiæ & Ordinis disciplinæ. Septimò, quod sit tractabilis per mansuetudinis lenitatem. Octavo, quod sit compassivus pietate fraterna. Nonò, quod sit deuotus, habens orationis usum, & fiducialiter, agens cum Deo, ex gustu internæ dulcedinis ejus, & experimento crebro exauditionis. Decimo, quod semper in officio esse se doleat, & tamen cum ad hoc compellitur, æquanimiter illud ferat, nec propter hoc ut citius absol-uatur ab officio, negligentius in eo se gerat. Undecimò, quod corporis imbecillitate à communis vitæ observantia non omnino impediatur. Istæ conditiones simul omnes in paucis reperiuntur: ideo paucos stabiles in officio possumus habere Prælatos, dum aut nimis sunt corpore debiles pro talibus laboribus & sollicitudinibus suffe-rendis, aut nimis inuoluntarii præ timore conscientiæ, dum semper timent minus quàm debeant facere, aut in exterioribus prouisionibus nimij, aut mores eorum in aliquo fratribus displicent, vel minus placent, aut fortè in alio loco vel officio utiliores sunt quidam, propter ista sæpe mutantur Prælati. Bonum est etiam prop-  
ter

ter hoc, ne fiant aliquando insolentes, si scient se in dominio permanfuros diu, ut sic in humilitate seruentur; & subditi, quibus fortè grauis esset aliorum alicuius prælatio, de spe facilis absolutionis eius consolentur. Sunt etiam quidam boni subditi, sed in utiles pro Prælatiis: ideo deponuntur.

*Quæstio tertia.*

*Cur toties transmittantur fratres ex uno loco in alium.*

**C**ur toties mutatis fratres aliquos de loco ad locum? Suspectum enim videtur quasi aliquod crimen ibi commiserint, unde mutantur, vel quasi ex impatientia sua vel aliorum non possint ibi manere vel ex rancore non permittat eos Prælati stare, ubi diligunt & consolantur esse.

*Resp.* Vix aliquid fit tam purè, quin possit ab aliquo sinistrè interpretari, quasi malè fiat. Sed bonum non ideo malum est, si illud mali seu stulti dicunt malum. Sunt autem plures causæ, quare fratres de loco ad locum mutantur. Aliquando consolatio eius qui mutatur, quia sic petiuit. Aliquando consolatio ipsorum ad quos mittitur.

titur, quia hoc petiuerunt diligentes eum pro bona conuersatione vel utilitate. Aliquando forsitan, quia alibi magis necessarius est, & utilis pro prædicatione & confessione, vel alio officio domus illius. Aliquando pro maiore spiritus ejus quiete, quia ibi nimis à parentibus & aliis inquirentibus infestatur. Aliquando pro communi recreatione, quia aër vel victualia plus ibi competunt ei, vel suppetunt pro indigentia sua. Aliquando, quia in uno loco habet aliquis tentationis alicuius materiam, quam non habet in alio. Possit etiam aliquando accidere, quod aliquis deliquisset in uno loco, quod pro vitando scandalo expediret eum mutari in alium locum. Similiter posset aliquis ita esse distortus moribus vel ex aliqua corporis qualitate onerosus, quod pro partitione oneris aliis transmitteretur ad tempus, ut alii interim ab eo releuantur, sicut onus ab uno humero in alium commutatur. Valet etiam ad hoc maximè talis mutatio, ut fratres secundum Regulam agnoscant se peregrinos & aduenas in hoc mundo, non habentes hic manentem ciuitatem, & semper æternam patriam inquirentes. Si enim in

uno

uno loco diu stare deberent, quidam nimias ibi contraherent cum extraneis, cum potentibus, cum fæminis amicitias, corporis commoda procurarent, sumptuosa ædificia construerent, & cum ibi quasi notiores, magis viderentur esse necessarii, tantò vellent esse super cæteros potentiores; ita ut nec Prælati auderent sine ipsis in domo aliquid ordinare; & veluti quadam diuturnitatis præscriptione stabiliti, vix æquo animo ferrent, si vellent eos pro aliqua causa mutare, etiã si omnibus modis expediret. Ut ergo puritas paupertatis & Obedientiæ melius obseruetur in Ordine, & mala plurima præcaueantur expedit fratribus aliquando à loco mutari.

*Quæstio quarta.*

*Quid agendum sit de domibus & similibus, quæ fratribus legantur.*

**C**um asseratis vos secundam Regulam & professionem vestram nullos debere recipere prouentus reddituum, seu possessiones, exceptis domibus in quibus habitatis, videmini transgressores REGULÆ vestræ in eo quod recipitis domos vel areas non



non contiguas vestris areis in quibus habitatis. Eodem enim modo, si hoc licet, poteritis etiam vineas recipere, & agros, & mansos & similia quæque recipere, imo grangias, & villas, & castra, & terras, & oppida, & quæcumque fuerint vobis data; & si pristina paupertas & mendicitas, quam professi estis, paulatim evanesceret: & non eritis discipuli sancti Francisci, cum non sequamini vestigia ejus, nec ejus Regulam teneatis. De domibus enim vobis contiguas potest esse excusabile, quòd pro dilatanda area vestra illas quandoque recipiatis; sed de aliis non ita, in quibus homines alios pro censu locatis, quem Procurator vester loco vestri exigit, & in usus vestros conuertit devoluntate vestra.

*Resp.* Si qui in talibus incautè agunt, dolemus, & contradicimus, & prohibemus. Qualiter autem in hoc licitè agere possimus, aduerte, & tunc non judicabis nos ( si sanè intelligis ) transgressores. Protestamur non secundum Regulam nostram, nihil debere, seu velle possessionis vel certorum reddituum recipere vel habere. Quia verò mendici sumus & pauperes, ea quibus pro præsentì necessitate indigemus ideo  
reci-

recipimus prout licet, siue pro soluendis debitis, vel aliis necessariis procurandis. Cum ergo aliquis ex devotione vult nobis legare domum suam vel aream non contiguam nostræ mansioni, non recipimus eam nec per nos, nec per interpositam personam ut nostram: sed si ille eam disponit per alium quemcumque, ut ea vendita, de pretio ejus provideatur nobis ex parte sui, in his quibus tunc indigemus, pro curandis vel solvendis debitis, acceptamus. Si autem ille timens, ne fortè ejus talis dispositio per hæredes suos vel alios in posterum impediatur, & propter hoc præoccupat roborare illam sigillo alicujus Judicis vel Civium, vel alterius, & sic committit eam alicui amico suo vel fratrum qui conservat; quod ipse disponit de domo tali vel area, nil ad nos, cum de rebus suis possit ordinare quod vult. Nec locum talem, nec domum dicimus esse nostram, cum nihil juris nos in ea protestemur habere. Similiter si aliquis disponderet per amicum vel alium, quòd de pretio vel de prouentibus illis vel illis darentur fratribus tot panes quotidie, vel tantum eleëmofynæ singulis septimanis aut annis, non essemus propter

hoc prædii vel reddituum possessores. Nam si me petente eleëmosynam, aliquis diues promittat, quod singulis annis velit dare fratribus duas tunicas vel tantum unam, vel singulis hebdomadibus tot panes, & hoc committat Officialibus suis, ut vice sui ista dent etiam eo absente, & hoc pro fratribus recipiam, vel etiam, si illi negligent dare, admonendo exigam, numquid propterea certos redditus habere dicendi sumus, cum non ex jure, sed ex gratia solum, talem eleëmosynam recipiam vel exigam? Et si post obitum illius, uxor ejus, vel alii amici pro anima illius adhuc velint aliquo tempore talem nobis eleëmosynam per se vel ex dispositione illius largiri, possumus similiter accipere ex eadem gratia: ita quod quandocumque nollent amplius ista dare, nihil peteremus ab eis quasi ex debito, sed more mendicorum recurreremus ad domum clementis Domini pro quotidiana eleëmosyna, quandiu illi placeret: sed quando plus nollat, abiremus vacui, gratias agentes de dato, & non murmurantes de negato. Hæc est vera & pura vita mendicorum; quod datur ex gratia recipere, non ex jure. De Censibus verò domorum  
fra-

fratribus legatarum, nihil quærimus, sicut nec de aliis redditibus. Si autem antequam vendatur, aliquem inde censum recipiunt, in quorum tunc potestate sunt illæ domus, nihil juris habere in eo protestamur, sed eleëmofynam nobis sponte oblatam simpliciter recipimus sicut aliunde donatam. Quia verò Dominus docet nos cauere ab hominibus Matth. 10. Et Apostolus ab omni specie mala abstinere. 1. Thess. 5. ne putemur ab ignorantibus transgressores Regulæ nostræ, debemus apertè protestari, nihil nobis juris in talibus donationibus velle habere; sicut tenetur suspectus de fornicatione omnia illa cauere, ex quibus posset ista fuscipio probabilis judicari.

*Quæstio quinta.*

*Qua conditione recipiantur quæ postea pro fratrum usu nomine dantium commutantur vel etiam venduntur.*

**C**um denarios seu pecuniam nec per vos nec per interpositam, ex Regulæ vestræ præcepto debeatis recipere, & tamen aliqua recipiatis, quæ venduntur postea pro pecunia, non video qualiter excusemini à transgressione hujus præcepti, quia ven-

vendita illa re, sicut prius vestra fuit res ipsa ante venditionem, ita etiam erit pecunia vestra, quæ pro re data est, cum non habeat alium dominum nisi fratres, quod illicitum est omnibus manifestè.

*Resp.* Tria eleëmofynarum genera dantur nobis. Aliqua enim recipimus quibus uti volumus, ut victus, & vestitus, & libri nobis utiles, & similia, quæ non proponimus alienare ab Ordinis usu: Quædam autem dantur nobis, quibus nunquam in illa specie uti volumus, ut vestes sæculares, & libri nobis non apti, vel etiam aliqua superflua victualia, quibus forte non indigemus ad præsens. Ista si nolunt fratres recusare propter deuotionem dantium, potest procurator ea, vice illorum, seruare, sicut pecuniam pro fratribus ei commissam, ut suo tempore inde prouideat eis, quibus indigent, ex parte illorum: Quædam verò dantur nobis pro usu nostro, & ea per nos recipimus; & postmodum aliquando contingit, quod ea volumus alienare: Si illa simpliciter venderemus, tunc fieret sicut dicis, quod illa pecunia nostra esset, sicut res vendita fuerat ante nostra. Sed ne transgressores Regulæ nostræ simus, re-  
ci-

accipiendo pecuniam per interpositam personam, tres vias pro hac cautela tenemus. Aut enim rem aliam quæ vendi deberet, commutamus pro alia, qua indigemus, non interueniente pecunia, ut librum pro libro, oleum pro cera ad luminaria, & sic de similibus. Aut rem illam damus pro solutione debitorum, quantum res illa valet. Aut damus eam alicui, ut sua sit, & nobis pro ea de aliis quibus indigemus tantum acquirat, quantum res illa distracta valeret. Siue autem ille, qui sic eam recipit, postea vendat, siue reseruet ut suam, nil ad nos cum jam non sit nostra, sed ipsius, & ita non erimus præcepti illius de non accipienda pecunia transgressores. Qui aliter facit, videat quomodo conscientiam suam apud Deum iustificet & apud homines à scandalo se excuset.

### Quæstio sexta.

*Utrum quia mendicantur, liceat commutare cum aliis, quibus fratres magis indigent.*

**O**lim non mendicastis, nisi solum quod indigistis: nunc autem non solum petitis pro futuro tempore necessaria, sed  
 eti-

etiam de una specie tanto plus aquiritis, ut unum pro alio commutetis, ut oleum pro caseis vel similia pro aliis in hunc modum.

*Resp.* Ut suprà dixi, dum pauci eramus, paucis indigebamus: nunc autem plures facti, pluribus indigemus. Et sicut aliquando mendicus per plateas discurrens ( cui solum panis aridus hinc inde datur, quem comunius habent homines, & paratius quam alios cibos ) dat aliquam partem panis pro buccela casei, vel ouo, vel pomo; eo quòd non semper valet arido pane sustentari, cum sit inedia confectus: ita & nos cum non inueniamus ubique singula, quibus indigemus pro sufficientia ad manducandum, eò quòd in omnibus terris non omnia abundant æqualiter, & homines non possint nobis dare illa quæ non habent, etiam oportet nos de talibus, quæ in quolibet loco magis abundant, tanto plus petere, ut per illa alia conquiramus, quæ aliter ibidem non possemus habere, & quibus similiter indigemus: & hoc non est auaritiæ, sed indigentiae imputandum.

*Quæ-*

*Quæstio septima.*

*Cur potius magni Conventus eligantur  
quam parui.*

**M**ultitudo est in causa quòd multis indigetis, quare ergo magnos Conventus facitis, & non potius bini vel quaterni, vel ad plus seni vel octeni, in domibus pauperculis habitatis, ut quietius in majori paupertate ibi viueretis & humilitate? quia pompositas quædam videtur, gloriari de multitudine.

*Resp.* His de causis magis diligimus magnos Conuentus quàm paruos, videlicet quia major disciplina potest ibi seruari, dum occupatio officiorum in plures diuisa, ordinatius & expeditius administratur; & coram pluribus quisque minus audet negligens aut insolens esse, & quilibet informatur ab altero moribus & scientia. Et ex his major potest esse deuotio, & ordinatior vita, & Officium diuinum pulchrius, & major cautela contra quælibet tentamenta vitiorum & Nouitij melius ibi informantur. Item quia major venit utilitas inde animarum, dum plures ibi stare possunt Confessores & Prædicatores. Vel etiam potest ibi meli,



melius teneri studium Theologiæ, in quo habiles exerceantur ad eruditionem aliorum. In parvis autem domibus, dum alii sunt in terminis, alii in villa pro eleëmofyna, alii fortè debiles aut infirmi, alii occupati officiis in domo, nec disciplina religionis, nec studium, nec deuotio in diuinis valet, prout expedit, obseruari.

*Quæstio octaua.*

Et quæstionibus D. Bonaventuræ in ipsam Regulam S. Francisci.

*Quare fratres incumbunt sacris studiis.*

**I**tem quæro: cum Religiosi debeant simpliciter ambulare, & omnino virtutibus abundare, & ad hoc operam dare: cur rursus studio literarum (quæ olim sancti Patres postposuisse laudantur, ut Benedictus & alii) se modo dant, & in secreta conuersatione student?

*Resp.* Quod cum (sic ut dictum est) Prædicationis officium ex Regulari professione Ordini annexum sit, & etiam Confessionis quæ notitiam requirunt sacre Scripturæ, quæ subtili indiget in plerisque locis expositione: ne ex imperitia errores pro veritate.

tate doceamus, necesse est nobis sacra Scripturæ habere studium & magistros. Hæc enim scientia non solum utilis est ad aliorum eruditionem, sed etiam ad propriam instructionem: ut servus Dei sciat seipsum bene regere, virtutes à vitiis discernere & notitiam Dei & futurorum præniorum clarius intelligere, & in omnibus cautius & fructuosius conversari. Nam & Apostolus hortatur Timotheum 1. cap. 4. & 2. cap. 3. ad lectionis studium; & sanctorum nobis diligentia in sanctarum ruminatione scripturarum frequenter commendatur. Veritas enim fidei, & vitæ sanctitas, non aliundè quàm ex scripturarum fonte hauritur, sine quibus impossibile est quemquam saluari. Hæreticorum enim versutiis, qui in scripturis sanctis occasionem erroris per falsas interpretationes assumunt, oportet per ipsarum diligentem inuestigationem diligentius obuiare, & fideles contra eorum fraudes & latentes decipulas præmunire. Unde D. Hieronymus, *epist. ad Paulin.* cap. 4. Sancta rusticitas solum sibi prodest: & quantum ædificat ex vitæ merito. Ecclesiam Christi, tantum nocet si destruentibus non resistat. Ad Titum cap. 1.

Potens sit exhortari in doctrina sana, & eos qui contradicunt arguere.

*Quæstio nona-*

*Quare fratres interdum permittant  
altas erigi domos.*

**I**tem quæro : Cum sancti Patres laudentur in casellis & vilibus habitaculis habitasse: quid est quod vos altas & magnas domos erigitis, & Oratoria sumptuosa, & Areas latas magno pretio comparatis; cum sitis pauperes & mendici, & contemptores mundanorum esse debeatis;

*Resp.* sicut jam suprà dictum est, cum inter homines nos manere oporteat, aut ergo extra muros civitatis aut intra. Si extra civitates maneremus, ubi possemus latiores Areas leuiori pretio comparare, vel in campis vel hortis; quandocumque bellum timeretur vel guerra, ciues loci formidarent, ne forté hostes Domos nostras occuparent, & de illis niterentur ciuitatem vel oppidum expugnare: & non auderent etiam aliàs, quando sibi timerent, ad loca fratrum pro Confessione, vel Missa, seu Prædicatione securi venire: & ideo non  
dili-

diligunt ut in talibus locis commoremur. Quod si intra muros habitamus vel propter frequentiam populi aræ cariores sunt: oportet & nos aræ carius emere, quantum sufficiant pro Claustro, Oratorio & Officinis congruis, pro Conventu, hospitibus, & infirmis, & horto herbarum, tam pro pulmentario, quàm pro aëris recreatione, ut infirmi refocillentur, & sani conseruentur, & lassī in spiritualibus studiis recreentur. Sæculares enim qui sæpè vagantur, domi non indigent recreatione aëris; Religiosi verò qui in Cellarum reclusoriis religantur; nisi aliquam interius habeant recreationem aëris, cito languescunt, & ad studia spiritualia inhabiles efficiuntur: ita quòd nec sibi nec aliis proficiunt in devotionis internæ profectu, in sapientiæ intellectu, id est, virtutum exemplis, & in doctrina salutaris. Et quamvis perfectis omnis locus aptus sit pro disciplinæ internæ exercitiis, imperfectis tamen & adhuc indigentibus emissionem virtutis, opus est etiam exteriori distinctione Officinarum claustralium: ut sciant ubi tacere debeant, ubi loqui liceat, ubi orare, ubi laborare, ubi legere,

scribere, vel comedere ubi, ubi sit requies infirmantium, ubi reposatio de labore itineris venientium, & aliorum quæ in Collegiis sunt necessaria: ne, si confusè indifferenter singula fierent pro libitu, jam nec disciplina, nec quies, nec devotio, nec ordo inter fratres, sicut expedit, servaretur; quod esset in magnum detrimentum Religionis, & in scandalum alienis, & in destructionem salutis: quia nec minores discerent à quo proficerent, nec perfecti alios ædificarent. Quia verò intra ambitum civitatis ( ut dictum est ) cariores sunt aræ, quòd non possemus facilè sufficientiam congruæ latitudinis habere, ut omnes Officinæ deorsum collocarentur juxta se invicem: oportet aliquando, ut una super alteram locetur, ita ut utraque aëris respiraculo non careat. Ex hoc domus nostræ magnæ apparent, & excelsæ ac sumptuosæ, & paupertati dissimiles, cùm tamen paupertas hoc magis efficiat: quia ne circa dilatemur, inferius angustamur. Et quia circumsepti sumus domibus aliorum vicinorum, & quia in civitate sæpe insurgunt incendia late peruagentia, ne vel domus, vel Ecclesiæ, vel libri, vel alia necessaria  
fre-

frequenti discrimini sint exposita & in continuo tremore infirmantium corda sint inde suspensa, & ne ipsi vicini nostri à nobis per incendia molestantur : ubi possumus, facimus domos lapideas, ut nec igne, nec vetustate citius destruantur : quia non solum corporibus, sed etiam cordibus magna est destructio, noua sæpius ædificia construere : maximè illis qui non habent sumptus, nisi quantum valent colligere mendicitate. Non tamen intendo in his excusare, nisi quæ valde necessaria sunt & rationabiliter : ubi autem superfluitas curiositas, & irreligiositas, & Regulæ paupertati nostræ derogantes essent structuræ, reprehendo tecum, & omnia alia quæ Deo displicent, tam in moribus, quàm in rebus.

Quintuplicis enim peccati rei sunt, qui superflua in ædificiis & aliis, quibus utimur, procurant & acquirunt.

Primò, propter transgressionem Professionis : quia pompis renunciantes sæculi, in paupertate & humilitate vera promiserunt Domino famulari. Unde Galat. 2. Si enim quæ destruxi, iterum hæc ædifico, præuaricatorem me constituo.

Secundò, propter malum exemplum,

quo alij discunt ab eis similia facere, vel scandalizantur, quando vident eos qui huiusmodi pro Christo spernere debent, quærere vel sectari.

Tertio, propter inquietudinem fratrum propter huiusmodi ~~Ædificia~~ & procuraciones: quia & deuotio extinguitur, & disciplina religionis plurimum dissipatur. *Isai. 49.* Venerunt structores tui destruentes te, & dissipantes à te exhibunt.

Quartò, propter spoliationem aliorum pauperum, quibus sæpe eleëmofynæ præripiuntur, & huiusmodi structuræ fiunt ex quibus illi deberent vestiri & pasci, dum quod istis datur, eis negatur: quia ad dandum utrisque deficit dantium largitas & facultas.

Quintò, quia quando nimis urgemus homines ad dandum perdunt devotionem ad nos prius habitam; quòd nec de prædicatione, nec exemplis, nec aliis quæ facimus ædificantur. Unde cum vident nos accedere, terrentur & timent, quòd aliquid velimus ab eis expetere, quòd graue sit eis dare, & erubescunt negare; & si dederint non libenter, minus merentur & sic rebus, & devotionis merito, priuantur.

Quæ-

*Quæstio decima.*

*Utrum fratribus liceat, esse sollicitos  
in crastinum.*

**I**tem quæro : Cum Dominus in Evangelio dicat : Nolite solliciti esse in crastinum ; & vos sitis Paupertatis Evangelicæ professores ; non debetis plura colligere vel servare , quàm quod posset quotidie ad unius diei victum sufficere. Sed videtur quod non seruetis.

*Resp.* Si diligenter Evangelij verba pensamus, solitudinem de crastino, sed non prouisionem prohibere videtur. Unde sancti Apostoli, Evangelij Christi perfectissimi obseruatores, tam pro se, quam pro aliis Christi pauperibus, qui omnia pro Christo reliquerant, à fidelibus subsidium pro corporum necessitate etiam in futurum petebant & recipiebant. Sicut Paulus, rogatus à Petro, Joanne & Jacobo collectas fieri per Ecclesias, pro Christi pauperibus sustentandis mandauit *Galat. 6. 2. Corinth. 8.* Et aliis locis pluribus reperitur id fecisse, qui etiam ; pro aquirendis necessariis sibi & fociis, suis laborauit



manibus. Sollicitudo enim notat curæ anxietatem, illicitam conquisitionem, auarā superfluatorum prouisionem. Sicut enim in operatione salutis nostræ principaliter spem in Deum iactare debemus, ita & in corporali subsidio sollicitudinem debemus ei committere, & tamen ubi congruè possumus sine iactura spiritualis profectus nostri & aliorum nobis necessaria prouidere: ne aliter quasi Deum tentare videamur, ut miraculosè sicut olim filiis Israël nobis quotidie alimoniam subministret. Licet enim priorum fratrum puritas, pro maiori perfectionis ardore, pauciora quàm nunc consueuerint ad victum colligere necessaria, & populus propter hoc talem opinionem conceperit, quòd nil nobis licet seruire in crastinum; tamen nec tunc, nec nunc, aliquo modo nobis prohibitum est statuto, quin possimus ad victum aliqua etiam necessaria in futurum pro aliquo tempore prouidere, maximè de iis quæ in promptu, cum indigemus non possemus acquirere medicando. Sunt enim, quæ nisi colligamus certo tempore quando est copia, quando inter manus communiter habentur à populo, postmodum nec pro  
in-

infirmis, nec pro hospitibus, nec pro aliis sine magna difficultate vel magno pretio poterunt haberi. Mendici enim maximè illo tempore solent necessaria petere, quo sciunt ea promptius à dantibus inter manus haberi, ut circa horam comedendi. Sic & Dominus populo certo tempore præcepit Mannæ alimoniam colligere, qui non omni tempore in agro, etiam si quæerent invenirent. *Exod. 16. & Psalm. 144.* Tu das escam illis in tempore oportuno. In hoc enim non tam nobis quàm illis à quibus petimus, providemus quando tali tempore petimus quo ipsi facilius dare possunt, & magis sunt voluntarij ad eleëmofynam largiendam.

*Quæstio undecima.*

*Quare fratres interdum nunc plura mendicando conquirant quàm olim.*

**I**tem quæro: Quid est hoc, quod modò plura petitis quàm olim: ut cum tunc vix in una vel paucis villis & pauca postulaueritis, modò latè per terram & oppida & castra peruagando plurima congregatis? Videtur enim, avaritiam inter vos

creuisse; & curam ventris hanc vobis providentiam persuasisse. Videtur etiam quod spiritus extinctio vos in cella quiescere non permittit.

*Resp.* Viciosos in hoc & in aliis excusare non audeo, ut dixi; sed rationem pro illis, qui ratione ducuntur, & pia intentione omnia faciunt, ostendere benevolis nunc intendo: quia maleuoli, qui magis facta nostra calumniari desiderant, quàm agnoscere veritatem, magis dolent, si ostensa ratione eis materia subtrahatur detrahendi. Quia inimicus vult potius causas malignandi contra eum quem odit, adesse quàm abesse: ut non ex invidia, sed ex iustitia eum persequi videatur. Quod autem nunc potius quàm olim videmur mendicando plura colligere, inter alias principales causas, quas potes advertere veras esse, una est: Quòd cum olim pauci fratres fuissent in Ordine, nunc multò plures sunt ubique & plures pluribus indigent: quantò numerus numerum excedit, in omnibus quæ necessitas requirit, est magis opus. Nam Dominus infans natus modico diuersorio & præsepio contentus fuit; sed aggregata discipulorum  
tur-

turba ad celebrationem Paschalis conuiuij quæsiuit sibi præparari cænaculum grande stratum. Secunda causa est, quod inter plures sunt etiam debiles & infirmi, maxime qui olim strenuæ religionis, & arduæ paupertatis pondus, per annos plurimos portantes, nunc ex humanæ mortalitatis defectibus laxati, cogente ipsa charitate, non debent ipsi ut infirma pecora relinqui; sed piè, quandiu poterunt, fulcimentis corporalium necessitatum pro misericordia & aliorum ædificatione, & pro juniorum instructione sustentari: & propter tales oportet & expedit plura peti. Tertia causa, quia plures modò mendicantes sunt in Ecclesia de diuersis Ordinibus: & quod nobis solum dabatur integrum, nunc minuatim diuiditur inter plures: unde cogimur nunc latius tanto vagari, quò minus in locis singulis datur nobis. Quod enim aliquando offerebatur nobis non quærentibus, nunc vix per diuersa minuatim colligimus cum rubore. Et oportet nos petere, quia non petentibus parum datur, dum ex multitudine petentium homines sunt lassati. Qui autem per se nihil habent, necesse est eos omnia quibus indigent.

gent, ab aliis postulare, vel carere, nisi velint illicite acquirere, vel quocumque modo apud alios deferuire, vel nisi gratis eis donetur. Quarta causa, non tamen omnino commendabilis, sed pro aliqua parte excusabilis, accedit: quia qui non est patiens penuriae in his quibus indiget, plura eum conquirere oportet.

*Quaestio duodecima.*

*Respondetur per plures rationes ad  
quaestionem praecedentem.*

**I**tem quaero: Quae potest esse huius impatientiae causa nisi voluptuositas, quae nil vult sibi deesse illorum quae appetit, quae omnis religiositatis est exterminium.

*Resp.* Hoc etsi in quibusdam habeat locum, non tamen est potior causa, sed aliae quaedam. Una, quia, ut dictum est, plures habemus debiles & infirmos, quam olim, cum omnes ferè noui erant in Ordine: qui cum lassati jam exhausti sunt viribus, oportet ut reficiantur, ne penitus deficient; quod esset contra Misericordiae, Charitatis, & Discretionis virtutem, cum tales maximè consilio, & zelo,  
&

& pietatis exemplo sustentent Ordinem in suo vigore, ne subito corruat à pristina puritate, licet virtute corporali jam non sicut olim imminenter existimentur lucere, propter corporis distractionem, aut oportet quod contra misericordiam deficere subito permittantur, & tunc magis ex hoc fouebitur in Ordine carnalitas: quia quilibet juvenis & sanus, instructus carnis prudentia, cogitabit apud se, dicens: Si tales viri pro ædificatione Ordinis corpora sua tradiderunt omnibus laboribus, modo debilitati, sic permittuntur absque misericordia perire: volo mihi cauere, & parcere corpori, & illud fouendo custodire, ne mihi similiter contingat. Et sic aliquis audebit de cætero vix feruenter in Dei seruitio se exercere. Si autem debent debiles misericorditer refoueri, expedit ut etiam alij qui unum corpus societatis cum eis sunt, & eis seruiunt & labores Ordinis pro eis in domo, in diuino Officio, in frigore, & petendis eleëmofynis & aliis obsequiis patiuntur, aliquo modo mitius pertractentur, & melius reficiantur, ut minus de illis scandalizentur, & minus murmurent contra eos, quasi ipsi soli confu-

mant

mant omnia quæ offeruntur; & ut patientius pro eis laborent, & hilarius ministrent, & ut ipsi debiles minus erubescant, & confidentius audeant necessitates suas accipere, cum videant alios etiam secum esse participes in consolatione. Sani ergo & fortes non debent, propter se ista appetere, nec suæ industriæ adscribere, quando petentibus eis eleëmofynam ista offeruntur: sed cogitare debent, sicut & veritas est; quod Deus ea propter debiles ministrat, & in tanta copia, quod exinde etiam sani consolentur. Propter præmissas rationes vult etiam Deus veritatem suæ promissionis, & euidentiā suæ liberalitatis ostendere, dum nobis, qui nullos certos redditus pro ipso habere decreuimus, & totam sollicitudinem in eum iactauimus, indulgentius necessaria ministrat, quàm aliis quibusdam, qui lata prædia habent, & loculos plenos, ad hoc, ut ei securius confidamus, & fidelius seruiamus. Alia causa est quia eorum qui nuper de sæculo venerunt, quidam delicatè sunt nutriti: & cum in Ordine subito contra solitum coguntur aliter viuere in labore, & victu, & coërtitione magisterii, trita caro tenera  
lan-

languescit : & nisi clementer foueantur, donec paulatim affuescant Ordinis pati rigorem; aut semper tabescendo languescent, aut ex rigoris horrore ad Vomitum reuertentur & ideo expedit ut supra. Tertia causa est, spiritualis studij: nam assiduum in studio sacræ Scripturæ, in deuotionis desiderio, in tentationis certamine, internæ sollicitudinis vigore ita consumit & exsiccat vires corporis; ut nisi exterius quandoque aliquatenus refocillentur; non valeant diu subsistere. Quod autem aliquando lautiores cibos & potus habere videmur hoc est proprium mendicorum: qui dum non reseruant in posterum, ut cumulos congregent, ut prædia lata comparent, statim comedunt & bibunt ea, quæ Dominus administrat. Et quia pro honestate & deuotione sua plerique dant nobis non de vilioribus, sed de melioribus quæ Dominus dedit eis: etiam nos cum interim non habeamus alia quibus utamur, ne videamur ingrati & auari, comedimus & bibimus quæ offeruntur nobis indifferenter, tam illa quàm alia, juxta illud Regulæ: De omnibus cibis qui apponuntur eis, liceat manducare. Mendicus enim si recusat



fat ea quæ offeruntur cum non habeat unde alia emat : remanebit inanis. Quia verò diuersi diuersa, & aliquando quasi aduersa mirantur de nobis ut cum illi in nobis reprehendunt carnalitatem, alij verò duritiem, quilibet pro visu suo & affectu : oportet nos singulis de suis quæstionibus respondere, & rationem reddere, licet sequentia præcedentibus continuato ipsis ordine ad hoc non cohærent, sed modò de hac, modò de alia tractemus, &c.

*Quæstio decima tertia.*

*Cur omnes fratres non incumbant  
labori manuali.*

**I**tem quæro : Cur non laboratis manibus pro victu, ut non sitis Ecclesiæ onerosi in eleëmofynis petendis?

*Resp.* Si de puro labore manuum deberemus viuere tantum urgeret nos operis instantia, quod aliorum lucris intendere non possemus, nec diuiná liberè celebrare, nec orationi libere vacare. Cum enim ad Confessionem vel Prædicationem frater vocaretur, respondere cogeretur : Opus meum quo victui meo hodie deseruire debeo,

leo, nondum expleui; & ille cui laboro, priusquam deseruiam, non dabit mihi mercedem debitam, ideo non possum venire.

Alii autem omnes præter infirmos laborant: alii autem in studio ut fideles erudiant: alii in diuino Officio & laudibus Dei: alii in colligendis eleëmofynis pro sustentatione communi: alii in officiis domesticis, in firmis & sanis ex injuncta obedientia ministrantes: quidam qui sciunt artes aliquas mechanicas pro fratribus & extraneis exercentes, sicut mutuo cooperantur inter se formicæ & apes: quidam per obedientiam missi, diuersas terras perambulant, cum nuncios alios idoneos non habeamus, & sic nullus impunè permittitur otiosus, &c.

*Quæstio decima quarta.*

*Quare tam multi recipiantur novitij,  
& sæpe inutiles?*

**I**tem quæro: Cum multitudo sit sæpe occasio confusionis, eo quod regi non possit, cur multiplicatis numerum in recipiendo inutiles, & oneratis vos ipsos & alios?

H

*Resp.*

*Resp.* Inutiles omnino scienter non recipimus, sed præter spem nostram aliquoties sic contingit. Quatuor enim causis solemus recipere superuenientes. Una est compassio perditionis eorum, qui vix extra Ordinem in sæculo saluarentur: sicut qui de igne vel aqua periclitantem rapit, vel de alio discrimine. Secunda, propter profectum Ordinis, qui ex scientia & industria, morum honestate & reuerentia quorundam futurus præsumitur. Tertia, propter aliorum ædificationem: ut multi de talium conuersatione, qui aliquo modo sunt famosi in sæculo, emendentur, & eorum incitentur, exemplo.

Quarta, propter precum instantiam, quam ipsi faciunt pro se & alii pro eis, nimia importunitate obtinent aliquos recipi, quibus denegari non potest. Sicut autem agricola sæpe seminat & plantat in spe quòd omnia conualescant: quod tamen plerumque in aliquibus non eueniet: ita congruit & in religiosis ad Ordinem receptis. Lucae 8. Aliud cecidit secus viam, &c. Seminat plures sulcos: ut si aliqua pereant alia pro illis conualescant. Si tamen omnes conualescerent, seges copiosior proveniret &c.

Qua

*Quæstio decima quinta.*

- *Cur non omnes Religiosi sint perfecti.*

**I**tem quæro : Unde est, quòd videmus aliquos Religiosos moribus ita distortos & rudes, sicut aliquos sæculares, vanos, cupidos, inuidos, detractores, iracundos, contumeliosos, desides, dissolutos, auaros, inuerecundos, delicatos, gulosos, garrulos, lasciuos, & quod ex his oritur, forsitan incontinentes?

*Resp.* Religio est schola virtutum in qua, sicut in aliis disciplinis & artibus discendis incumbitur. Videmus autem quod alius alio peritior est, alius rudior, alius diligentior, alius segnior. Hæc autem differentia ex quatuor causatur. Una causa est, quòd alicubi informatores habentur, quorum eruditione boni discipuli nutriuntur: ubi autem non habentur, aut rudes in spiritualibus erunt discipuli, aut erroribus variis sub specie boni per sensum proprium seducuntur, habentes quidem zelum iustitiæ, sed non secundum scientiam: & sic à perfectione virtutum plurimi retardantur, ut vel malum æstiment bonum, aut minus bonum putent optimum, au-

aliam viam quàm debeant ad perfectionem  
 tenendam. Secunda causa est, defectus  
 seu copia bonorum exemplorum quia no-  
 vi in Religione sæpe tales fiunt, quales  
 alios esse vident; sicut in sigillis cera ta-  
 lem imaginem recipit, qualis fuit impres-  
 sa: & fiunt sancti cum sanctis, boni cum  
 bonis, peruersi cum peruersis. Tertia cau-  
 sa est, nouitas in Religione, quia inci-  
 pientes non possunt vel non habent illa  
 quæ habent prouecti vel perfecti. Et igno-  
 scendum est eis in aliquibus, & patienter  
 expectandum, donec crescant & addi-  
 scant, quæ nondum apprehendere volu-  
 erunt. Rom. 14. Debemus nos firmiores  
 imbecilitates infirmorum sustinere. Qui à  
 puero exigit labores viri, & ab infirmo  
 vires robusti, & à scholari unius anni, vi-  
 res magistri, imprudens est 1. Corinth. 13.  
 Cum essem paruulus, loquebar ut paru-  
 lus. Ex hoc arguitur stoliditas Sæcularium  
 quorundam: qui dum vident aliquem Re-  
 ligiosum in aliquo offendere, omnes Re-  
 ligiosos despiciunt; quasi omnes tales sint:  
 cum ipsis videretur injustum, si quis eos  
 propter aliena vitia deteriores haberet.  
 Quarta causa est, defectus gratiæ: non  
 enim

enim omnes omnia possunt. Sicut enim multi vellent esse diuites, & non possunt : ita non omnibus datur æqualis gratia spiritualium donorum Rom. 7. Velle mihi adiacet, perficere autem bonum non inuenio. Quinta causa est, Voluntas propria, ( etsi non omnia adsint prædicta ) dum quis diu stetit in Religione, & bonorum exempla despexit, doctrinam non curauit, gratiam abiecit, virtuti non studuit, vitiis se subdidit : sicut heu plures sub Religionis habitu, velut dealbata sepulchra, in scandalum aliis conteguntur. Matth. 23. Ve vobis scribæ & Pharisei, Hypocritæ qui estis, &c.

*Quæstio decima sexta.*

*An fratres habeant aliquid proprium.*

**I**tem quæro : Cum Regula dicat, quod nil proprium debeatis habere, nec in speciali, nec in communi, & vos habetis domos, hortos, libros, vestes, & alia victui necessaria pro tempore : quomodo potestis transgressiones huiusmodi excusare bona conscientia ?

*Resp.* Videmus in sæculo famulos Domini-

minorum panem non suum comedere, tecto non suo contegi, & rebus alienis uti, vel Dominorum suorum: sic & alij sæpe concessis utuntur, tam vestibus, quam aliis rebus de illorum voluntate quorum res sunt. Sic & nos utimur rebus necessariis pro corpore, quas tamen nec in speciali nec in communi nobis appropriamus. Regula enim non dicit, nos nihil debere habere, sed nihil nobis appropriare. Unde usum rerum necessarium habere possumus, non proprietatem: alioquin nec vestem, nec cibum, nec aliquid aliud in usum recipere deberemus; quod esset contra omnem rationabilem intellectum. Præfatus enim Sedis Apostolicæ, qui est generalis omnium prouisor Ecclesiæ pauperum, specialiter nostri Ordinis curam habens, omnium mobilium quæ Ordini conferuntur, proprietatem sibi assumpsit, exceptis iis quorum dominium sibi conferentes retinuerunt: & nobis usum earundem rerum solum concedit; ut semper alieno victu, & vestitu, & tecto, & aliis utensilibus absque proprietatis jure ex ipsius concessione utamur. Sicut familia patrisfamilias, quæ rebus domini sui utitur, tam

tam in absentia, quam in ejus præsentia corporali, secundum ipsius dispositionem. Et eleëmofyna, quæ nobis à fidelibus datur, transit in usum nostrum, & in illius dominium, qui est principalis Ordinis nostri Dispensator, cui parati sumus omnia quæ habemus cum jusserit, tamquam Domino prout conuenit, resignare: ut nihil juxta hoc proprietatis habentes, Regulam nostram bona conscientia obseruemus.

*Quæstio decima septima.*

*An fratres recipiant eam pecuniam quæ datur amicis spiritualibus.*

**I**tem quæro: Cum iterum Regula dicat, quod nec per vos, nec per alios, debeatis recipere denarios vel pecuniam, videmini per contrarium hoc facere, tam petendo pecuniam, quàm reponendo, quàm etiam dispensando; quia etsi personaliter eam non contrectatis, tamen per alios eam seruari & recipi facitis, & distribui sicut vultis: & tamen inhibetur sicut per præceptum, ut non habeatis super hoc potestatem dispensandi. Nescio quomodo hanc transgressionem excusare potestis. Si au-



tem non posset hoc præceptum seruari, non deberetis vouere, & potius esset à Regula recedendum, quàm laqueus esset vouentibus, cum seruari non posset.

*Resp.* Multa putantur male, quam diu non intelliguntur, quæ intellecta rationalia & iusta videntur. Sic in ista quæstione apparet. Regula prohibet nec per nos, nec per interpositam personam recipere pecuniam, ut nostra sit, & nos Domini & possessores pecuniæ simus, quasi rei propriæ, sed concedit quod per amicos spirituales, qui pro Deo nos spiritualiter diligunt, id est, castè & iustè, procuremus necessaria: quæ tali modo utraque congruè observantur, quòd ea quæ sine pecunia non possunt procurari, aut per ipsos procurentur, qui fratribus dant eleëmofynam, aut per eorum nuncios, ut cum aliquis procurat fratribus librum scribi, vel vestem fieri, vel domum, vel aliud suis laboribus & expensis: aut si fratres ista procurant, illi soluunt pecuniam illis, qui fratribus commodauerunt. Unde ista sunt procuranda, ut cum fratres faciunt librum scribi, alius soluat expensas per se vel per nuncium suum. Aut si aliqui volunt da-

re

re fratribus eleēmosynam pecuniæ, possunt committere alicui, qui nomine suo eam seruet, pro utilitate tamen fratrum: ut vice eorum, qui sibi commiserunt pecuniam, procuret inde fratribus secundum quod voluerit, secundum quod à fratribus instruitur per se vel per alios, qui aptius ea promouent, quæ sibi fuerant commissa. Et per omnes istos non recipiunt pecuniam fratres; sed illi per se pro illis qui sibi comiserunt pecuniam, conuertunt eam in utilitatem fratrum, vicem illorum gerentes, in eo quod seruant & distribuunt ipsam pecuniam, quæ adhuc illorum est qui dederunt, etiam si nesciunt adhuc seruari: offerentes autem vicem fratrum in eo quod eorum utilitatem promouent de pecunia aliorum. Fratres enim, quàm diu pecunia non est redacta in rem aliam, quæ eis uti licet, non habent eam pro sua, sed illius qui deposuit eam; licet sciant, eam pro sua utilitate ibi repositam. Sicut enim dominus committit seruo suo pecuniam suam, ut mihi inde emat tunicam, interim est domini; sed emptæ tunica, mea erit. Secundum hanc viam & cautelam fratres, & per amicos spirituales, & quos-

libet procuratores & mediatores, procurant necessaria: nec recipiunt pecuniam per illos Procuratores, sed illi seruant illam nomine dantium & vice ipsorum vertunt eam in utilitatem fratrum, ut dominium pecuniæ non transeat in proprietatem fratrum. Unde Conditor Regulæ magis intendit fratribus præcludere viam avaritiæ in possessione pecuniæ per quam omnis Religio suffocatur; quam obstruere opportunitatem necessaria procurandi. Sedes etiam Apostolica (cujus acta toti Ecclesiæ dijudicanda exponuntur & veneranda) ipsam Regulam confirmando, non approbasset, si in ea aliquid incongruum & inobseruabile perspexisset. Ideo vouentibus eam non est laqueus perplexitatis, licet indigeant diligenti cautela, ne offendant contra eam, qui debent aliqua necessaria pro pecunia procurare: quæ tamen cautela magna est meriti, quamuis illi tutius ambulent, qui se subtrahunt talibus negotiis, qui ad ea ex officio non coguntur.



EPI-

## EPISTOLA BONAVENTURÆ

AD

MAGISTRUM INNOMINATUM.

**I**nnominato Magistro frater Bonaventura,  
spiritum intelligentiæ veritatis exoptat.

Proponis, charissime ut tibi tres articuli de Regula fratrum Minorum absoluantur: de quibus te ostendis pluribus rationibus dubitare: scilicet de paupertate, Labore manuum, & studio Scholarium & Magistrorum. Cum enim Regula dicat; quod fratres non recipiant pecuniam per se, vel per interpositam personam: & rursum, nec locum, nec aliquam rem sibi approprient: videntur tibi fratres in hoc Regulæ contraire, cum tibi videantur pecuniam per interpositam personam recipere, libros habere, & domos, cum non possint harum rerum, quas habent, dominos assignare. In Labore etiam manuum sibi injuncto, ut videtur, sub præcepto culpabiles tibi videntur, cum nec Laici laborent in operibus mechanicis, nec Clerici manu propria in libris scribendis, quin potius cum magnis sumptibus faciunt eos scribi, ac si apud se haberent numismatum

per-

percussores. Postremò in studio & magisterio fratres condemnas. Cùm Regula dicat, quod non curent nescientes literas, literas discere : fratres plerumque tam Clerici quàm Magistri, qui etiam in sæculò parum aut nihil de Philosophia audierint, student, recitant, scriptitant, imò, quod plus est, laniant, dissipant, & ædificant. Nec videtur tantæ humilitatis professoribus posse competere nomen Magistri, cùm hoc videatur Dominus in Evangelio Matth. cap. 23. suis discipulis inhibere, quorum nos dicimur imitatores, tanquam professores Evangelij Jesu Christi. Hæc ( ut asferis ) tibi in corde, de statu & salute fratrum, scrupulum generant, & tuam conscientiam inquietant. Super hæc addis assertionem quorundam, qui tibi nisi sunt hanc conscientiam de fratribus fabricare. Intende igitur in ea quæ dicturus sum : dabit enim tibi Dominus precibus gloriose Virginis, & beati Francisci, rectum in omnibus intellectum.

Supponis, quòd Regula paupertatem præcipit, comendat laborem, vetat curiositatem ; Suppono & ego. Detestaris ob hoc receptiones pecuniarum, proprietates  
libro-

librorum ac domorum : Vitupero & ego, imò nos omnes persequimur fortiter & culpamus. In hoc convenimus. Sed quod fratres tales credis ; aut, si non credis, dubitas, in hoc penitus dissentimus. Nec enim hoc credo, nec dubito, certum habens oppositum tanquam verum ; non quia nullus in Ordine talis sit qui non possit culpari in aliquo prædictorum, cum nec in duodecim Apostolis talis perfectio potuerit reperiri ; sed Communitatem status, de qua & tu injungis, defensandam assumpsi. Vide igitur quid sentire debeas de receptione pecuniæ. Testificor coram Deo, quoniam veritatem sum expressurus, secundum meam conscientiam, & in omnibus subjungam. Non credo te aliquatenus dubitare, quin pauperibus, quantumcumque extremam voverint paupertatem, liceat recipere eleëmofynam, nisi vellint se occidere : quod si nefas est, licet hoc fratribus, quod nullus sanæ mentis ignorat. Non est igitur contra eorum professionem, si quis diues homo hanc eis ministrat manu propria. Quod si noluerit, potest eis ministrare per manum serui sui. Quòd si ille servus non possit, sed com-

mit-

mittat alii : quare non liceat per manum tertiam , non videtur. Quare etiam usque ad decimam manum non potest , non video. Quod si diues habens pecuniam , dat victum aut vestitum fratribus necessarium , nonne potest ipse manu sua emere ; nonne potest ipse pecuniam pro emptione alii committere ? & sic per multas manus in usus fratrum exponere , pro releuandis eorum necessitatibus sine offensione fratrum ; Quis sanæ mentis hoc dubitat ? cum pecunia ita sit domini , cum committitur personæ intermediæ , ac si ipse dominus eam manu propria conseruaret. Nisi fortè quis ita desipiat ut dicat quòd pecunia in manu seruiantis posita , transeat in eius dominium , & desinat esse domini ; quod penitus absurdum est. Quod si dicas , quòd dominus simpliciter & absolute dare intendat fratribus ; dico & ego , quòd nullus sanæ mentis dare intendit fratribus , nisi prout competit Regulæ & professioni eorum. Quis enim daret eleëmofynam , ut eos faceret perdere vitam æternam ? Dat ergo eo modo quo fratribus expedit , scilicet committendo alicui , qui per se eam dispense in his rebus , quas fratribus licet

cet

cet accipere. Et sic pecunia illa per quorumcumque manus transeat, nullo modo spectat ad fratres; quia semper est primi domini. Et est per hoc manifestum, quod nec per se nec per interpositam personam eam recipiunt. Fateor coram Deo, ita esse verum in conscientiis fratrum. Quod si forte mihi non credis tamen ipsi Domino Papæ credere debes, qui in utroque Jure peritus, Ordinis & perfectionis æmulator, qui ( ut ipse testatur ) in conditione Regulæ beato Francisco astitit, & ejus plenum intellectum agnouit. Qui requisitus à fratribus, dicit, quod fratres, volentibus sibi eleëmofynas facere, possunt fidelem aliquem præsentare, qui taliter præsentatus, non est eorum nuncius, sed illius potius cuius mandato solutionem facit, seu recipientis eandem. Hæc sunt verba ipsius. Quis ita desipit, ut si dicam alicui: Iste fideliter exequetur vel custodiet quod ei committes; quod propter hoc, quidquid ille acceperit, fiat meum: cum etiam, licet hæc verba non semper exprimantur, semper tamen habentur in corde, & semper ab illis credimus sic accipi. Quis ergo tam improbus, ut impu-  
gna-



gnaret hanc veritatem, per tantorum virorum conscientiam sanam & discretam, per tantam rei evidentiam, & ut nihil defuit, per Sedem Apostolicam confirmatam? Certus sum quod talis portabit iudicium.

De libris & utensilibus quid sentias, audi: Clamat Regula expressè imponens fratribus officium prædicandi, quod non credo in aliqua alia Regula reperiri. Si igitur prædicare non debent fabulas, sed verba diuina, & hæc scire non possunt nisi legant; nec legere, nisi habeant scripta: planissimum est quod de perfectione sic est habere libros, sicut est prædicare. Et sicut non obstat Ordinis paupertati, habere Missalia ad cantandum Missas, & Breuiaria ad Horas dicendas: sic non obstat ad Biblia, ad verba diuina prædicanda. Licet igitur libros habere: Sed nunquid Regula sibi contraria est, quæ alibi mandat nihil habere? Absit hoc ut in ea sit contrarietas aliqua, sicut nec falsitas, cum tota de fonte Evangelij sit extracta: sicut mihi, qui parum novi, facile esset ostendere. Dico ergo quod fratribus horum concessus est usus, sed vetatur appropriatio. Nam non dicit Regula, fratres ni-  
hil

hñl habeant nec aliqua re utantur; quòd esset insanum: sed, quod nihil sibi approprient. Cui igitur horum proprietas assignabitur? Sic respondeo ego: quod, cujuscumque sit, non est mea, nec Ordinis, & hoc mihi sufficit ad meæ conscientiae puritatem. Ne tamen hominibus fugam parare videar, dico harum rerum mobilium Gubernatori & Protectori Ordinis Cardinali potestatem, & auctoritatem, & providentiam à Domino Papa esse concessam; Sicut enim Dominus Papa ait: Nec vendi debent mobilia, vel extra Ordinem commutari, quoquomodo, nisi Ecclesiæ Romanæ Cardinalis, qui fuerit Ordinis Gubernator, super hoc auctoritatem præbuerit & assensum. Sed dicis: Numquid qui Biblia dant fratribus, intendunt ea dare Papæ aut Cardinali; Dico & ego: Numquid pater qui dat Biblia filio, intendit labefacere Ordinem filij, & filium suum facere filium Diaboli? Credo te dicere quòd non. Dat igitur filio, intendens quòd Ordinis paupertas sit penitus illibata, ac per hoc ut Ordo utatur, proprietas autem sit ejus, cujus decreuerit Pastor Ordinis & Ecclesiæ. At non credis, quod si pater

I

non

non possit filio librum dare, nisi per manum alicujus de quo præsumeret quòd non esset filij sui prædator, sed pastor; nonne daret; utique daret ut filio commo- daret ad usum. Et in hoc melius prou- isum est Ordini, domino faciente. Nam si librorum proprietas remaneret apud pa- rentes, sic Ministri non possent auferre fra- tribus libros, & essent quasi perpetui ad vitam. Nunc autem Ordo nihil sibi ap- propriat in libris, dum Ministri libros nec vendere, nec alienare auctoritate propria possunt, nec fratres subditi possunt, dum frequenter resignant, & eis pro voluntate Ministrorum assignantur & auferuntur. Cer- tus sum, quòd hæc est conscientia fra- trum.

Ut autem nihil remaneat, audi de do- mibus: Dico domos non esse fratrum. Sed si de solo quæris; dico quòd dantium est & patronorum. Si de ædificiis; pari ratio- ne ædificantium, vel eorum quorum est solum: quia cedit solo unius, si unus ædi- ficat: vel plurium, si plures. Mentior etenim, si Dominus Papa dicit in Regu- lam, salvo locorum & domorum dominio illis ad quos noscitur pertinere: In loco  
in-

intelligens solum, in domibus ædificiis superaddita. Unde nec appropriamus nobis locum cum dicamus esse illorum qui dant impensas vel cedunt solo. Nec etiam usus appropriamus, nisi pro voluntate eorum qui fratribus concedunt prædicta. Certus sum enim quod hæc est conscientia fratrum. Non obstat, si aliquando vidisti contrarium, quod non credo; quia indiscretio non ad omnes debet, nec ad singulos retorqueri. Si dicis nos tanquam aduenas & peregrinos debere ire de domo in domum: parcat illi Deus, qui primò hanc stultitiam cogitauit. Nonne B. Franciscus ædificauit loca? Nunquid tanquam peregrinus ibat quotidie unam diætam? Nunquid B. Petrus, cum dicat in Canonica sua, Obsecro vos tanquam aduenas & peregrinos, Ep. 1. c. 2. voluit quod omnes transirent de domo in domum? Cum enim dicat Ecclesiasticus c. 29. Vita nequam hospitari de domo in domum: tam Petrus quàm Franciscus filiis & discipulis suis non sanctam vitam, sed nequam imposuissent, si secundum prædictum intellectum nos similes esse peregrinis mandarent. Sed hoc dictum intelligitur, ut non currat similitudo quatuor pe-

dibus : sed ut domos , in quibus habitamus , parum diligamus , nec proprias reputemus , sicut peregrinus qui transit in Patriam , domum non diligit in via tanquam propriam , sed utitur tanquam aliena. Qui aliter sapit , ipse sua insipientia manifestat , quod nihil omninò sapit. Quomodo ergo posset esse regimen & ordo Prælatorum , qui ita districtè manet in Ordine Beati Francisci , si omnes essent instabiles & vagabundi per Orbem ? Hoc verò sentit , qui nihil vidit de Ordine.

Veniam ad Laborem manuum , ubi taliter insistis , utrum sit consilium vel præceptum. Ego autem dico non intendere beatum Franciscum manualementem laborem , nec consulere , nec monere ; sed supposita admonitione Apostoli , Ephes. 4. fratribus nimis vel minùs sollicitis ad laborem , dat formam laborandi. Quidem enim sic intendebant labori manuali , ut necaretur in eis deuotio orationis. Quod quia periculosum erat , cum actiua debeat deseruire contemplatiuæ ; dedit eis formam sanctissimus Pater , ut sic laborent , qui laborare vellent , scirent , & possent , ut sanctæ orationis & deuotionis spiritum non extinguant.

quant. Hoc enim sequitur in textu Regulæ immediatè. Unde attende quod non dicit, Præcipio vel consulo fratribus quod laborent, sed quibus dedit Dominus gratiam, quod non solum includit potentiam, sed voluntatem laborandi. Sicut si diceret: Fratres quibus dedit Dominus gratiam lacrymandi, lacrymentur ita modestè, quod oculos non amittant; non præciperet lacrymari: sic nunc intelligit. Ipse autem de labore [manuum vim non faciebat, nisi propter otium declinandum: quia cum fuerit Regulæ Observator perfectissimus, non credo quòd unquam lucratus fuerit de labore manuum duodecim denarios, vel eorum valorem; sed fratres potissimè ad orationem monebat. Non enim volebat, quod illam extinguerent propter lucrum. Unde Provincialibus Ministris relinquitur, quòd non permittant fratres suos otiosos. Ego unà tecum, si qui tales sunt, judico arguendos, & verberibus puniendos tanquam seruos malos & pigros. Non tamen propter hoc tibi displiceat, quia satis ibi inuenies copiam laborandi, tam in studio veritatis, quam in exercitio humilitatis, pietatis, & cujuslibet

bet alterius virtutis : ut fratrum eleëmofynas quærere, coquinam facere, infirmis feruire, scutellas lauare, & in omnibus humilitatis exercitiis laborare : quæ dulciora fratribus sunt, quàm multa Officia dignitatis.

Sed quid dicemus de ascendentibus ad Cathedram cum Regula dicat, quod non curent nescientes literas, literas discere, &c. cum etiam Evangelium dicat, quod nolimus vocari magistri, Matth. 23. Dico ego quòd Regula non vetat studium literatis, sed illiteratis & laicis. Vult enim (juxta Apostolum. 1. Cor. 7.) quod unusquisque in ea vocatione, qua vocatus est permaneat, ut ad clericatum de laicatu nullus ascendat; nec vult quòd clerici fiant laici, studium recusando; alioquin ipse transgressor fuisset, qui cum paucas literas sciret, postmodum in literis profecit in Ordine; non solum orando, sed etiam legendo. Unde ut scias quantum ei placuerit studium sacræ Scripturæ, audiui ego à fratre, qui vidit, quòd cum Nouum Testamentum venisset ad manus ejus, & plures fratres non possent simul habere diuidebat per folia, & singulis communi-

ca-

cabat, ut omnes studerent, nec unus alterum impediret. Clericos etiam quos recipiebat ad Ordinem, in summa reuerentia habebat; & in morte mandauit fratribus, ut Doctores sacræ Scripturæ in summa reuerentia haberent, tanquam illos à quibus reciperent verba vitæ. Unde cùm nomen Doctoris veneraretur, intelligebat hoc Evangelium non vetuisse, alioquin Paulus Apostolus Euangelio contradiceret, qui se prima epistola ad Timotheum cap. 2. Magistrum gentium vocat, quòd maioris impudentiæ videtur, quàm si ab aliis vocaretur. Dico ergo, quòd secundum Evangelium, pompa hujus nominis condemnanda est, & nullatenus appetenda, sed officium assumendum. Quos enim magis decet Evangelium docere, quam qui Evangelium profitentur & seruant? Nam cum dicat Evangelium Matth. 5. Qui fecerit & docuerit, hic magnus vocabitur in Regno cælorum: quis sanæ mentis dicat ut Magister & Frater Alexander diues debuerit prædicare & docere, Beati pauperes spiritu, & pauper effectus debuerit reticere? Certè si fratres decet addiscere & ruminare tanquam munda animalia verba



diuina, & sibiipsis sufficiunt in docendo quis tam stultus est, ut dicat quod doctrinam quam eos decet facere, & docere, debeant à non facientibus mendicare? Condemno igitur tecum in Magisterio pompam; sed commendo officium. Damno fratrem Minorem pomposum & dico eum Magisterio penitus indignum, sed commendo studiosum: credens, quod nulli magis quam tali competat auctoritas docendi Evangelium Iesu Christi.

Restat igitur, ut de philosophantibus aliquid subjungamus. Audi charissime, sicut in cæteris, sic & in hoc pariter concordemus. Fateor displicent tibi curiositates: displicent & mihi, displicent & fratribus bonis, & displicent Deo & Angelis ejus. Nec defendo circa scripta puerilia musitantes, sed detestor eos pariter tecum. Unde & tibi & mihi consulo, ut habeamus zelum secundum scientiam, ne detestemur plus quàm oportet. Fortassis enim inter peccata minuta & venialia computandum est. Vix enim grana absque paleis colligi possunt, & verba diuina sine verbis humanis. Hæc autem omnia separantur per zelum compunctionis & fletum de-

deuotionis, quæ faciunt triticum veritatis à verborum paleis separari. Et fortasse videntur aliqui curiosi, qui magis sunt studiosi. Si quis enim studeret in dictis hæreticorum, ut eorum sententias declinando magis intelligeret veritatem; nec curiosus nec hæreticus, sed Catholicus esset. Cum verba Philosophorum aliquando plus valent ad intelligentiam veritatis, & errorum confutationes, non deuiat à puritate in his aliquando studens, maximè cum multæ sint conclusiones fidei, quæ sine his terminari non possunt. Unde si velimus nimis stricte judicare, fortasse ipsos Sanctos (quod impium est) iudicabimus curiosos. Nam nullus melius naturam temporis & materiæ describit, quàm Augustinus, inquirendo & disputando in lib. Confessionum. Nullus melius exitus formarum & propaginem rerum, quàm ipse super Genesim ad literam. Nullus melius quæstiones de anima & de Deo, quàm ipse in lib. de Trinitate. Nullus melius naturam creationis mundi, quàm ipse in libro de Ciuitate Dei. Et, ut breuiter dicam, pauca aut nulla ponunt Magistri in libris suis, quin illa reperiatis in libris Augustini.

Lege Augustinum de doct. Christ. lib. 2. cap. 11. 18. 26. 30. & aliquot aliis, ubi ostendit, quomodo non potest intelligi Sacra Scriptura sine aliarum scientiarum peritia. Ostendit etiam cap. 40. quòd sicut filij Israël asportauerunt vasa Ægypti; sic Doctores Theologiæ doctrinam philosophiæ. Unde multa quæ non didicimus per Philosophos, & de dictis Philosophiæ, discimus per Sanctos: ac per hoc non debet tibi esse mirum, si minus fundati intrantes, fiant in scientia in Ordine fundatiores.

Sed esto, quod ista sint repræhensibilia & purganda, non propter hoc retraharis, quia nullus ad hoc compellitur; sed is magis amatur, qui magis est talium aspernator: nec Prælati talia præcipiunt, sed permittunt: nec propter tres vel quatuor vitiosos, debet Magister contemnere innocentes. Et si aliqui abundant libris ad tempus, aliis plerisque multò plus indigentibus poterunt dispensari, cum multò plures egeant, quàm abundant. Nec te moueat quod fratres fuerunt in principio simplices & illiterati: immò magis debet hoc in te fidem Ordinis confirmare.

Fa-

Fateor coram Deo, quòd hoc est quod me fecit vitam beati, Francisci eligere, quòd non fuit per hominum prudentiam inuenta, sed per Christum: & quia opera Christi non deficiunt, ostenditur hoc opus fuisse divinum, dum ad consortium virorum simplicium, etiam sapientes non sunt dedignati descendere, attendentes illud Apostoli: Si quis inter vos sapiens, stultus fiat ut sit sapiens. (1. Cor. 3.)

Rogo charissime, ut non nimis abundes in sensu tuo, nec credas te prudentiorem, nec meliorem omnibus, quos Deus ad statum istum vocavit: & si vocaverit te non recuses. Vale in Domino.

## APPENDIX PRIMA.

### EPISTOLA MISSA A S. BERNARDINO SENENSI,

Ad omnes subditos sibi commissos dum  
esset VICARIUS GENERALIS  
Ultramontanus.

**I**n Christo sibi charissimis fratribus omnibus locorum deuotorum Ordinis Minorum totius Italiæ sub mea cura commissis,

sis, Frater Bernardin. de Senis, ejusdem Ordinis, ac dictorum locorum Reverendissimi Patris Ministri Generalis Vicarius & Commissarius, salutem & pacem in Domino sempiternam.

**V**olens mihi commissorum saluti, quoad speculationem veritatis, & in omnibus juxta possibilitatem providere, notum sit quatenus per Fratrem Nicolaum de Ausino, ejusdem Ordinis, ac etiam Vicarium locorum deuotorum Prouiuciæ S. Angeli & nunc & tunc eorundem locorum Commissarium præfati Reverendissimi Patris Generalis de mandato ejusdem, ac de voluntate Domini nostri Papæ, ut patet per litteras Reverendissimi Patris Generalis, factæ fuerunt Declarationes quædam multa disputatione, & examinatione, & ponderositate examinatæ & approbatæ per Reverendissimum Patrem Generalem Ministrum, per Venerandum Patrem Fratrem Joannem Capistranum, & alios multos ac etiam per me, quæ sunt hujusmodi, videlicet,

**I**n primis, quòd fratres Minores ex sua Professione non tenentur ad Consilia  
feu

seu Præcepta Evangelica, ultra alios Christianos, præterquam ad illa quæ in illa Regula ponuntur, præcipiendo vel inhibendo, vel sub æquipollentibus verbis, nominatim à Clemen. V. in sua Declaratione expressis, ut patet in primo articulo dicte Declarationis Clementis, & Declaratione Nicolai III. & Martini V. Et propterea fratres non tenentur ad illud Evangelicum: Nil tuleritis in via, (Luc. 9.)

**S**ecundò, Quòd fratres ex sua Professione non tenentur ad alium arctum usum rerum, quàm in Regula particulariter exprimitur, & eo modo quo exprimitur, ut vilibus indui, & certum numerum tunicarum habere, ut etiam calceamentis non uti sine necessitate, &c. Ut satis patet per Clementem in sua declarat. §. ex præmissis. Quinimo, ut claret ex Declaratione Nicolai III. §. porro Secundum Regulam & omnimodam veritatem, Moderatus usus rerum ad eorum sustentationem, & Officiorum sui status executionem ( præterquam de pecunia ) concessus est fratribus.

**T**ertiò, superfluitates seu Curiositates non debent discerni respectu necessitatis arctæ,

Etæ, seu usus arcti, quo ad statum fratrum Minorum sed moderati: cum usus moderatus non possit dici superfluous vel curiosus, & per consequens nec vitiosus; imò secundum Regulam & omnem veritatem omninò licitus, ut patet ex præ allegato dicto Nicolai III. Et quia moderatio usus attendi debet secundum qualitatem personarum, & varietatem temporum, & locorum conditiones, & alias occurrentes circumstantias: Superfluitas vel curiositas non potest faciliter discerni. Propterea per subditos non potest nec debet judicari: sed per Ministros & Custodes, vel eos quibus ab ipsis committitur, qui de talibus secundum eorum conscientias debent discretè judicare & disponere; ut patet in Declaratione Nicolai III. §. Insuper & §. Quamquam.

Quartò, Quod si in locis fratrum sit magna superfluitas vel Curiositas, ex eis non vitiantur fratres nisi solum consentientes vel inducentes, vel si ad eorum officium pertinet ut possint vel quicumque alij, si commodè possint, legitimè non resistentes, & non alij qui dictis rebus, utuntur

tur ob aliquam necessitatem, vel scandali euitationem. Et propterea Clemens V. licet decreuerit ædificia nimis sumptuosa non conuenire statui fratrum Minorum, tamen præcepit sub pœna Excommunicationis; quod dicta loca fratres non relinquerent absque Sedis Apostolicæ licentia speciali. Et excedentia superfluitatis & curiositatis non est sufficiens causa; propter quam fratres debeant recedere à loco nisi fuerit de illis aliquid propter quod Regula non possit spiritualiter obseruari, secundum Declarationem Martini V. videlicet quando loco est annexa proprietas, seu cura animarum, baptizando, seu alia parochialia agendo: vel si morentur fratres in loco contra voluntatem domini loci: vel quando propter penuriam rerum necessariarum oportet facere congregationes, & quæstus inhonestos, contra puritatem Regulæ, & usum generalem, Ordinis: vel propter inhonestam societatem, seu importabilem fratribus, præsertim rudibus & infirmis: vel propter similia. Quid sit simile, cum sit indeterminatum, relinquitur iudicio Prælatorum. Ext. de offic. & potestate Judic. delegati, cap. de causis §. illis.

Quintò,



**Q**uintò, Quod in Regula usus carniurn in loco, vel alibi, fratribus non prohibetur, sed non liceat, nisi moderatus & discretus.

**S**extò, Quod in Calicibus & patenis argenteis, dum non nimiae & excessivae magnitudinis & preciositatis sint, non repugnat Regulæ, imò satis conuenit, quod possint haberi ad euitandam immunditiam, & alia pericula circa sanctissimam Eucharistiam.

**S**eptimò, Quod in omnibus dubiis quæ non possint indubitanter declarari, subditi tenentur stare iudicio Prælatorum suorum, & obedire. 23. q. 1. c. *Quid culpatur*. Et propterea agentes contrarium, sunt transgressores Obedientiæ, & dignè à Superioribus censura Ecclesiastica, aut alia decenti pæna castigantur.

Has ergo Declarationes Reverendiss. Pater Minister Generalis confirmavit in huncmodum.

*Supradictas declarationes & determinationes, per Præfatum Vicarium & Commissarium meum fratrem Nicolaum de Ausino factas & de-*

*definitas, tanquam veras & Catholicas, ac Declarationibus summorum Pontificum conformes, nostrisque sacris Institutis consentaneas, approbo, & de multorum Venerabilium Patrum consilio confirmo.*

**E**t ego frater Bernardinus omnes præfatas Declarationes & Determinationes, per prædictum Vicarium & Commissarium fratrem Nicolaum de Ausino factas tanquam veras & Catholicas, & summorum Pontificum Declarationibus conformes, nostrisque Ordinis Institutis consentaneas approbo, & confirmo, mandans quibuscumque fratribus sub mea cura commissis, ut his quieti esse debeant, nec aliud innouare præsumant, sub pœna excommunicationis latæ sententiæ, atque sub pœna carceris, quam sententiam, præmissa trina admonitione Canonica, omnes supradicti transgressores incurrant ipso facto.

Item mando omnibus Prælati mihi commissis, ut præfatas Declarationes eorum subditis integraliter & sæpe per sanctam Obedientiam publicare debeant, ne periculosam incurrant ignorantiam.

Valete in Christo Iesu, & orate pro me.

K

*Apu d*

*Apud S. Damianum de Assisio, Anno ab Incarnatione Domini 1440. die Julij ultima.*

Subscriptio Cardinalis, Commissarii summi Pontificis Eugenij quarti, qui ex Commissione ejusdem D. Papæ prædictas Declarationes examinavit.

**E**GO JULIANUS, tituli sanctæ Sabinae Presbyter sanctæ Romanæ Ecclesiæ Cardinalis sancti Angeli vulgariter nuncupatus: vidi, discussi, & examinavi prædictas Declarationes, & ipsas secundum veritatem, & juridicè ac rationabiliter factas esse existimo: eisque tanquam veris, juridicis, & rationabilibus, fratres cunctos Ordinis Minorum obedire & acquiescere debere. Et ubi dicitur superius de Calicibus & patenis argenteis: idem puto in superficialiter deauratis; cum non sit propterea nimia pretiositas, aut superfluitas, seu curiositas.

Ad fidem horum, propria manu, tanquam Juris utriusque Doctor, subscripsi, & proprio annulo sigillaui, Florentiæ die XXVII. Septembris. Anno M. CCCC. XL.

**A**ddunt Sixtus quartus & Leo decimus, etiam paramentis aureis & argenteis quomodocumque jam procuratis, absque pro-

professionis suæ macula licitè fratres uti posse: modò deinceps excessiua non acquirant.

Ex tractatu ejusdem S. Bernardini, cui titulus: Qui habendi Proprietarij.

**V**iolant Votum & proprietarij sunt. 1. Qui rem quacumque, aut à quocumque donatam, Prælato in fraudem celant; vel cum præcipit ut reddatur, vel alteri concedatur aut detur, non statim reddunt.

2. Qui usum rerum Communitatis in proprium usum commutant, aut aliis dant, sine licentia Prælatorum.

3. Qui abscondunt clauem ne Prælatus quicquam tollat, aut aliud disponat: Et si quid tollitur, turbantur & murmurant.

4. Qui deliberatè eo sunt animo, ut si quid tolleretur aut repeteretur, non statim acquiescerent.

5. Item peccant in votum, Qui Missam celebrant pecunia, quando fratres tunc pro tempore præsentis, vel de proximo imminenti non habent necesse recurrere ad amicum spirituales, ut aliquid solvatur aut ematur. (*Ubi poterunt fratres ex laboritio corporali vel spirituali necessaria corporis ha-*

*bere, ab importuna mendicatione debent abstinere, quia secundum Regulam primum ex labore; deinde ex mendicatione, quando non daretur pretium laboris; demum ex liberè oblati propter Deum, vivere monemur. Constitut. Jul. 2. cap. 6. part. 18. Sustentari etiam licitè poterunt fratres his quæ pro Missis conferuntur tanquam ex eleemosynis, aut liberè oblati. Jul. 2. cap. 6. part. 19.*

6. Qui eleëmofynam pro necessitate depositam aut datam nolunt expendere, sed per modum providentiæ in futurum, aut thesaurizationis, reseruant: quærentes interim alia.

7. Qui rem habitam reseruant superflue, aut reponunt, nolentes uti, ne destruatur, & ut in futuro sibi non deficiat.

8. Qui pecuniam à dantibus in dando specialiter ad certos usus deputatam, commutari faciunt in alios usus, sua auctoritate, contra expressam voluntatem donantium. (*Præsumpta tamen voluntate & beneplacito talium donantium, & eis non contradicentibus, ac piè & non in fraudem, à nunciis dantium, vel Procuratoribus Papæ, id fieri posse declaramus. Const. Jul. 2. cap. 4. part. 1. )*

9. Qui

9. Qui ea quæ ab obsequium mortuorum dantur, vel similia, vendunt, aut in aliud commutant suo nomine & auctoritate, præter voluntatem & auctoritatem Procuratorum Papæ aut dantium. ( *Per Procuratorem tamen Papæ, nomine Sedis Apostolicæ aut dantium, licitè, purè, & sine ulla dispensatione, etiam secundum Declarationes summorum Pontificum, vendi, & in res fratribus licitas commutari possunt. Constitut. Jul. 2. c. 4. part. 2. & 7. & cap. 6. part. 24. )*

*Deut. 23.*

Si votum voueris, non tardabis reddere, quia requirit illud Dominus. Et si moratus fueris, reputabitur tibi in peccatum.

*S. Hieron. Epist. ad Rust. Mon..*

Durum, grande, difficile : sed magna sunt præmia.



# APPENDIX ALTERA.

## EXTRACTUS DECRETI SACRI

### CONCILII CONSTANTIENSIS,

Quo primum Fratres strictioris Observantiae à Fratribus Conventualibus seperati fuerunt.

**S**acrosancta & generalis Synodus Constantiensis Dilectis Ecclesiae filiis Generali cæterisque Ordinis Minorum professoribus salutem & DEI omnipotentis benedictionem. Supplicationibus personarum quæ voto Religionis sunt astrictæ, illis præsertim annuimus, quas ad finem tendere conspicimus, per quem personæ ipsæ sub placida juxta suam professionem tranquillitate quiescant, ac sedulum in humilitatis spiritu reddere Domino valeant famulatum. Nuper siquidem supplicatio pro partè religiosorum virorum, Guardianorum, & fratrum vestri Ordinis conuentuum &c. infra Prouincias Franciæ, Burgundiæ, & Turoniæ existentium nobis humiliter præsentata continebat quod diuina cooperante Clementia temporibus his nouissimis regularis Observantia vestri jam dicti Ordinis

nis in præfatis conuentibus inceperat jam  
vigere; sed variis obstantibus impedimen-  
tis per Ministros, & Custodes illarum Pro-  
uinciarum eis præstitis in ipsa stricta Ob-  
seruantia non mediocriter impediiebantur;  
quorum impediementorum occasione scan-  
dala multa pullulabant humilliter deuote  
supplicantes, quatenus eis de remedio op-  
portunum providere dignaremur. Nos igitur  
eorum supplicationi tamquam justæ be-  
nignè annuentes, cupientes scandala quæ-  
que de medio vestri Ordinis tollere atque  
in ea unitate conseruata fratres in pacis  
dulcedine confouere: statuimus & decer-  
nimus, eisdem supplicationibus esse pro-  
uidendum, & de facto tenore præsentium eis  
prouidemus &c. videlicet quod fratres præ-  
dictorum Conuentuum de cætero & quo-  
usque aliud super hæc per sacrum genera-  
le Concilium fuerit ordinatum, possint &  
valeant quilibet in sua Prouincia eligere de  
prædicta sua stricta obseruantia unum fra-  
trem idoneum, quem in scriptis mini-  
stro illius prouinciæ præsentatum, ipsum  
dictus Minister Prouincialis infra triduum  
post huiusmodi præsentationem suam vi-  
carium constituiere debeat ad ipsos regen-  
dos



dos in solido loco & vice ejus & eis prouidendum in omnibus quibuscumque & ipsis modis quibus ipse prouincialis prouidere possit; ita quod de ipsorum fratrum regimine in nullo possint se intromittere dicti Prouinciales vel Custodes. Sed ad ipsos vicarios cura & correctio eorum omnino pertineat. &c. Insuper possit & debeat Generalis Vicarius Conuentus sibi subiectos ad statum dictæ strictæ obseruantiae consonum juxta declarationes & statuta Sedis apostolicæ & Ordinis reducere, tollendo quasque superfluitates auctoritate hujus sacri Concilij siue sint in rebus mobilibus vel immobilibus; quantum fieri poterit bono modo, habito semper consilio majorum & discretorum sibi obedientium, eligendo si opus est aliquos fideles qui ipsas superfluitates auctoritate hujus sacri Concilij vendant, commutent, aut alias piis operibus conuertant. &c. Statuimus ulterius ne deinceps fratres hujusmodi strictæ Obseruantie fiant Capellani vel maneant continuè in domibus sæcularium causa confessionis audiendæ vel alias. &c. Datum & actum Constantiæ in Ecclesia Cathedra-

drali in sessione nostra publica, nono Ca-  
lendas Octobris Anno à Natiuitate Do-  
mini millesimo, quadringentesimo  
quinto decimo, Apostolica  
Sede vacante.



# PARS TERTIA.

## EXHIBENS

**Utileſſima quæpiam documenta :**  
 Compendium cumprimis Commentarii Pa-  
 tris Petri Marchant in Regulam Fratrum  
 Minorum, Extractum dein Summarium  
 ex Declarationibus ſummorum Pontificum  
 NICOLAI III. ET CLEMENTIS V. ac de-  
 niqûe pro ipſa praxi, Schema quodpiam  
 devotionarium pietatis Religioſæ,  
 res meras Fratri Minori  
 apprime utiles.

## COMPENDIUM MARCHANTI.

Titulus Primus Proœmialis de Nomine,  
 & Regula Fratrum Minorum.

## Q U Æ S T I O I.

**Q**ui dicendi ſint veri Fratres Minores?  
*Reſponſio :* Fratres Minores illi ſoli  
 ſimpliciter dicendi ſunt, qui Regulam Fra-  
 trum Minorum in ſua puritate voverunt,  
 & obſervant. Hinc, cum Fratres Conven-  
 tuales ( qui in his partibus accito voca-  
 bulo *Minoritæ* vocantur ) non ſimpliciter  
 Regulam Fratrum Minorum, ſed ut pri-  
 vile-

vilegiis relaxatam, ac in multis dispensatam voveant, & observent, est, quod etiam simpliciter, & sine adjecto Fratres Minores dici haud possint; benè verò Observantini, Recollecti, Discalceati, ac Capucini etiam, quia Regulam S. Francisci, prout Franciscani ad Literam profitentur, *quamvis tempore S. Francisci minimè instituti fuerint*, ut fassus est Paulus V. de solo proinde nomine, ac modalibus dumtaxat discriminibus, vanæ, ac contemnendæ sunt altercationes, cum certum sit, quod LEO X. in Bulla, quæ incipit: *Ite, & vos &c.* & in Bulla *Licet &c.* Nomen Fratrum Minorum simpliciter attribuerit *Observantibus*, neque rationabiliter perfectior compellatio desiderari queat, quam sit: *Regularis Observantiæ*.

## QUÆSTIO II.

**A**d quam Regulam Fratres Minores teneantur? *Responsio*: Ad Regulam duodecim capitulis præcisè comprehensam, & à Domino Papa HONORIO III. Annò 1223. confirmatam. Hanc enim solam. Regulam Fratres Primi Ordinis à S. Francisco instituti, & voverunt semper, & hodie  
ad-

adhuc constanter vident, hæc unica in usum, & vigorem est in Ecclesia deducta ex Pontificum decretis, & hæc communiter vocatur *Prima Regula*. Ut adeo constet, quàm insipienter, & ex principiorum ignorantia loquantur, qui aliquos Fratres Minores primæ Regulæ, alios secundæ Regulæ nuncupant; secunda namque Regula data fuit S. Claræ, seu secundo ordini. Sicut tertia Regula tertii Ordinis est, seu Fratrum, & Sororum de pœnitentia.

### Q U Æ S T I O III.

**Q**uanta sit perfectio, hujus Fratrum Minorum Regulæ? *Responsio*: Cuilibet Religioni sua sit perfectio, suusque honor; quò tamen haud obstante, simplici veritatis affectu tenendum: Regulam Fratrum Minorum perfectissimam esse. *Primò* ab excellentia Auctoris, utpote à Christo Domino dictata Sancto Patri Francisco. *Secundò*, quia in sese continet totam Medullam Evangelii, & Evangelicæ, ac Apostolicæ perfectionis: nec non *tertio*: quia in summo gradu vota essentialia Religionis complectitur, *Paupertatem* videlicet *altissi-*

*tiſſimam. Obedientiam latiſſimam, profundiſſimamque, & Caſtitatem fulgentiſſimam.*

#### QUÆSTIO IV.

**Q**uæ ſint hujus Regulæ Obligationes? *Reſponſio*: Præter tria vota eſſentialia, ſunt viginti quinque obligatoria Regulæ ad peccatum mortale, nimirum: *Septem præcepta formalia. Duo inhibitoria. Quatuor habentia vim præcepti, & duodecim æquipollentia præceptis.* Noſcunturque & ex vi verbi, quod præceptum, & obligationem ſonat, ut cum verbum *Teneantur* appoſitum eſt, & ex vi materiæ, utpote quod votorum principalium, vel præceptorum formalium Obſervantiam contingat, ac ex utroque ſimul juncto, ubi ſcilicet, & materia gravior eſt, & verbum obligationem ſonans.

#### QUÆSTIO V.

**A**n ignorantia obligationum Regulæ poſt votum excuſare poſſit? *Reſponſio*: Nullus Frater excuſatur ab obligationibus Regulæ ob quancumque ignorantiam obligationum ejus, ſeu craſſa, & ſupina ſit, aut ſimpliciter tantum affectata, ſed vincibi-

cibilis tamen, seu denique etiam quacunque probabilitate invincibilis; cum quisque jam ex eo, quod vovere voluerit Regulam, & statum Fratrum Minorum, convincatur voluisse vovere obligationes statûs, & Regulæ, esto sibi tunc in speciali fors nondum cognita, sicque in hoc puncto impossibilis evadat allegatio, veræ *invincibilis ignorantia*. Libri proinde sunt de statu suo legendi; cum ignorantia statûs sit turpissima.

### QUÆSTIO VI.

**A**n aliæ obligationes præter contentas in Regula eodem modo cogant? *Responsio*: Non cogunt sub mortali peccato: unde nec ad testamentum S. Francisci, necque ad Declarationes summorum Pontificum Fratres obligantur, nisi in iis, quæ cum Regulæ obligationibus communia habent, quapropter prout Testamentum Regulæ declaratio est ab ipso Sancto fundatore facta, ita tenendum est, non verò tamquam alia Regula.

QUÆ-

## QUÆSTIO VII.

**A**n sit aliquod privilegium Pontificium in vigore, quod aliquod Regulæ præceptum relaxet, aut dispenset? *Responsio*: Fuerunt olim plurima, quamvis nunquam à toto Ordinis corpore seu petita, seu recepta; Novissimè verò omnia prorsus ejusmodi privilegia & dispensationes revocavit **URBANUS VIII.** Annô Domini 1625. tertiô Pontificatûs sui Annô; ut adeo, jam omnes verî Fratres Minores Regulam in puritate sua juxta Declarationes **NICOLAI III.** & **CLEMENTIS V.** indispensabiliter servare teneantur, nisi spe salutis excidere malint.

## QUÆSTIO VIII.

**A**n Regula ab aliquibus strictius, & ab aliquibus minus strictè observari possit? *Responsio*: Intra eandem observantiam essentialem Regulæ, alii possunt Regulam observare strictius, & alii minus strictè, ita ut utrique observatores sint, & neutri transgressores: Nam sicut observantia mandatorum Dei, & Sanctissimarum virtutum praxis non consistit in indivisibili, sed suos gradus habere dignoscitur, ita quoque execu-



cutio votorum & Regulæ cujuslibet Observantia suam latitudinem habet. Quapropter à judiciis temerariis cavendum, cum modus observantiæ unius, non possit perinde omnibus aptari.

## T I T U L U S

Secundus Proœmialis de Expositione  
Regulæ S. FRANCISCI

### QUÆSTIO I

**A**n possint fieri expositiones in Regulam? *Responsio*: Non possunt per modum Glossæ, & strictè sumpti commenti; possunt tamen legitime tales expositiones fieri, per quas simpliciter verborum Regulæ sensus, & pura fundatoris Regulæ intentio declaretur. Christus enim primarius Regulæ dictator è nube Ministris loquens, voluit hanc Regulam observari, *ad Litteram, ad Litteram, ad Litteram; sine Glossa, sine Glossa, sine Glossa*. Quod si tamen quispiam Glossam mitteret in Regulam, neutiquam propterea lethalem culpam incurreret, cum prohibitio Glossæ duntaxat ex Testamento sit, ad Testamentum verò Fratres sub lethali culpa haud obligen-

gentur ; vereri tamen oportet Christum  
commonentem.

## QUÆSTIO II.

**Q**uæ censenda sit vera Expositio ad Litte-  
ram ? *Responsio* : Illa , quæ ita ver-  
borum , & dictionum significationem at-  
tendit , ut à Legislatoris , & Regulæ da-  
toris intentione non recedat , sed potissi-  
mum eam includat. *Anima enim Legis , est  
intentio Legislatoris.*

## QUÆSTIO III.

**Q**uotuplex sit sensus Litteralis Regulæ  
Fratrum Minorum ? *Responsio.* Tri-  
plex : *Quidditativus* , qui indicat signifi-  
cationem secundum intentionem Auctoris.  
*Qualificativus* , qui innuit , qualiter , seu  
quibus modis intentio Auctoris observari  
debeat , & *Quantitativus* , qui docet quanti-  
tatem obligationis.

## QUÆSTIO IV.

**Q**uis Regulam Fratrum Minorum expo-  
nere possit ? *Responsio* : Duo tantum  
expositione convincente , & in conscientia  
obligante possunt eam exponere , S. Fran-  
cisc-

ciscus nempe, ceu Fundator, & Dominus Papa, five Concilium, tamquam Approbator. Omnes proinde cæterorum expositiones, duntaxat sub opinionem cadunt, cui assentiri nemo tenetur. Ministrorum nihilominus Generalium in dubiis decisiones, quamvis *ratione Interpretationis* non obligent, obligant tamen potissimum in vi præcepti, seu statuti: quamquam & *Interpretationes* ipsorum revereri conveniat; quia piè præsumendum est, in tanto superiorum cœtu, peculiarem adesse Spiritûs Sancti assistentiam, & Beati Fundatoris.

## IN CAPUT PRIMUM REGULÆ.

## QUÆSTIO I.

**A**n ad omnia in Evangelio contenta ex vi voti teneantur Fratres Minores? *Responsio*: Non tenentur ad omnia sub peccato, sed tantum ad ea, quæ in Regula sub verbis obligatoriis ponuntur.

## QUÆSTIO II.

**A**n speciali voto Fratres obligentur obedire summo Pontifici? *Responsio*: Fratres Minores super communem obedientiam, quâ Christiani omnes, cunctique  
alii

alii Religiosi stringuntur ; tenentur speciali voto obedire canonicè electo summo Pontifici, aut sede vacante, Ecclesiæ Romanæ.

### QUÆSTIO III.

**Q**uis Sancti Patris Francisci Successor sit dicendus ? *Responsio* : Verus Sancti Francisci in officio Generalatûs successor, simpliciter solus, & unicus est Generalis Minister, qui Fratres Minores Regularis Observantiæ cum omnibus suis Congregationibus Reformatis gubernat. Hic quippe solus à Sanctissimo Patre nostro Francisco per rectam lineam descendit, & titulum Ministri Generalis TOTIUS ORDINIS, nec non sigillum ejus antiquum, seu Originarium legitimè usurpat. Series porrò successionis Ministrorum Generalium, in ipso expositore, qui compendiatur, videri poterit.

### QUÆSTIO IV.

**Q**uâ ratione continua, seu non interrupta successio Ministrorum Generalium deducatur ? *Responsio* : Esto à Concilio Constantiensi An. 1415. Fratres de Familia, qui & nunc de Observantia sunt Re-

gulari, ob diversas Reformationes, per Vicarios Generales gubernati fuerint, usque ad annum 1517. quô eorum Vicarius Fr. Christophorus de Forlivio electus est Generalis Totius Ordinis sub Leone X. id tamen nullam interruptionem arguit, cum ejusmodi Vicarii Generales, ipsis Ministris Generalibus constanter subsuerint, ab illis & petentes confirmationem, & auctoritatem, jurisdictionemque participantes, eò planè modo, quo nunc auctoritas est Commissariorum Generalium Familiæ, quæ nullam prorsus divisionem à capite dicit, etsi in subditos & ordinaria, & plena sit.

### QUÆSTIO V.

**A**n à Generali Ministro Totius Ordinis, cunctæ Congregationes Ordinis adhucdum debeant? *Responsio*: Omnes præter Conventuales, & Capucinos. Hi enim quemadmodum separata Corpora in Ordine S. Francisci concessione Apostolica constituunt, ita diversa sortiuntur capita. Et Patrum quidem Capucinorum caput Vicarii Generalis, Conventualium verò Magistri Generalis titulô comprehenditur.

CA-

## CAPUT SECUNDUM.

De conditione, ac admissione Novitiorum.

## QUÆSTIO I.

**U**trum omnes petentes ad ordinem admitti debeant, ac mitti ad Ministros?

*Responsio* : Sicut Fratres nec possunt, nec debent impedire idoneas personas, ita non tenentur ad Ministros mittere, de quarum inhabilitate, & evidenti impedimento certò constaret : ubi enim cessat ratio finis, cessat & ratio operandi propter finem.

## QUÆSTIO II.

**A**n soli Ministri Provinciales possint recipere venientes ad ordinem?

*Responsio* : Ex vi Regulæ ordinaria potestas recipiendi fratres est penes solos Ministros Provinciales, quam tamen aliis delegare possunt, nisi consuetudine loci, aut statutis in contrarium facientibus, prohibeantur, per quod tamen non excluduntur Ministri Generales, qui eminenter totam potestatem Provincialium continent.

## QUÆSTIO III.

**A**n Ministri teneantur omnes de fide Catholica examinare? *Responsio* : Non tenentur nisi aliquod subsit dubium, co

quod patria, aut genus venientis esset aliqua labe infectum.

### QUÆSTIO IV.

**Q**uæ sint conditiones requisitæ ex parte Regulæ ad ingressum Religionis? *Responsio*: Tres sequentes: *Prima*, ut qui petit hanc vitam, sit fidelis, & Catholicus. *Secunda*, ut qui ingreditur uxorem non habeat, vel si habet, obtineat autoritate Diæcesani Episcopi, licentiam ab uxore Religionem prius ingrediente, vel perpetuæ continentiæ votum emittente: ita tamen, ut uxor sit talis ætatis, ne de ea ori possit suspicio. *Tertia* denique ut omnibus, temporalibus bonis renunciaret, dando ea pauperibus, si possit, vel ad hoc promptam saltem voluntatem habendo, si non possit.

### QUÆSTIO V.

**A**n ejusmodi licentia uxoris indispensabiliter requiratur? *Responsio*: Omnino indispensabiliter: unde licet casus interveniat dirimens matrimonii vinculum juxta jus Commune; tamen ex parte Regulæ necessarius est consensus uxoris, ut maritus in ordinem cooptari valeat.

QUÆ-

## QUÆSTIO VI.

**A**n uxor sic consentiens necessario teneatur intrare Religionem, aut Continentiæ votum emittere? *Responsio*: Tenetur alterutrum necessario: Nam secus maritus non esset securus de statu suo; nisi enim mulier consensum marito imperitum, voto, aut juramentò firmet, liberum sibi relinquitur ex causis legitimis dictum consensum revocare, & vir teneretur ad ipsam redire.

## QUÆSTIO VII.

**Q**uæ ætas requiritur in uxoribus: *Responsio*: Talis ætas ex S. Bonaventura non annorum numero, sed morum gravitate æstimanda est, cum talis duntaxat ætas requiratur, quæ ex stabilitate virtutis, suspicionem incontinentiæ enervet.

## QUÆSTIO VIII.

**Q**uid si ubi uxor vovit continentiam, vir in Novitiatu non perseveret? *Responsio*: In tali casu cessaret obligatio voti, quia præsumeretur per uxorem conditionaliter nuncupatum.



## QUÆSTIO IX.

**Q**uomodo Novitio abdicanda sint bona temporalia? *Responsio*: His tribus observatis. *Primò*: Ut Novitius omnibus prorsus bonis temporalibus renunciet, nihil omnino sibi, suæve dispositioni retinendo, tam directè, quam indirectè. *Secundò*, ut dicta renunciatio, quantum commode, & rationabiliter fieri potest, fiat per venditionem bonorum, ac eorundem in pauperes liberalem largitionem, nec non *tertiò*: ut hæc obligatio eis à superioribus intimetur, per verbum Sancti Evangelij, quod *vadant, & vendant omnia sua &c.*

## QUÆSTIO X.

**Q**ua ratione nondum Professos præceptum istud liget? *Responsio*: Non simpliciter, & absolutè, sed cum conditione, si nimirum professionem in Ordine emittere constituent.

## QUÆSTIO XI.

**Q**uando istiusmodi renunciatio fieri debeat? *Responsio*: Nulla potest fieri renunciatio bonorum etiam in favorem cujuscumque piæ causæ à Novitio, nisi post habitus probationis susceptionem, & nisi  
in-

infra duos menses immediatè professionem antecedentes, quæ nihilominus sic facta, nullam vim habet, nisi professione secuta.

### QUÆSTIO XII.

**A**n cuilibet venienti ad ordinem dicendum sit verbum istud S. Evangelii ? *Responsio* : iis solum, qui liberè possunt vendere bona sua, & dare pauperibus. Tunc verò Novitius censetur non posse bona sua dare pauperibus, quando rationabilis causa in contrarium suppetit : utpote si vel loci distantia obftet, & lites, odia, & scandala inter propinquos ex ejusmodi distributione oriunda præviderentur. Ægestas insuper parentum, & statûs eorundem conservatio permovere Novitium possunt, ut juxta mensuram necessitatis subsidium parentibus ferat : modò tamen solo carnali affectu erga parentes non feratur, nec ultra conditionem eorum.

### QUÆSTIO XIII.

**Q**ui abusus in hoc puncto potissimùm sint possibiles ? *Responsio* : Licet pluri sint possibiles, potissimùm tamen isti : si sub titulo studiorum, pensiones nonnullas sibi Novitii reservare velint, post professionem.

fessionem eisdem ufuri. Si parentibus, & propinquis relinquunt sua veluti sub onere, quod de illis postea subministrabunt sibi sive ad usus necessarios, sive ad recreationes : Denique si ad hæredes suos per viam mendicationis recurrentes qualecumque jus prætendant.

#### QUÆSTIO XIV.

**Q**uæ sollicitudo prohibeatur Fratribus, & eorum Ministris, circa res temporales Novitorum? *Responsio* : Omnis prorsus sollicitudo, omnis inductio, postulatio omnis, omnis denique actio præjudicans quoquo modo, aut præjudicare potens, sive directè, sive indirectè libertati Novitii, quantum ad dispositionem bonorum suorum.

#### QUÆSTIO XV.

**A**n tamen liceat liberè oblata à Novitio recipere? *Responsio* : Licet, sed cum summo moderamine. Imò determinato ex proprio motu Novitio ad subveniendum Conventûs necessitatibus, licitum est unam præ aliis suadere : cum per hoc libertati Novitii nihil præjudicetur : Similiter determinato Novitio ad distribuendum bona sua

sua pauperibus, cæterum verò adhuc indifferenti in quos elargiatur, possunt Fratres ex Charitate offerre, ac commendare quosdam verè, aut magis pauperes.

### QUÆSTIO XVI.

**Q**uæ observanda si consulens Novitius, mittatur ad aliquos Deum timentes?

*Responsio* : Tria hæc potissimum : *Primò* ut persona ad quam mittitur, sit alterius statûs, & non Fratrer Ordinis. *Secundò*, ut sis vir timens Deum, qui nulla cupiditate inclinatus, secundum Deum consulat : ac *Tertiò*, ut non sit Fratrum consanguineus, vel Syndicus, vel similis conditionis; quia tales ex affectu, rem Fratrum promovere viderentur. Hinc planè Fratribus etiam illicitum est, Consultori prius necessitates suas exponere.

### QUÆSTIO XVII.

**A**d quem pertineat vestium dispositio, quas Novitius de sæculo attulit? *Re-*

*sponsio* : Detestandi censentur illi Novitii, qui præponderante ad amicos carnali affectu, ejusmodi planè vestes pauperibus subducunt; Libertas enim quæ Novitiis indemnitas stare debet, non est ad favendum

car-

carnali affectui, sed ad liberè subveniendum cuivis Pauperi juxta Ordinem charitatis. Juititiæ, & misericordiæ probabilius satisfiet, si vestimentis Novitiorum, quorum plerique gratis probationis indumenta ab ordine recipiunt, præ reliquis munerentur Sæculares Conventui, vel Fratrum necessitatibus subinde famulantes.

## DE HABITU NOVITIORUM. QUÆSTIO I.

**Q**uis sit Habitus Novitiorum? *Responsio*: Habitus Novitiorum consistit in duabus tunicis, caparone usque ad cingulum, cingulô, & braccis. Per caparonem porro passim intelligitur Caputium vel pettia panni, à Caputio à pectore, & à tergo dependens usque ad cingulum.

## QUÆSTIO II.

**C**ujus sit recipere ad Professionem? *Responsio*: Solius Ministri Provincialis jure ordinario, ex statutis verò, & Patris Ministri Commissione, etiam Guardiani Conventûs in quo locantur Novitii: Alii autem Fratres nullum jus ad receptionem habent, sed judicium dumtaxat de idoneitate

itate Novitiorum, juxta quod suffragium tenentur ferre pro, vel contra Novitium.

### QUÆSTIO III.

**Q**uid circa Suffragia ferenda observandum? *Responsio*: Istud nempe: quod æquè mortaliter peccent Fratres, Novitium aliàs idoneum nigrò suffragio remittendo, sicut notoriè inhabilem admittendo.

### QUÆSTIO IV.

**A**n contra Suffragia Fratrum, possit de Novitio Minister Provincialis statuere? *Responsio*: Ex Sententia Congregationis Generalis Segoviensis Annò 1621. potest Provincialis admissum Novitium à majori parte Fratrum ad sæculum remittere, si aliàs judicet ineptum.

### QUÆSTIO V.

**U**trum Professio ultra annum differri possit? *Responsio*: Potest ex rationabili causa, sed accellerata, hoc est, ante physicè, seu ad diem completum annum emissà non tenet: Unde licet nonnunquam extremè decumbentibus permittatur ex privilegio durante Novitiatu professionem emittere, ea tamen, cum merè conditio-  
nalis

nalis sit, non tenet si tunc Novitius non decedat, nisi tunc probationis annò denudò repetatur.

### QUÆSTIO VI.

**A**n teneatur Novitius promittere vitam istam, & Regulam semper observare? *Responsio*: Novitius tenetur si verus Frater Minor esse velit, omnino simpliciter sine adjecto, & privilegio vitam istam, & Regulam promittere, idquè pro semper, cum post professionem nemo de ista Religione exire possit, *primò* vi voti, & Regulæ. *Secundò* ob jus Pontificium, seu mandatum Pontificis.

De Vestimentis Professorum, & Calceamentis.

### QUÆSTIO I.

**Q**uid in Regula intelligatur per unam tunicam cum Caputio, & aliam sinè Caputio? *Responsio*: Tunica sinè Caputio accipitur pro tunica interiori, seu quæ sub externo habitu gestari potest ad placitum; Tunica verò cum Caputio denotat habitum externum, cui correspondet Caputium.

QUÆ-

## QUÆSTIO II.

**A**n tunicæ exteriori Professorum necessario debeat esse assutum Caputium?

*Responsio* : Ex vi Regulæ nemo videbatur unquam peccare, qui non gessit assutum Tunicæ Caputium, esto id factum fuerit contra antiquissimam, imò primævam Religionis consuetudinem. Sed à tempore, quò Mofetta, sive pars ad scapulas descendens nostro Caputio adjuncta est, satis videtur & honestatì, & laudabili consuetudini consultum.

## QUÆSTIO III.

**A**n liceat omni tempore duas tunicas habere ? *Responsio* : Quamvis sanctum, & pium sit unicâ cum Caputio contentum esse; tamen per verba Regulæ, licet omni tempore Fratribus uti tunicis, alterâ cum cum Caputio, alterâ verò sine Caputio. Sic verò duos habitus habere non licet, ut pro sola comoditate unum de die, alterum de nocte, unum in Festis, alterum in ferialibus induant, unum in cubiculo, alterum quando debent in publico comparere.

QUÆ-



## QUÆSTIO IV.

**A**n Fratres nunquam possint plures duabus habere tunicas? *Responsio.* Possunt ex dispensatione Ministrorum, ubi necessitas, vel legitima causa intercesserit, v. g. Infirmitas Fratris, frigoris acerbitas, & intollerantia, debilitas, & senectus, denique necessaria honestas, dum videlicet Frater talibus laboribus applicatur, quos sine mutatoriis, non nisi magna inhonestate perficere posset.

## QUÆSTIO V.

**A**n præter duas tunicas licitus sit Fratribus usus Mantelli? *Responsio:* Est licitus. Mantellum enim nemo dicere potest rationem tunicæ habere, ac proinde nec inter tunicas computare.

## QUÆSTIO VI.

**A**n Fratres possint licitè uti camiseis lineis, vel stamineis? *Responsio:* non possunt sinè speciali dispensatione, & qui utuntur peccant mortaliter, cum hæc omnia expressis terminis prohibuerit **URBANUS VIII.**

QUÆ-

## QUÆSTIO VII.

**L**icetne Fratribus Galeros, vel duplicia Caputia habere? *Responsio.* Licet in itinere ad propulsanda aëris incomoda, quia ista inter vestimenta non computantur. Unde in voluntate Fratrum manet eis uti, vel non uti, attendere tamen debent Fratres, ut utrumque necessitati deserviat: Et nulla curiositas adsit. *Antiquus certè modus* (inquit Rousserius) *Ordinis fuit, ut pileis laneis non coriosis, sed Religiosis, & sanctæ paupertati consentaneis Fratres uterentur.*

## QUÆSTIO VIII.

**Q**uid nomine Calceamentorum in Regula intelligatur? *Responsio:* Nominè Calceamentorum propriè intelliguntur consueta pedum operimenta de Corio.

## QUÆSTIO IX.

**A**n nomine Calceamentorum caligæ truncatæ vel sandalia prohibeantur? *Responsio:* Neutrum prohiberi videtur; talia enim adhibentur magis ad removendam injuriam læsionis, quàm ad pedis aliquod operimentum; nihilominus ad portandas caligas truncatas, dispensationem requirunt ii, quibus propria salus cordi est.

## QUÆSTIO X.

**Q**uid propriè sit portare calceamenta? *Responsio.* Portare calceamenta propriè dicit usum continuum; unde ad breve tempus, vel ad missam celebrandam, vel ad pedes restaurandos post iter, calceari non prohibemur per Regulam.

## QUÆSTIO XI.

**Q**uæ necessitas requiratur, ut calceamenta portentur? *Responsio:* Necessitas non determinatur uno modo sed pluribus; aliquando enim determinatur secundum personæ statum, quia debilis, & infirma est, aliquando secundum tempus, quia grande lutum, aut vehemens frigus est, aliquando verò secundum locum, officium, aut iter, quod scilicet, non posset nudis pedibus confici, sinè detrimento Personæ, vel causæ itineris. Ita Hugo.

## QUÆSTIO XII.

**L**icetne uti foccis paneis, vel futionibus? *Responsio:* Sinè dispensatione, vel necessitate non licet, cum dispensatione tamen, aut ubi necessitas cogit, licet. Unde Hugo: *ubi necessitas cogit, non minus calceatus, quàm discalceatus servat Regulam.*  
Qua-

Quapropter dum à quibusdam, ex nive, aut glacie, madore, aut lutò, gravia rationaliter pertimescentur incommoda, melius est beneficium Regulæ cum humilitate recipere, quàm se periculo cum superstitione exponere.

### QUÆSTIO XIII.

**C**ujus sit in Caceamentis dispensare? *Responsio*: Superioris cujuslibet, ubi ejus præsentia haberi commodè potest; ubi verò non potest, sicut in itinere, sufficit ex natura rei cognita rationabilis, ac evidens necessitas, in Deo, & secundum conscientiam probata.

### DE VILITATE VESTIMENTORUM.

#### QUÆSTIO I.

**Q**uæ vilitas requiratur in Vestimentis Fratrum Minorum? *Responsio*: Vilitas Vestimenti Fratrum Minorum in duobus potissimum attenditur: *In prætio*, quod paupertati correspondet, & *in colore*, cujus, quemadmodum & pretii æstimatio, pendet à conditione, & consuetudine Regionis.

## QUÆSTIO II.

**A**d quem finem repetitio vestimentorum permittatur? *Responsio*: Ex duplici fine. *Primò* ad maiorem paupertatem, ne ubi lacera fuerint, nova statim procurentur. *Secundò*: ad sæculi despectum, & panis vilitatem.

## QUÆSTIO III.

**Q**ualis repetitio esse debeat? *Responsio*: Repetitio vestimenti, vel spectat ad vestimenti conservationem, & omnis talis licita est, ac liberrima unicuique Fratri, vel verò inducit vilitatem, seu asperitatem, & talis quoque licita est, ac meritoria, iudicio tamen superiorum moderanda, ne religiosæ decentiæ fors limites excedantur.

## QUÆSTIO IV.

**A**n repitatio per consuturam duarum tunicarum sit licita? *Responsio*: Licet unam tunicam cum altera consuere etiam per modum diploidis, sive suffulturæ. Addit Hugo: posse quempiam suffulturam tunicæ in æstate auferre, & ad hyemem in communitate reservare, sinè præiudicio Regulæ.

QUÆ-

## QUÆSTIO V.

**Q**uid generaliter in puncto vilitatis vestium cavendum sit? *Responsio*: Caveant Fratres diligenter, ut non solum non appareant molles, delicati, & curiosi in suis vestimentis, in panno molli, splendido, aut chorda delicatula, & albicula; sed etiam, ne in vilitate quoque, ac repetitione vestium sint nimis superstitiosi, ac proprii iudicii assertores: in his enim occultram superbiam, vanitatem & Hypocrisim dæmon non rarò seminat, ut adeò quod pro humilitate institutum est, pro superbia contra humilitatem pugnet.

## IN CAPUT TERTIUM.

De Divino Officio Clericorum.

## QUÆSTIO I.

**A**n ad illud teneantur Clerici sub peccato mortali? *Responsio*: Tenentur. Et si aliquis Clericus omittat horas suas, vel partem earum notabilem peccat mortaliter, licet ordinibus sacris nondum fuerit insignitus. Sub ejusdem lethalis culpæ reatu, tenentur Laici ad suum officium orationum Dominicarum.

## QUÆSTIO II.

**Q**uid intelligitur per illud in Regula: *Excepto Psalterio*? *Responsio*: Intelligitur Psalterium translationis 70. Interpretum, quod est peculiare Ecclesiæ Romanæ, & quo Cardinales utuntur, nec extra urbem Romanam ejus usus obtinet. Reliqua porro circa transpositionem Ordinis, aut mutationem divini officii regulanda sunt ex iis, quæ pro Clericis Romanis summiſtæ habent.

## DE JEJUNIO, ET ABSTINENTIA.

## QUÆSTIO I.

**Q**uæ sunt jejunia vi Regulæ obligantia? *Responsio*: Jejunium ad quæ Fratres Minores ex Regula tenentur, censentur hoc ordine: *Primò*: à festo Omnium Sanctorum usque ad Nativitatem Domini. *Secundò*: Quadragesima cunctis Christianis communis, à die Cinerum, usque ad Resurrectionem. *Tertiò*: Singulæ Feriæ sextæ per annum, etiam illæ, in quas nonnunquam Festum Nativitatis Domini incidit. Porro circa qualitatem ciborum attendendus est mos Patriæ, & jejunantium communis forma. De Regulari autem jejunio ab

ab Epiphania Domini per continuos 40. dies, consilium est S. Patris, non præceptum.

## DE NON EQUITANDO.

### QUÆSTIO I.

**Q**uid prohibeatur per verbum: *Equitare?* *Responsio*: Vi hujus prohibitionis Regulæ prohibetur dumtaxat, ne equo, vel alicui jumento insidentes, Fratres iter conficiant. Istud enim tantum vulgariter equitare est. Cæterum ex aliis titulis vetatur etiam Fratribus bigatio, aut quadrigatio, idque extra casum necessitatis, vel infirmitatis.

### QUÆSTIO II.

**Q**ui possunt hi tituli esse permoventes ad prohibitionem bigationis, aut quadrigationis? *Responsio*: *Primò*: Sumptus ad id necessarius, pro quo esset ad amicos Spirituales, & pecuniam recurrendum. *Secundò*, Scandalum & periculum Scandali, & excessus gravis contra humilitatem, & vilitatem pauperrimi statûs nostri, ac contra intentionem Sanctissimi Patris. Unde singulariter observandum, quod præcisâ ratione recursus, sive sumptuum, & scandalo, non sit



consensendus Frater minor peccare, si ex causa rationabili, & superiori probata bigâ, vel quadrigâ utatur.

### QUÆSTIO III.

**Q**uæ sunt causæ sufficientes ad equitandum? *Responsio*: Manifesta necessitas ex triplici capite orta. *Primò*: ratione prolixi itineris. *Secundò* ratione, impediti itineris. *Ac Tertiò*, ratione negotii urgentis, quod premit, & brevi tempore peragi debet. Semper tamen præsupponenda est causa legitima, quæ hujusmodi necessitatem inducat; quod idem in infirmitate observandum.

### IN CAPUT QUARTUM.

De Paupertate quoad ejus essentiam.

### QUÆSTIO I.

**Q**uid sit Paupertas Fratrum Minorum? *Responsio*: est generalis abdicatio omnis juris politici, ac cujuscumque rei temporalis, tam quoad rem ipsam, quàm quoad ejus usum, tam in particulari, quàm in communi, propter Deum. Ubi advertendum, Fratrem Minorem juri naturæ, sive poli, non renuntiare per professionem suam,

am, quin sicut omne vivens possit sustentari cibo, & potu, unde quaque accepta in casu necessitatis vitæ conservandæ. Quod Fratris Minoris jus ut exprimeret, dixit aliquando Beatus Fr. Gilbertus : *Tantum jus habet avis in grano quod comedit, quantum Frater Minor in cibo quem manducat.*

QUÆSTIO II.

Quid est jus politicum quoad rem? *Responsio* : Jus politicum quoad rem tria importat : Dominium , Possessionem , & proprietatem. *Dominium* dicitur jus , quo quis de sua re potest statuerre ad libitum , & pro illius tuitione , jure experiri. *Possessio* ad Dominium addit , quod in tali jure non possit impediri. *Proprietas* verò , quod quis in tali jure parem non habeat.

QUÆSTIO III.

**Q**uid est jus politicum quoad rei usum?  
*Responsio* : Et hoc bifariam dividitur, aut enim est usus fructus, quo quis tam pro se, quam pro aliis fructus percipere, & dispensare potest; aut verò est usus juris, per quem aliquis pro se solo fructibus utitur, vel uti potest. Ex quo patet, paupertatem Fratrum Minorum in hoc consi-

stere, ut non suo, sed alieno semper utantur, alieno vivant, alieno vestiantur, in alieno habitent, quod revera significat simplicem usum habere, talisque paupertas est virtuosa, & verè Evangelica, ab Apostolis, & Christo Domino practicata.

#### QUÆSTIO IV.

**A**n istiusmodi usus simplex facti, ab usu juris semper separetur? *Responsio*: Secundum omnimodam veritatem, usus istiusmodi simplex facti, omnino separatur ab usu juris etiam in esu consumptibilibus: Nam quotidie filii parentum, & servi Dominorum utuntur bonis, & cibis &c. nec propterea tamen ullum jus habent ad talia: atque isto modo Frater Minor utitur illis omnibus, quæ sibi ex charitate offeruntur; Jus autem, & dominium talium manet semper, aut penes dantem, si sibi reservaverit, aut penes Romanum Pontificem, qui omnium rerum, quarum usum facti Fratribus licet habere, jus in se assumpsit.

#### QUÆSTIO V.

**Q**uid si Pontifex renunciaret tali Dominio? *Responsio*: Renuntiaverat id quidem olim ad communem Ordinis consternationem,

nem, Joannes XXII. Sed alii Pontifices de-  
nuo reasumpserunt. Ut proinde adverten-  
dum sit: Fratrem Minorem nunquam pos-  
se repetere rem aliquam, aut usum ejus,  
suo nomine, sive autoritate. Et quam-  
vis subinde, aut volentem ipsas rapere,  
prohibeant, aut à raptore repetant, id li-  
citè perficiunt, non jure aliquo, sed natu-  
rali Charitate, qualiter E. G. Servus Do-  
mini bona defendit.

### DE PAUPERTATE QUOAD USUM. QUÆSTIO I.

**A**n omnium rerum usus simplex, Fratri-  
bus Minoribus sit permissus? *Respon-*  
*sio*: Nequaquam; nam nonnullorum usum  
etiam quantumcunque simplicem expresse  
prohibet Regula, & quidem *Primò* absolu-  
te, ac sine exceptione, usum denario-  
rum. *Secundò*, extra necessitatem usum  
Calceamentorum. *Tertiò* usum vestimen-  
torum prætiosorum. *Quartò* usum equorum  
ad equitandum, denuò extra casum manife-  
stæ necessitatis. Ac denique *Quintò*, usum  
etiam Procuratorum, ad obtinèdas pecunias.

### QUÆSTIO II.

**A**n ad alios usus arctos teneantur Fratres  
Minores: *Responso*: Ex declarationi-  
bus

bus Pontificum deducuntur alia quinque obligatoria ad peccatum mortale in usu, & modis spectantibus ad paupertatem, videlicet *Primò* : de non habendis, aut de non utendo redditibus. *Secundò* : De non assistendo in curiis, & processibus. *Tertiò* de non habendis Ecclesiis quasi Cathedralibus, sive excessivis. *Quartò* de excessu in ornamentis, & Paramentis Ecclesiasticis. *Quintò* demum de non exequendis Testamentis, & ultimis voluntatibus. Atque ista quinque prohibentur ex circumstantiis, & adjacentibus ipsius Regulæ, & non ex mero præcepto Pontificio.

## DE NON RECIPIENDA PECUNIA.

### QUÆSTIO I.

**Q**uid intersit inter pecuniam, & denarios? *Responsio* : Quidquid alii dicant, in Regula tamen Fratrum Minorum, denarius, & pecunia ferè sunt Synonyma. Unda à NICOLAO III. & CLEMENTE V. pro iisdem sumuntur; nisi quod pecuniæ nomen universalius sit, denarii verò pressius.

### QUÆSTIO II.

**Q**uid igitur nomine pecuniæ propriè intelligitur? *Responsio* : Tria hic potissimum à non-

nonnullis intelligi solent, sed refutantur: *Primò*: quidquid numerata pecunià æstimari potest, & sic Fratri Minori non liceret recipere vestes, cibos, ædificia: ista enim numeratâ pecunia æstimari possunt. *Secundò*, quidquid recipitur eo animo, ut vendatur, aut distrahatur, & sic non liceret Fratribus Minoribus acceptare legatum alicujus domûs, agri &c. ut per personas idoneas vendantur pro Fratrum necessitatibus. *Tertiò* quidquid datur nummorum loco, & sic non liceret Fratri Minori, in mercedem laboris pro pretio accipere granum, vinum vestes &c. cum tamen talia dentur locò nummorum permitte Regulâ. Unde liquet in contrarium, neminem censerî pecuniam accipere, nisi qui denarios recipit, quatenus sunt formale instrumentum emptionis, sive quatenus sunt monetæ ex quacumque demum materia, publica autoritate institutæ.

## QUÆSTIO III.

**A**n nunquam liceat recipere denarios Fratri Minori? *Responsio*: Nunquam, quatenus sunt formale instrumentum emptionis, nisi in sola gravi, & extrema necessi-

cessitate; ut tempore persecutionis, inter infideles, & Hæreticos, quando aliter vitæ corporalis necessaria non posset habere: quatenus autem idem denarius est materiale quoddam metallum, eatenus usibus Fratrum semper cædere potest. Unde Frater Minor posset aureos recipere, non prout genus, aut species monetæ sunt, sed prout simpliciter aurum sunt, ut nempe ex talismodi auro calix seu conficiatur, seu in-  
 auretur. Quamquam cavendum ob abusus, & scandali periculum, ut in tali etiam casu non recipiatur aurum, nisi fractum prius, vel fustum. Idem intelligendum, quando contactus, & actio tantum materialis circa pecuniam intercedit. Unde tempore belli, aut invasionis cujuscumque civitatis possunt permittere Fratres apud se deponi pecunias sæcularium: Imò etiam transportare possunt easdem, si latrones obsideant iter, quia talis transportatio magis videtur alienæ rei custodia, quàm pecuniæ *ut est pecunia* ministerium, si tamen summa necessitas sic jubeat, & scandalum nostræ Professionis absit.

QUÆ

## QUÆSTIO IV.

**Q**uis propriè dicatur recipere pecuniam?

*Responsio*: Recipere pecuniam propriè dicitur, qui quovis modo illam sive in possessionem, sive in usum quemcunque civilem, vel in auctoritatem acceptat, sive per se hoc est in persona propria, sive per interpositam personam, id est, intermediam inter dantem, & Fratrem acceptantem, quæ denarios auctoritate Fratris recipiat, vel asservet, vel expendat.

## QUÆSTIO V.

**Q**uæ sint peccata mortalia circa prohibitionem receptionis pecuniæ? *Responsio*:

*Primò* qui pecuniam quovis modo acquirunt, sive ad thesaurisationem, sive ad usum. *Secundò*: qui pecuniam recipiunt in alienum usum, ut eam dent alteri, vel in alterius necessitatem exponant. *Tertiò*, qui pecuniam in suas necessitates depositam in mutuum dant, vel dari curant. *Quartò*: Qui ex illa cambium faciunt. *Quintò*, qui ad lucrum, & interesse dari consentiunt. *Sextò*: qui in Societatem Syndicis, vel aliis præstant. *Septimò*: Qui eas apud se deponi permittunt civiliter, ita ut de illis teneantur ratio-



tionem reddere. *Octavo* : Qui etiam alienas dispensant, & administrant. *Nonò* : Qui denarios vel monetam cudunt. *Decimò* : Qui clavem cistæ, vel cippi, ubi pecunia asservatur retinent, etiamsi cistæ sint in domo Sæculari. *Undecimo* : Qui computum civilem faciunt, vel recipiunt. *Duodecimò* : Qui cippos in Ecclesia exponunt. *Decimotertio* : Qui permittunt denarios deponi in aliquo loco domestico, ut postea per Syndicum recipiantur. *Decimoquarto* : Qui in sua perâ, dum sunt in itinere, pecuniam recondunt, ut postea Sæculari expendendam tribuant. *Decimoquinto* : Qui famulum proprium habent pro recipienda pecunia de eorum mandato, ac permissione. *Decimosexto* : Qui veluti Domini denarios authoritative expendi mandant. *Decimo-septimo* : Qui juridicas quietantias dant &c.

## QUÆSTIO VI.

**A**n liceat Fratri Minori iter facturo, literas cambiales recipere? *Responsio* : Non licet recipere literas similes, quibus sibi demandatur pecunia numeranda; Quia hoc modo videtur Frater in pecuniam consentire quoad actum voluntatis

tis internum ; sed benè licet uti talibus obligatoriis , si non fiant sub nomine Fratris , sed tantum ut in ejus necessitates , quarum est capax , expendatur pecunia , etiam à persona denominanda per Fratrem. Quia tales Litteræ , etsi sint obligatoriæ respectu personarum , quæ ad invicem scribunt , non tamen respectu Fratris , qui ad numeratorem velut ad Amicum spirituales recurrit , idque pro necessitatibus suis.

De Recursu ad Amicos Spirituales.

### QUÆSTIO I.

**Q**uis sit dicendus Amicus Spiritualis ?

*Responsio* : Licet secundum communem loquendi modum , Benefactor , & Amicus Spiritualis idem ferè significant , id est , Personam ex amore Dei Fratribus beneficientem : in hoc tamen Regulæ passu , multum differunt ; nam ad Benefactores , & semper , & quibuscunque Fratribus ( unica pecuniâ excepta ) licitum est recurrere ; ad amicos autem Spirituales solis Ministris , & Custodibus. Est porro secundum Regulam , ille solus Amicus Spiritualis , qui ex amore Dei , vel devotione ad Fratres , spontè , aut rogatus dat pecuniam ad sa-

N

tis-

tisfaciendum necessitatibus, quæ per pecuniam acquiri debent : sive sit dans, sive substitutus, aut substituti depositarius, aut verò nuntius.

## QUÆSTIO II.

**P**otesne Syndicus dici Amicus Spiritualis ? *Responsio* : Ex descriptione Amici Spiritualis, & ex vi, officioque syndicatûs, Syndici non sunt Amici Spirituales, officium enim Syndici triplex est. *Primum* : Concessum à Nicolao III. videlicet, ut nomine Sanctæ Sedis, & Romanæ Ecclesiæ, reciperent res omnes mobiles, & immobiles, quarum usus Fratribus est licitus, quique res hujusmodi, cum ita expediret, venderent, commutarent, alienarent, & earum pretium in Fratrum necessitates expenderent. *Secundum* officium Syndici à Martino IV. & V. ac Paulo etiam III. est additum, ut nempe nomine Romanæ Ecclesiæ recipere, nec non judicialiter repetere possint eleëmofynas quoque pecuniarias, modò licitò ipsis Fratribus relictas, sive testamento legatas. *Tertium* tandem officium fuit Syndicis à Paulo IV. indultum, occasione relaxationis Fratrum, ut  
pe-

pecunias, & quascunque eleëmofynas nomine Ecclesiæ Romanæ reciperent, & eas prout à Fratribus requirerentur expendere nullo habito respectu ad dantes. Et istud tertium officium quoad pecuniam, est abrogatum; Imò necque concessione Pauli III. post declarationem Urbani VIII. amplius uti licet; ut proinde pateat, Syndicos, ex vi Syndicatûs non esse Amicos spirituales, cum ad illos non recurratur ex vi Syndicatûs pro necessariorum solutione ex suis facienda; sed sunt dumtaxat œconomi S. Romanæ Ecclesiæ. Prout tamen ut plurimum depositarii sunt, & substituti dantium, quatenus nempe eorum nomine, ceu personæ magis idoneæ, atque fideiores, in usus Fratrum pecuniaras eleëmofynas expendunt, eatenus aliquo modo amici Spirituales possunt nuncupari.

### QUÆSTIO III.

**Q**uomodo differt Amicus Spirituality à Persona interposita? *Responsio*: Toto genere differunt: Quia interposita persona nomine Fratrum recipit pecuniam, eorum authoritate, ac beneplacito pariter expendendam, Amici autem Spirituales,

seu sint dantes, seu dantium substituti, depositarii vè, seu etiam Syndici, nunquam nomine Fratrum recipiunt, nec eorum auctoritate, aut beneplacito expendunt, sed dumtaxat nomine dantium.

#### QUÆSTIO IV.

**Q**uid est Recursus ad Amicos spirituales? *Responsio*: Est procuratio actualis solutionis, vel emptionis rei necessariæ, quatenus per personas idoneas, mediante pecunia fieri debet. Ubi ad serenandas multorum conscientias diligenter advertendum: quod E. G. Frater mendicando panem apud illum qui panem domi non habet, & subinde emptum pecuniâ recipiens, ne utique dici possit, recurrisse ad Amicum Spiritualem: Nam Mendicatio nihil est aliud, quàm rei in sua specie procuratio, præscindendo ab eo, sitnè res illa quæ petitur, apud dantem, an verò (quod interdum per accidens fieri assolet) per pecuniam ab ipso dante prius acquiri debeat? Quatuor quippe modi sunt distincti in Regula, subveniendi necessitatibus Fratrum. *Primus*: per oblata spontè, seu liberaliter. *Secundus*: per mendicata humiliter. *Tertius*:

*tius* : per acquisita laboritiô. *Quartus* denique : per recursum ad Amicos spirituales. Priores tres modi, etsi concomitanter quandoque habeant, ut Fratri data res, prius empta fuerit, ac pecunia soluta, in sua tamen natura, nequaquam emptionem, respectumve ad pecuniam includunt: Solus proinde quartus modus formaliter, ac per se intentionem solutionis, aut emptionis rei, mediante pecunia comprehendit.

## DE PERSONIS RECURRENTIBUS. QUÆSTIO I.

**A**n vi Regulæ liceat recurrere? *Responsio*: Esto vi Regulæ istiusmodi recursus Ministris dumtaxat, & Custodibus concedatur; juxta declarationes tamen Nicolai III. potest, talis recursus comitti tam Guardianis, quàm in eorum absentia Vicariis, idque per se, vel per alios. Quod tamen indistinctè, & leviter fieri non debet, ne occasio proxima transgressionibus subministretur.

## QUÆSTIO II.

**Q**uid si Superiores non provideant Fratrum necessitatibus? *Responsio* : Si  
N 3 sint

sint veræ necessitates, & notabilis Prælatorum negligentia, possunt sibi Fratres sine peccato providere, servatis modificationibus declarationum. Necessitates autem duas tantum specificat S. Franciscus: unam ad infirmos, aliam pro Fratribus induendis se extendentem; ast sub his duabus comprehenduntur quoque nonnullæ aliæ ipsis subordinatæ, juxta Declarationes Pontificias.

### QUÆSTIO III.

**Q**ualis necessitas requiratur ad legitimum recursum? *Responsio*: Quinque conditiones, seu qualitates, ejusmodi necessitas supponere debet. *Prima* est: ut sit vera, id est, ita premens, ut nisi ei succurratur, detrimentum majoris seu Spiritualis, seu temporalis boni immineat. *Secunda*: ut sit præterita, præsens, vel proximè imminens, & non tantum fors, aut post multum temporis futura. *Tertia*: quod si, cessantibus indifferentibus eleëmousynis aliter succurri non possit quoad solutionem. *Quarta*: quod res necessaria per mendicationem comòdè acquiri non valeat ac demum. *Quinta*: quod necessitas Fratrum

trum sit, non verò aliena. Cæterum, ista necessitas non tam simpliciter ex natura rei, quàm ex circumstantiis, quæ accomodam necessitatem inducere solent, æstimanda est: Tales porro circumstantiæ sunt communiter: *Persona, locus, tempus, actiones, sive occupationes personarum &c.*

#### QUÆSTIO IV.

**A**n Fratres debeant mutare, aut relinquere loca, in quibus sine recurſu non vivitur? *Responsio*: Minimè. Nam recurſus ad Amicos (modò legitimè fiat) non est imperfectio Regulæ, nec dispensatio in Regula; sed est modus positivus providendi necessitatibus, à S. Francisco demandatus, ubi alii vivendi modi deficerent.

#### QUÆSTIO V.

**A**n supposita necessitate recurrendi, liceat contempto vili cibo, lautiorem petere? *Responsio*: Quamvis perfectionis sit, neglecta re cariori, eligere viliores; non est tamen prohibitum ex vi hujus recurſus, pro meliore, vel cariore recurrere, modò non sit talis planè res, cujus usus aliunde est prohibitus. Unde pro exemplo,



emplo : possum leguminibûs relictis , pro carnibus , aut piscibus recurrere : similiter pro vino , relictâ cerevisiâ : sed non possum recurrere pro prætioso panno , repudiato vili ; cum usus panni prætiosi sit aliunde ex Regula prohibitus , carniû verò , aut piscium , vinique non item. Quamquam circa cibaria quoque attendendum sit , ne nimiam immoderantiam sapiant , nimiasque delitias &c.

## QUÆSTIO VI.

**Q**uid si per viliorẽ cibum sufficienter subveniri possit necessitati? *Responsio* : Sicut duplex necessitas est : *Stricta* & *accomoda* ; sic dupliciter possumus satisfacere necessitati : *Strictè* , & *accomodè*. E. G. necessitati victûs , satisfit *strictè* per legumina , & *accomodè* eidem necessitati satisfit per cibum præstantiorem ; utrumque permittit Regula , dumodò quis maneat intra limites usûs rerum præscriptos ex Regula ; alioquin enim non posset Frater Minor recurrere in victu , nisi pro pane , & aqua , cum his in rigore , homo vivere possit. Judicare verò de talibus pertinet ad superiorem , & non ad privatos Fratres.

QUÆ

## QUÆSTIO VII.

**A**n debeat necessitas determinata esse? *Responsio*: Debet in se determinata esse; cum alias veram indigentiam non denotaret. E. G. Frater Minor non potest in genere necessitate premi, nisi panno, vel cibo, aut quopiam alio in singulari indigeat. Mortaliter proinde peccant superiores, qui pecunias indifferentes deponi procurant, ubi necessitas determinata in se non est, ita ut postea laborandum sit, ut inveniant, in quod impendant. Hinc vel nova ædificia excogitant, vel vetera immutant.

## QUÆSTIO VIII.

**Q**uando nam dici possint cessare eleëmōsynæ? *Responsio*: Quando vel defecto nullæ sunt, vel etsi sunt, pro aliis tamen jam certis necessitatibus determinatæ sunt; vel denique licet indifferentes quoque sint, pro omnibus tamen expediendis pro tunc occurrentibus necessitatibus, non sufficiunt.

## QUÆSTIO IX.

**Q**uis ordo tenendus sit, in expediendis necessitatibus, dum plures sunt? *Responsio*: Libertati, ac discretioni superioris.

istiusmodi ordo relinquitur. Suppositò enim, quod omnes necessitates veræ sint, omnes vel præsentēs, vel imminentes, & eis non sufficiant eleēmosynæ depositæ, nulla ex obligatione attendenda est prioritas in illis, solutionis, vel procurationis, nisi fortè in casibus, in quibus cunctationem charitas non admitteret. Ut si *vgr.* æger indigeret subito pharmacò, illius procuratio utique præferri deberet aliis necessitatibus, vel dum præsens necessitas cum præterita confertur, illam utique præferre huic, æquitas, ac ratio suadet.

### QUÆSTIO X.

**Q**uando dicatur res incommodè mendicabilis? *Responsio:* Tunc, dum mendicari non potest, nisi cum multa distractione, longis discursionibus, notabili indevotione, vel detrimento boni Spirituælis. Unde, sicut peccati mortalis juxta materiæ qualitatem damnandi sunt, qui sine delectu pro rebus quibuscunque necessariis, ad pecuniarum expositionem recurrunt: ita valdè periculosè, ac imprudenter illi quoque agunt, qui seu ex tenacitate, seu ex scrupulositate, omnia per mendica-

dicationes quantumcunque incommodas habere volunt, non attendentes, per nimias discursiones, ac longas Fratrum absentias, nec non contubernationes cum Sæcularibus, devotionis, ac sanctæ Orationis, operationisque spiritum vehementer extinguere, sicque præter corporalem destructionem Fratrum, majus longè spirituale fieri dispendium, quàm bonum temporale procuratum, mereatur.

### QUÆSTIO XI.

**Q**uid de legitima pecuniarum in necessitates Fratrum expensione? *Responsio*: Sex communiter modis, potest assignari pecunia pro Fratrum necessitatibus sublevandis. *Primò*: Per mutationem. *Secundò*: per oblationem omninò Spontaneam, nullo Fratrum interventu. *Tertiò*: Ex requisitione, seu mediante Fratrum recursum: ut cum quis in vera necessitate rogatus offert. *Quartò*: Intuitu mercedis, & laboris. *Quintò*: Ex legato, sive testamento. *Ac Sextò*: Ex sententia judicis: ut si iudex reum condemnet, ad certam summam pro necessitatibus Fratrum expendendam. Atque aliquo ex his sex recensitis.

mo-

modis oblata, five assignata pecunia, manet in dominio ejus cujus fuit, quamdiu ipse vivit, & donec in res, quibus Fratres uti possunt, non fuerit expensa. Unde offerens pro aliqua necessitate pecuniam, semper habet liberam potestatem revocandi pecuniam ipsam, usque ad conversionem ipsius in rem deputatam. Quodsi verò interim persona donans decesserit, Pontifex tamquam Pater communis, talis necdum expensæ pecuniæ Dominium assumit, vel Depositarium velut Dominum facit, Fratribus nihil prorsus juris in eadem pecunia habentibus.

## QUÆSTIO XII.

**A**n liceat Fratribus, urgente necessitate, pecuniam mutuare? *Responsio*: Non licet ita mutuare, ut ipsi Fratres eam recipiant, vel quovis modo administrent, vel clarius: Non licet mutuare, mutuum strictè, five juridicè sumendo, contrahendo nempe cum obligatione juridica satisfaciendi, dando Syngraphas obligatorias, ac alia similia agendo; sed benè, supposita vera necessitate, licet mutuare, mutuò largè sumptò, sine aliqua civili obligatione, sed tantum simpliciter dicendo, quod Fratres in-

intendant fideliter conniti, ut ei, qui modò per pecunias necessitati subvenit, cum gratiarum actione solutio fiat. Cæterum, sicut non licet Fratri Minori mutuum juridicum accipere, ita etiam non licet dare, quia qui dat mutuum, *meum*, vel suum, *Tuum* facit, cujus utriusque, puta & *Mei*, & *Tui* Fratres Minores incapaces sunt.

## QUÆSTIO XIII.

**Q**uid agendum sit circa oblatam spontè pecuniam? *Responsio*: Pecunia dupliciter offerri potest: videlicet, vel per modum meri Beneplaciti, ut dum quis significat Fratribus, paratum se esse in eorum necessitates expendere, certam summam pecuniæ; vel verò per actualement numerationem pecuniæ. Si priori modo offeratur, semper eam Fratribus licet acceptare, dumodo deinde non recurrant ad ipsam ceu ex debito, aut, quod majus malum esset, schedulas obligatorias super eam non recipiant. Si autem secundo modo offeratur, non licet in eam consentire, siue maneat apud dantem, siue apud depositarium, nisi sub conditionibus, sub quibus licet actualiter recurrere, urgente nimirum vera necessitate præsentè &c.

QUÆ-

## QUÆSTIO XIV.

**Q**uid si quispiam absque scitu Frâtrum pecuniam deponat in usum eorum?

*Responsio* : In tali casu liberi sunt Fratres in conscientia. Imò si postmodum Fratres recurrant ad pecuniam hoc modo depositam, licitum id erit ipsis, non ex ratione prioris depositionis, in quam necessitate pro tunc non subsistente, consentire non potuissent; sed necessitate occurrente per modum recentis recursus, qualiter videlicet facerent; si pecunia nunquam deposita fuisset.

## QUÆSTIO XV.

**Q**uid si quispiam vovit certam summam pro Fratribus? *Responsio* : Talis respectu Conventus, sive Fratrum non obligatur ad illam dependendam; ratione tamen voti, tenetur Deo, ad faciendam eleëmofynam, eò modò, quò Fratres sunt capaces.

## QUÆSTIO XVI.

**Q**uid si Syndici absque delectu pecunias oblatas recipiant? *Responsio* : Ubi Guardianis de talismodi Syndicorum errore constiterit, debent sincerè protestari,  
&

& Syndicos informare, se in tales eleëmofynas neque consentire actu, necque consentire unquam posse: Si verò Syndicus non obstante contradictione Fratrum illas servare pergat, Fratres eo casu non maculantur, quia finè suo consensu maculari non possunt. Imò si postmodum necessitas ingruat, licitus erit recursus ad tales eleëmofynas, non per consensum in illud depositum, sed per modum novæ procurationis, ut dictum.

### QUÆSTIO XVII.

**Q**uomodo se Fratres erga illos gerere debeant, qui rogatu Fratrum dant pecuniam? *Responsio*: Si pecunia est apud dantem, ita, ut per se velit satisfacere, duæ sunt conditiones Fratribus observandæ. *Prima*: Ne fiat recursus ad illum per modum mutui, aut debiti, sed purè insinuando suas necessitates, rogandòque, ut velit pro illis satisfacere. *Secunda* ut non permittant scienter plus pecuniæ dari, quam necessitas vera postulet.

### QUÆSTIO XVIII.

**A**n necessitas debeat determinatè specificari? *Responsio*: Dum comodè specificari po-



potest, id quidem purissimum, simpliciter tamen, non tenetur ad id Frater Minor recurrens legitimè, presertim si necessitates plures sint: Sufficit enim illas insinuare in genere, vel indicare summam solutionis, rogareque ut pro illis satisfiat. Atque ejusmodi pro talibus necessitatibus pecunias, Nicolaus III. vocat eleëmofynas indifferentes non ad necessitatem simpliciter, sed ad hanc vel illam in individuo.

### QUÆSTIO XIX.

**Q**uomodo se gerere debeant Fratres cum Depositario? *Responsio*: Quando dans principalis per se ipsum satisfacere aut non vult, aut non potest, quinque passim conditiones observandæ sunt cum Depositario. *Prima*: ut Fratres nullum præsentent, nisi donans id requirat: Ordinariè verò præsentantur Syndici, ut personæ magis idoneæ, magisque probatæ fidei: Imò hi potissimum præsentari debent, ne fiant abusus in manibus incertis, & ignotis. *Secunda*: Ut si pecunia sub manibus Depositarii diutius maneat, Fratres ubi congruè poterunt, expresse Depositario, & donanti indicent, quod dominium depositæ pecuniæ,

niæ, liberè apud illum maneat, donec in necessitates fuerit expensa, sive Sæculares id apprehendant, sive non. *Tertia*: Ut quando usu ita ferente, pecunia per multas manus transire debet, id fiat de consensu tacito, vel expresso dantis; expresso, si facilè conveniri possit, tacito verò, quando commodè nequit conveniri. *Quarta*: ut Fratres in omni verbo, signo, & operè se ostendant in deposita pecunia, sicut revera non habent, ita quoque penitus nihil juris, dominii, aut administrationis affectare. *Quinta* demum, ut non præsumant, nisi ad summum monere depositarium, ut se in commissa sibi pecunia fideliter gerere velit. Non licet enim Fratribus pecunias à depositario iudicio repetere, vel iudices ad eas repetendas incitare, aut verò minas, violentiasque seu directas, seu indirectas contra depositarios adhibere: Necque licet computum juridicum à depositario requirere: pecunias cum depositario superstitioso calamo' examinare, aut etiam pecuniæ depositæ partem cedere, ut citius solutionem faciat, & his similia; omnia namque hæc in reatum culpæ mortalis præcipitant.

O

QUÆ-

## QUÆSTIO XX.

**A**n Depositarii interdum voluntatem determinatam donantium immutare possint? *Responsio*: Non possunt, siue talismodi determinatio fiat ad personam, siue ad locum, siue ad necessitatem, sed semper, & ubique requiritur expressus, aut interpretativus consensus donantis, ut scilicet absque omni fraude, & dolo talis verisimiliter esse credatur, prout patet ex Resolutionibus Pontificiis.

## QUÆSTIO XXI.

**Q**uid si de specificata necessitata aliquid supersit pecuniæ? *Responsio*: oportet residuum donanti restituere, nisi donans det facultatem, in aliam necessitatem expendendi.

## QUÆSTIO XXII.

**Q**uid observandum circa pecuniam intuitu laboris? *Responsio*: Licet Fratres Minores pecuniam, vel denarios recipere non possint pro mercede laboris: recurrere tamen possunt pro necessitatibus ad offerentem eleëmofynam pecuniariam intuitu ejusdem laboris, & mercedis: Servatis tamen-

men conditionibus in ejusmodi recurſu, quæ in aliis recurſibus ſupponuntur, ut ſcilicet recurſus nullo modo fiat ex debito, vel quaſi debito ſupponatque veram neceſſitatem.

### QUÆSTIO XXIII.

**Q**uid ſi pecunia teſtamentô legata? *Reſponſio*: Ultra conditiones circa oblatam liberaliter, & per recurſum pecuniam, hæc ſunt tenenda. *Primò*: Ne in talia legata ſcienter Fratres conſentiant, aut ea planè procurent, niſi pro vera neceſſitate præſenti &c. *Secundò*: Quod ad Executores non recurrant velut ex debito. *Tertiò*: Ut circa Executores, & Hæredes ſe gerant, velut circa depositarios. Ac *Quartò*, ut omne Legatum indifferens, intelligatur ſemper ſub modo licito Fratribus eſſe relictum. Porro circa eleëmofynas pecuniarias per coactionem judicis, ſive finè ſcitu Fratrum, ſive interveniente eorum ſolicitudine assignatas, eadem prorsus conditiones ſervari debent.

### QUÆSTIO XXIV.

**Q**uid ſi apud Fratres Apoſtatas pecunia reperiatur? *Reſponſio*: Sicut bona Apoſtatarum, ſive extra, ſive intra ordi-

nem reperta, quorum simplex usus facti Fratribus est licitus, E. G. libri, utensilia &c. Cedunt in usum Ordinis, & Fratrum; ita tam mobilia, quàm immobilia bona Apostatarum, quorum usus etiam facti Fratribus est prohibitus, ut sunt pecuniæ, vestes Sæculares &c. non cedunt per se in usum, & utilitatem Ordinis, aut Fratrum. Nec habet locum in hoc passu Privilegium Leonis X. ut per Syndicos repeti possint talia, aut Fratres se quoquo modo intrmittere, quia id est contra puritatem Regulæ, & Declarationes. Cæterum, cum talia debeant per Episcopum pauperibus distribui, possunt rogare Fratres, ut sibi potius per modum puræ eleëmodynæ applicentur.

De Bursario, vel Amico Spirituali  
in via.

### QUÆSTIO I.

**A**n liceat talem in via secum habere?  
*Responsio*: Aut accipitur Bursarius in rigore, qui videlicet nomine Fratrum Bursam gerat, & pecuniam administret? & talem supposita quantumvis verâ necessitate (nisi in casu, quo jure poli licet pecuniam acci-

accipere ) prorsus non possunt Fratres secum circumducere; talis enim Burfarius est vera Interposita persona : aut verò accipitur Burfarius latè, pro eo nempe, qui nomine Dantis Fratrem in itinere committatur, ut necessaria solvat, sive procuret per pecuniam, & talis posset adhiberi, data vera necessitate, multò magis autem in extrema, quæ ex infirmitate, aut senio Fratris in via, aut inter fideles obventura prævideretur, positis tamen antea singulis conditionibus de modo recursus jam dictis, & secluso scandalo.

## DE QUÆSTUBUS PECUNIARIIS.

### QUÆSTIO I.

**A**n liceat facere collectas pecuniæ pro usu Fratrum? *Responsio* : Hic supponitur pluribus in locis in usu esse, quod Sæculares quidam Deum timentes circummeant domos, colligantque pecuniarias eleëmofynas, ut postea in necessitates Fratrum per suos Syndicos exponantur: Istud itaque, si absque ullo Fratrum interventu fiat, nullò modò est illicitum; Fratres tamen non possunt ad ejusmodi collectas recurrere, nec in earum depositionem con-

sentire, nisi pro vera necessitate præterita, præsentē, vel imminente, & sub omnibus conditionibus jam frequenter memoratis.

## QUÆSTIO II.

**L**icetne ex seggestu ejusmodi collectas populos commendare? *Responsio*: Licitum est Fratribus, populo contentus sui necessitates insinuare, sine mentione tamen pecuniæ, verum liberum omnibus relinquendo, ut quovis legitimo modo dictis necessitatibus subveniant.

## QUÆSTIO III.

**A**n Sæculares, qui Fratres res in specie mendicantes committantur, possint aliquando locò rei, consentientibus Fratribus pecuniam acceptare? *Responsio*: Non possunt Fratres in ejusmodi pecunias consentire, nisi res in tanta quantitate summè necessaria esset, ut ad illam procurandam, necessum foret mediante pecunia recursum facere. Quin imò in tali casu bene informanda esset persona offerens, quod scilicet Fratres disertè profiteantur, se vgr. candelas, oleum, butyrum &c. non pecunias quærere: in potestate attamen dantis remanere, quovis modo eis providere, & perque-

quemcumque velit, non tamen per aliquem, quem Fratres assignarent; atque tunc si persona bene informata, comitteret negotium bajulo ( ut vocamus ) aut cuicumque tali qui in commitiva est, non videretur Fratrum conscientia maculari.

#### QUÆSTIO IV.

**Q**uid si solvendum sit viro commitanti pro labore? *Responsio*: Licet rogare offerentem, ut & solvat, modò rectè informetur, quòd sit pro diurno, & labore commitantis non verò pro Fratribus.

#### QUÆSTIO V.

**Q**uæ sint Cautelæ Generales, ex dictis circa recursum ad eleëmofynas pecuniarias? *Responsio*: sequentes *Prima*: ut qui recurrit; sit Superior, aut certè subditus ex commissione Superioris expressâ, vel probabiliter præsumptâ: vel in casu, quo Superior notabiliter negligens esset, in necessariis procurandis. *Secunda*: qui recurrit, necessariò attendere debet, ut rei, pro qua recurrit, habeat veram necessitatem, præteritam, præsentem, vel imminentem, sitque necessitas propria, & cessent eleëmofynæ, de quibus aliàs solutio commodè



fieri posset; nec res hujusmodi procuranda, sit commodè mendicabilis. *Tertia*: Caveat, ne scienter deponi permittat plus, quàm necessitas postulet; si plus depositum fuerit, illud residuum ad donantem redit. *Quarta*: Si necessitas per ipsum datorem facilè expediri possit, & in id consentiat, nullatenus in alias manus permittant deponi Fratres. Si verò dans voluerit deponere, eligat liberè depositarium; vel si nolit, aut non possit, poterunt Fratres ad eius requisitionem præsentare idoneam ad id Personam, utpotè Syndicum suum. Si pecuniæ per diversas manus transire debeant, id fiat ex Consensu expresso, vel interpretativo donantis. *Ad extremum*, corde, ore, signis & circumstantiis omnibus aliis ostendant Fratres, se nihil in dicta pecunia juris habere, insinuentque donantibus, pecunias tales quamdiu non sunt expensæ, ad eosdem dantes pertinere.

## QUÆSTIO VI.

**Q**uæ sint formulæ recursus? *Responsio*: Istæ sequentes: *Ad dantem quidem*: rogo, placeat per eleëmofynam aliquam pecuniariam, talibus nostris necessitatibus sub-

subvenire. *Ad depositarium autem* : talemne cessitatem habemus; rogo, ut depositô sibi commissô velit subvenire. *Quod si si per diversas manus pecunia transire debeat* : rogo, ut curet talem eleëmofynam transmitti, per tales creditores, vel per tales &c. Si notitia requiratur.

## IN CAPUT QUINTUM.

De Laboritio.

### QUÆSTIO I.

**A**n sit præceptum speciale in Regula de opere manuali? *Responsio* : Non est : omnes enim obligaret, cum tamen Declarationes Pontificiæ eximant ab hoc præcepto vacantes litteris, prædicationibus &c. Cæterum verba Regulæ, modos tantum quosdam exhibent, quibus manuale opus rectificetur ibi (*laborent fidelitè : & devotè*) hoc est, quandò erit laborandum interdum, ita laborent, ut fidem proximis servant, & Deo pietatem.

### QUÆSTIO II.

**C**ur tamen in Regula, & in Testamento tantopere labor commendatur? *Responsio* : Ad otiositatem vitandam : & sub hoc

respectu, præceptum laborandi, est Divinum naturale, necque amplius obligat Fratrem Minorem, quàm alium Christianum.

## DE MERCEDE LABORIS.

### QUÆSTIO I.

**A**n possint Fratres Minores laborare pro Mercede? *Responsio*: Non tantum possunt laborare pro mercede, sed etiam labor hujusmodi à Sancto Patre indictus est, ad necessaria sibi providenda. *Patet ex textu.*

### QUÆSTIO II.

**Q**uid sit conformius Regulæ, ostiatim mendicare, an labore victum sibi parare? *Responsio*: Melius & conformius Regulæ est labore proprio necessaria conquistare, quàm ostiatim mendicare. Quin & totius Scripturæ hæc est intentio, & Sancti Patris Francisci, quam & hic, & in suo Testamento Clariissime exprimit, dum insinuat, non se recurrisse ad mensam Domini, quamdiu labore proprio necessaria subsidia parare sibi poterat.

### QUÆSTIO III.

**E**x quo labore manuali debeant Fratres Mercedem accipere? *Responsio*: Ex  
omni

omni honesto, & licito. Honestas autem attenditur ex ratione operis, & in ordine ad honestatem religiosæ vocationis.

#### QUÆSTIO IV.

**A**n liceat recipere mercedem pro labore spirituali, ut Missis, Concionibus &c. *Responsio* : Licet pro similibus mercedem accipere, id est, corporis necessaria. Est enim hoc conforme juri naturali Divino, quod Regula non tollit : sunt verò corporis necessaria, victus, vestitus, infirmorum necessitates habitatio, Fratrum congrua &c. in quibus tamen cavendum, ne superfluitas, aut curiositas interveniat.

#### QUÆSTIO V.

**C**ur hic repetitur prohibitio receptionis denariorum ? *Responsio* : Ne quis putaret occasione mercedis, quasi communi jure, pecuniam pro Mercede datam, in usum Fratris Minoris cedere posse.

#### QUÆSTIO VI.

**Q**uid dicendum de pecuniis depositis pro Missis, Concionibus ? *Responsio* : Si pro quocunque opere sive manuali, sive spirituali, pecuniæ deponantur, ad illas Fra-

Fratres Minores non possunt recurrere, nisi sub eisdem conditionibus, quas in recursu legitimo servandas superius diximus. Quod si ille, cui obsequium est præstitum, det alteri pecunias, ut Fratribus emat cibos, pannum &c. tunc finè scrupulo acceptare possunt.

### QUÆSTIO VII.

**A**n liceat pacisci de mercede laboris? *Responsio*: Non licet pasci pactione civili; seu politica; sed bene possunt humiliter petere, quod jure naturali debetur in mercedem, absque obligatione civili, dignus quippè est mercenariùs mercede sua.

### QUÆSTIO VIII.

**A**n possint exigere Syndici in judicio, quæ pro sepulturis, Missis, jure communi sancita sunt? *Responsio*: Non possunt; quia Frates capaces non sunt talis juris, & Similia recipere debent per modum puræ eleëmofynæ: Nisi fortè Testamentò Fratribus legata essent, tunc enim nomine Papæ Syndicus ipsa repetere posset.

### QUÆSTIO IX.

**A**n liceat Fratribus picturas, libros à se elaboratos, vendere? *Responsio*: Per Syn-

Syndicum talia licitè vendi possunt, ut Fratrum necessitati satisfiat congruè; nèque enim censentur intendere pecuniam, sed tantum necessitatis suæ subsidium.

### QUÆSTIO X.

**A**n liceat curare emi aliquas materias, ut in illis Fratres operando lucrentur?

*Responsio*: Non licet. Quia hic intervenit quoddam genus negotiationis, contra puritatem vitæ Fratrum Minorum. Secus intelligendum, si emptio fiat, non in utilitatem Fratris, sed in utilitatem ejus, pro quo talis Frater in re operatur. Ita desiderante quopiam à Fratre Pictore imaginem, & telam non offerentè, nec colores, potest talia Frater procurare sub interpretatione tacita, quia ille, pro quo pingit, Mercatori solvet.

### QUÆSTIO XI.

**Q**ui interveniant vulgò abusus circa hoc?

*Responsio*: Quando Fratres cum Sæcularibus paciscuntur, pro Missis, Funeralibus; quandò contractus diversos faciunt pro suis operibus, vendendo, emendo, contrahendò; quandò operas suas eloquant æstimato pretio &c. quæ juxta mat-

te-

teriæ & scandali qualitatem, plurimis peccatis mortalibus inconsideratos Frates involvunt.

## IN CAPUT SEXTUM.

De Proprietate in rebus Spiritualibus.

### QUÆSTIO I.

**A**n Fratres Minores sint capaces alicujus Privilegii, aut juris Spiritualis? *Responsio*: Sunt omnino quia virtus paupertatis, abnegat tantum possessionem Bonorum temporalium, ut ex Evangelio constat. Privilegia porro Spiritualia intelliguntur: jurisdictiones ad prædicandum, Confessiones audiendas, Sacramenta administranda, indulgentiæ, gratiæ &c. Privilegia quasi Spiritualia sunt, exemptiones, ut Privilegia Sepulcrarum, habendi campanas, Oratoria &c.

### QUÆSTIO II.

**A**n possint habere Privilegia petendi elemosynas in certis locis? *Responsio*: Possunt: nihilenim per hoc derogatur Fratrum Minorum altissimæ Paupertati, sed consulitur commoditati populi, ne aliis promiscuè mendicantibus gravetur.

QUÆ.

## QUÆSTIO III.

**A**n liceat tueri jus prædicandi in certis locis? *Responsio*: Licet: hoc enim jus est quasi Spirituale. Nec obstat autoritas Alvari apud serenam conscientiam, nullum Privilegium pro Fratribus Minoribus admittentis excepto privilegio confirmationis Regulæ suæ: intelligenda est enim dicta autoritas de privilegiis, quæ vel Paupertati, vel humilitati contradicunt. Similis est responsio ad autoritatem S. Francisci, serio prohibentis in suo Testamento, ne Fratres petere audeant aliquam litteram in Curia Romana, neque pro Ecclesia &c. neque sub specie prædicationis: quia; præterquam quod testamentum non obligat, intentio S. Patris ea duntaxat fuit, quod invitis Dominis & incolis, non debeant Fratres quovis prætextu, etiam prædicationis, obtinere possessionem, vel usum alicujus Ecclesiæ, vel loci, subnixi autoritate Superiori Papæ. Unde peccant, qui violentiâ, quasi armata manu, loca occupant, cruces plantant &c.

De



## QUÆSTIO I.

**A**n in ejusmodi usu possit esse proprietas? *Responsio*: Potest quando contra voluntatem, vel Domini, vel Superioris, illum sibi Frater vendicat.

## QUÆSTIO II.

**A**n Fratribus per, mitti possit particularis usus librorum, vel utensilium? *Responsio*: Non solum Prælati, sed totus quoque Ordo non potest *indeterminatè & irrevocabilitè* concedere Fratri Minori certum rerum usum, ut scilicet utatur rebus prout vult, suisque provideat necessitatibus: sed benè possunt Prælati concedere *determinate & revocabilitè*, usum particularem certarum rerum, puta librorum, utensilium; imò & permittere aliquandò recursum pro talibus, servatis servandis: Quanquam id non expediat bono Religionis, in quo omnia debent esse Communia.

De nonnullis actibus Paupertatem concernentibus.

## QUÆSTIO I.

**A**n liceat Fratri Minori emere? *Responsio*: Omnis actus in contractibus, qui nul-

nullam dicit obligationem civilem, proprietatem, aut pecuniæ usum, Fratribus Minoribus licitus est. Undè sicut emere in rigore Fratribus non licet, hoc est, *contractu civili*, rei alicujus *proprietatem*, mediante pretio pecuniario, comparare: ita emere *latissimo modo* licet iisdem Fratribus, hoc est; de pretio, *naturali judicio* loqui, sine obligatione ulla civili, verum in vigore fidelitatis purè naturalis se obligando, quod licitò modò solutionem procurare velint: atque ex hac intentione, potest etiam Frater Minor solutionem actu procurare per personas idoneas, in casibus supra recensitis.

Unde peccant in hoc puncto. *Primò*: Qui conventionem, civiliter obligatoriâ; de pretio rei paciscuntur. *Secundò*: Qui velut Domini emunt, & Schedulas civiliter obligatorias præstant. *Tertiò*: Qui solutionem sua autoritate mandant. *Quartò*: Qui terminis, ac verbis proprietatem sonantibus, scandalosè utuntur, etsi in mente benè sentiant.

## QUÆSTIO II.

**A**n liceat vendere? *Responsio*; Non licet vendere, nisi venditione *largè*  
P sumpta,

sumpta, & servatis conditionibus, quas circa emptionem præmisimus: sicut enim res omnes tam mobiles quam immobiles acceptari à Fratribus possunt, posita vera necessitate, præteritâ, præsentî vel imminente; ita dum Fratribus desinunt esse utiles, possunt per Syndicum nomine Romanæ Ecclesiæ, vel donantium (si sibi Dominium reservaverint) æstimatô pretiô vendi, & in res magis utiles ac necessarias Fratribus, earum pretium expendi. Lege B. Capistrani verba, Capite 6. *Caveant Fratres, ne panem, vel vinum, vel alia mendicata, sive oblata pro usu Fratrum detrahant, aut vendant, aut vendi faciant, sive pro re alia permutent, vel pro satisfactione faciendâ, vel fiendâ cuiuspiam tradant, sed per alios modos licitos satisfieri procurent illis, quibus satisfactio fuerat impendenda.*

### QUÆSTIO III.

**A**n aliquid liceat ea intentione mendicare, ut postea vendatur? *Responsio:* Non licet; nisi forsân in casibus, quibus licet ad pecuniarias eleëmofynas recurrere: nimirum in vera, præsentî vel imminente

nente necessitate. Undè dum laborat Conventus penuria butyri, vel panni, possum mendicare granum in proportionata quantitate, ut transmutetur, & illa Conventui pro tali comparentur, quæ sunt necessariissima.

#### QUÆSTIO IV.

**Q**uid interest inter res sic emendicatas, & pecuniam? *Responsio*: Multum plane interest: Nam pecuniæ usus est per se, ac omnino Fratribus interdictus, quemadmodum & immediata ejusdem receptio: res autem sic procuratas, vel legatas, possunt Fratres recipere, & apud se retinere, donec per idoneas Personas aliò applicentur. Et licèt Nicolaus III. receptionem rerum, eo animo, ut divendantur, prohibere videatur *Artic. 3. §. insupèr*. Se tamen mox clarissimè explicat, ne scilicèt, hoc fiat, ad ullam superfluitatem, divitias, sive copiam, quæ deroget Paupertati.

#### QUÆSTIO V.

**Q**uomodò se in tali actu Fratres gerere debeant? *Responsio*: *Primò*. Ut nec per ipsos, nec eorum nomine, res divendantur.

dantur. *Secundò.* Ut non concurrant ad aliquem actum juris, vel proprietatis, paciscendo, se obligando, aut pretium pecuniarum recipiendo. *Tertiò.* Ut non recipiant res promiscuè, ut vendentur, nisi in casibus ut suprà *Quartò.* Denique, ut nihil vendi permittant pro rebus curiosis, superfluis, pretiosis; vel quæ sapiant copiam, vel Thesaurizationem.

### *Abusus.*

Peccant igitur mortaliter Fratres, *Primò:* qui res quascunque sinè delectu, absque vera necessitate recipiunt, ut vendantur. *Secundò:* Qui pretium rerum sic venditarum in superfluos usus expendi curant. *Tertiò:* Qui quovis modo paciscuntur, & contrahunt. Ac *Quartò:* qui indecentibus verbis statui Fratrum, in eiusmodi actibus utuntur.

## QUÆSTIO VI.

**A**n possint Fratres res commutare? *Responsio:* Quamvis commutationis civilis, quæ obligationem civilem, & Dominium includit, non possint esse capaces. Fratres Minores, tamen licita illis est commutatio naturalis, quâ naturali gratitudine

ne res utrimque veluti compensantur, ad eum ferè modum, quò duo vgr. pauperes sibi ad invicem ex iis quæ mendicaverunt, communicant, dum alter qui ab altero panem recipit, alteri panem cum carne compensat; Hinc non solum Generales, & Provinciales, sed & alii inferiores ( de ipsorum tamen licentia ) possunt hac modalitate, tam intra, quàm extra ordinem, res ( quoties expedierit ) permutare, absque ullo etiam interventu Syndici, nisi expressa obstaret prohibitio donantis.

### QUÆSTIO VII.

**A**n Fratres possint res aliquas locare? *Responsio*: Per se, vel nomine suorum aliquam locare, neque active, neque passivè Fratribus est licitum; quamvis Syndicus eorum possit nonnunquam pro brevi, eoque determinato tempore ( ne censùs, aut reditùs naturam redoleat ) quamdiu scilicet ipsis utilis non erit, rem aliquam locare. Quin imò possunt & amici Spirituales, sinè interventu Fratrum, ad usum tamen ipsorum, locum aliquem passivè locare, ut Fratres nudum usum facti ex eodem retineant.

## QUÆSTIO VIII.

**A**n Fratres possint mutuare, oppignorare, commodare, pacta, conventiones, obligationesque facere, ac debita contrahere? *Responsio*: Fratres possunt omnia mox enumerata si latè sumantur, seu quatenus solam fidelitatem humanam dicunt, & æquitatem naturalem, nullumque jus, aut obligationem civilem in personis respective inducunt, hoc unico attento, ut in materia compètenti fiant, & absque scandalo; Nam etsi Fratres capaces non sint juris, & obligationis civilis, sunt tamen capaces, imò tenentur ad æquitatem naturalem. Talibus tamen tractatibus intricari, res plena periculi est, ut adeò consultius sit, conscientiam in ejusmodi discrimina non intromittere, quantum fieri potest, quod si verò fieri non possit, ita se Fratres verbis, & factis gerere debent, ut omnibus patere possit, illos non agere civiliter, necque in rebus quidquam juris habere.

## QUÆSTIO IX.

**N**um Fratres possint quidpiam donare? *Responsio*: Possunt Fratres, legitima supe.

superiorum ( ad quos spectat ) authoritate interveniente, donare intra ordinem, quæ ipsorum usibus licita sunt; imò & extra ordinem ex concessione Nicolai III. observatis sequentibus conditionibus. *Prima*: ut res quæ datur sit mobilis. *Secunda*: ut sit utilis, & parum valens. *Tertia*, ut iudicium de vilitate, & valore, à Provinciali Capitulo, vel Generali proveniat. Ac *Quarta* demum, ut donatio fiat cum licentia obtenta à superiore. Atque hinc dumodo adsit superioris licentia, absitque scandalum, possunt Fratres Minores, quilibet res ( solâ pecuniâ exceptâ ) præsertim ex commissione, & authoritate donantium Dominorum alteri donare, donatione scilicet largè sumpta cum in rigore civili donare, utique Fratribus competere non possit, in rigore enim donare, est suo nomine jus rei alicujus in alterum transferre: Fratres porò jus nullum habere possunt; igitur nec dare, aut transferre, quod ipsi non habent.

#### QUÆSTIO X.

**A**n possint Fratres in partem mercedis, suis operariis victum dare? *Responsio*: Civiliter pacisci Fratribus, circa hoc non li-



cet; licet id tamen Syndicis : Imo etiam Fratres possunt ex æquitate quadam naturali victum dare operariis suis, aut ex gratitudine; quamquam id frequenter non expediat, facile enim abutuntur eleēmosynis externi, prodigaliter ipsas consummendo, vel etiam scandalifantur, *saltem* indirecte, non æstimantes paupertatem nostram.

### QUÆSTIO XI.

**N**um liceat Fratribus certos habere redditus? *Responsio* : Non licet Fratribus, seu *Formales*, seu *Virtuales* habere redditus, necque ea, quæ ad naturam redditus accedunt, uti sunt Legata perpetua, oves, boves, apiaria, columbaria &c. quæ fructum aliquem constantem in annos, & annos reddunt, quia talia vel mendicitatem tollunt, vel quandam certitudinem præbent.

### QUÆSTIO XII.

**N**um igitur nullô planè modô liceat nutrire oves, boves, columbas &c.? *Responsio* : Non est per se illicitum nutrire aliquot *vgr.* porcos, unum, aut alterum

rum bovem, unam, aut alteram ovem, ad maciandum ad aliquod tempus pro sublevamine rationabili, & congrua necessitate: sed illicitum est dumtaxat similia in magno numero nutrire ad fructificandum, & ad vendendum; nam hoc haberet speciem redditus, sive deinde per Fratres fieret, sive per Sæculares.

### QUÆSTIO XIII.

**A**n Fratres possint permittere se Hæredes institui? *Responsio*: Ex Declarat. Clementis V. Non possunt; quia hæreditas jus quoddam dicit.

### QUÆSTIO XIV.

**A**n legata in Testamentis Fratres audeant recipere? *Responsio*: Nicolaus III. declaravit id licere Fratribus, dummodo modo congruò, & Fratribus licito Legata facta sint. Videlicet *Primò*: Ut per modum puræ eleëmofynæ, sine ullo jure Fratrum facta sint. *Secundò*: Ut res quæ Testamento relinquitur, vel in se usibus Fratrum cedere possit, vel verò ex commissione Testatoris, in rem Fratribus utilem, & necessariam converti.

*Tertiò*: Ut per tale Legatum non tollatur

Fratrum mendicitas, aut ne gravem jacturam patiatur. Quartò denique, ut ex magna quantitate non possit præsumi fieri in fraudem hæredum, ex quo sinister oculus adversus Fratres conciperetur.

### QUÆSTIO XV.

**N**um liceat annum legatum recipere? *Responsio*: Non licet, necque directè, necque indirectè. Non licet *directè*, si legatum fiat in personam Fratrum *vgr.* Relinquo Fratribus quotannis decem mensuras tritici &c. Necque licet *indirectè*, si *vgr.* Hæredibus relinquerentur bona, cum onere dandi Fratribus quotannis decem mensuras tritici &c. nam uterque modus redditum sapit. Quamquam posteriori modo, acceptare possint Fratres Legatum per modum puræ eleëmofynæ, & ad breve tempus, quod passim decem annorum spatiò definitur.

### QUÆSTIO XVI.

**Q**uid si in Legato nulla conditio exprimat? *Responsio*: Tunc juxta Declarationem Nicolai III. supponendum est, Legatum pro Fratribus licitò modò factum. Quodsi verò ex ignorantia Legantis aliqua-

qua illicita conditio apponeretur; possunt hæredes, aut Executores, aut vero Episcopus ipsam mutare; atque si mutare noluerint, abstinendum erit Fratribus à tali Legato.

### QUÆSTIO XVII.

**Q**uid cum peculio, & rebus mobilibus, quæ post Fratres mortuos reperiuntur, seu illas demum apud se habuerint, seu apud alios illicitè depositas? *Responsio:* Pecuniam hoc modo repertam, nullô modô potest Guardianus sibi, aut Fratribus applicare, verum resignanda est in manus Domini, si sciatur à quo Frater habuerit, si verò non sciatur, in manus Episcopi, ut ille prout voluerit, cum talis modi pecunia ordinet. Res autem mobiles, supposito quod Donator non sit contrarius, cedunt in usum ordinis.

### QUÆSTIO XVIII.

**A**n Fratres Minores teneantur ad mendicationem? *Responsio:* Fratres Minores tenentur ad aliqualem mendicationem generatim acceptam, quâ eâ, quæ quovis modô donantur, Ut mendici per modum puræ eleëmofynæ recipiunt; non tenen-  
tur

tur autem ad mendicationem stricte sumptam, quæ fit ostiatim; quamvis & mendicatio ostiaria, ordini Fratrum Minorum multum meritoria sit, & decora.

### QUÆSTIO XIX.

**N**um liceat Fratribus provisiones facere? *Responsio*: Non licet, nisi tunc tantum, cum esset multum credibile ex jam expertis, quod non possent vitæ necessaria aliter invenire. Quapropter Clemens V. tres pro hoc conditiones apposuit. *Prima*: ut non sit timor levis, sed necessitas futura quodam experimento constet. *Secunda*: Ut provisio non tollat omnem omnino mendicationem. *Tertia* denique, ut talis Provisio fiat de Ministrorum, cum Guardiani, & duorum Discretorum Sacerdotum judicio. Peccant proinde, qui non tantum ad annum, sed etiam ad annos sibi provident.

### QUÆSTIO XX.

**I**n quo consistat celsitudo Paupertatis Fratrum Minorum? *Responsio*: In tribus. *Primò*: In omnimoda abdicatione omnis domini, & juris tam ad rem, quam ad usum rei, idque tam in particulari, quam  
in

in communi. *Secundò*: in arctò, & paupere usu rerum, nec non abdicatione omnis superflui, curiosi, ac pretiosi, de quo iudicium facere ad Ministros & custodes pertinet. *Tertiò* demum in eo, quod omnia quæcunque Fratres recipiunt, ut Mendici recipiant, nihil ut debitum, quamvis ex laboritio recipiant.

## QUÆSTIO XXI.

**A**n ex Charitate teneantur sibi Fratres invicem servire etiam in morbis contagiosis? *Responsio*: Utique. nam ordo Seraphicus, ordo potissimum Charitatis est, hinc, si quipiam, tunc maxime Fratres Minores obligantur sibi invicem ad præstanda tam communia, quàm extra ordinaria quæque Charitatis officia, in quibuscunque, etiam contagiosis casibus.

## IN CAPUT SEPTIMUM.

De Casuum reservatione.

## QUÆSTIO I.

**P**enes quos sit potestas reservandi in ordine casus? *Responsio*: Ex vi Regulæ penes Capitula Generalia, vel Provincialia: ex vi autem muneris Postoralis penes

nes Generales quoad totum Ordinem, ac etiam penes Provinciales quoad suas Provincias; ut adeo hac in re Guardianorum constricta sit potestas.

## QUÆSTIO II.

**A**n à recensitis Prælatiis, possint pro libitu reservari quicunque casus? *Responsio*: Non possunt per se, nisi peccata patenter mortalia, & Casus in Decreto Clementis VIII. expressos; *per accidens* tamen possunt etiam alios casus reservare, si vergant in magnum Religionis detrimentum, aut animarum, sed non aliter, quàm Generalis Capituli in toto ordine, aut Provincialis Capituli in Provincia maturâ discussione, & assensu. Penes quod tamen advertendum, ne facile superiores aliquem casum reservent, nisi atrocem admodum, & gravem, ac perniciosam omnino consequentiam induceret. Porro casus in Decreto Clementis VIII. reservati sunt undecim, sequenti ordine: *Primus*: Veneficia, incantationes, & fortilegia. *Secundus*: Apostasia in Religione, sive habitu dimisso, sive retento, quando eo pervenerit, ut extra septa Monasterii, seu Con-

ven-

**V**entûs fiat egressio. *Tertius* : Nocturnus, & furtivus è Monasterio exitus, etsi non fiat animo apostatandi. *Quartus* : tanta proprietas contra votum Paupertatis, quæ sit peccatum mortale. *Quintus* : Lapsus carnis voluntarius, opere consummatus. *Sextus* : Occisio, aut vulneratio, seu gravis percussio, cujuscunque personæ. *Septimus*. Malitiosum impedimentum, aut retardatio, aut apertio Litterarum à superioribus ad inferiores, aut ab his ad illos. *Octavus* : Falsum juramentum in judicio Regulari, seu legitimo. *Nonus*. Procuratio, auxilium, aut consilium ad abortum faciendum post animatum foetum, etiam effectu non secuto. *Decimus* : Falsificatio manûs, aut Sigilli Officialium Monasterii, aut Conventûs. *Undecimus* : Furtum de rebus Monasterii, aut Conventûs in ea quantitate, quæ sit peccatum mortale. Quantum porrò ad horum casuum elucidationem attinet, ea hoc in compendio consultò prætermittitur, cum magis ad Confessarios, quàm alios pertinere dignoscatur, possitque in ipso Marchantio succinctè legi.

QUÆ-



## QUÆSTIO III.

**Q**ualis recursus esse debeât pro casibus reservatis? *Responsio*: Initiô nascentis Religionis tenebantur Fratres ex vi Regulæ pro peccatis publicis reservatis personaliter recurrere, qualis tamen personalis recursus modò non tenet, nisi denuò de novo statuatur. Cæterum pro peccatis reservatis Ministris Provincialibus, tenentur Fratres jure divino ad illos, vel ad eorum delegatos accedere, quamprimum ordinato, & debito modo fieri potest, cum cuilibet incumbat se se à mortali peccato quantocitius expedire.

## QUÆSTIO IV.

**Q**uis possit à peccatis reservatis absolvere? *Responsio*: Soli Prælati Sacerdotes, seu Superiores, quibus talismodi casus sunt reservati, possunt per se, aut per delegatos suos à Casibus reservatis absolvere. Quin imò de consuetudine universali, in quibusdam Provinciis, possunt & Guardiani, ac in eorum absentia Vicarii, seu Præsidentes; decet autem Superiores, ut licentiam ab hujusmodi peccatis absol-  
vendi,

vendi, Confessariis pro quocunque poenitente postulantibus, prompte tribuant.

### QUÆSTIO V.

**A**n Superiores ordinis possint hanc auctoritatem alicui Confessario extra ordinem delegare? *Responsio*: Licet ex vi Regulæ id non sit prohibitum; tamen jure humano cautum est, ne ullus Confessarius Sæcularis, aut Regularis etiam alterius Religionis quantumcunque ab ordinario approbatus, possit Fratrum Minorum Confessiones, invitis eorum Prælati excipere. At hoc etiam haud obstante, potest tamen extraneis subinde per Provinciales Ministros, talis auctoritas delegari ex gravi causa. Quin imò ejusmodi facultas extraneis ipso facto concessa censetur, quoties Frater Minor ex Privilegio, licite extra ordinem confitetur, puta in casibus necessitatis, *vgr.* in articulo mortis, in gravi infirmitate, in itinere, ac dum ad Confessionem obligatur, & deest sui ordinis Sacerdos, dumodo id in fraudem non fiat, sed vel ex communi praxi cum legali superioris consensu, vel si id communiter non

Q

ad-

admitteretur, saltem cum præmonitione facta superioris ante iter adgressum.

## QUÆSTIO VI.

**A**n Superiores Ordinis possint absolvere à casibus Papæ reservatis? *Responsio*: Possunt, exceptis quatuor, pro quibus merito ad Sanctam Sedem recurrendum esset. *Primò*: Si sint hæretici relapsi. *Secundò*: Si Schismatici: *Tertiò*: Si falsificatores Litterarum Apostolicarum. *Quartò* denique: Si Delatores prohibitorum ad infideles. In hoc puncto porrò, Superiorum nomine intelliguntur non tantum Provinciales, sed etiam Guardiani, ac in horum absentia Vicarii, vel Præsidentes.

## IN CAPUT OCTAVUM.

### De Ministro Generali.

## QUÆSTIO I.

**A**n plures possint esse simul Ministri Generales Ordinis Minorum? *Responsio*: Ex vi Regulæ non possunt; qualiter autem nunc sint Generales juxta diversas Reformationum familias, dictum est in Caput primum.

QUÆ.

## QUÆSTIO II.

**Q**uid de Fraternitate ordinis, & ejus scissione? *Responsio*: Sanctus Pater FRANCISCUS Ordinem à se institutum vocat Fraternitatem, ut qui in illum coopantur, semper memores vivant communis vinculi charitatis. Symbolum vero Speciale hujus Fraternitatis est: **ALTISIMA PAUPERTAS** de qua supra. Per hanc enim non solum ab alio quovis ordine, sed & filii S. Francisci ab invicem, veri scilicet à falsis, discernuntur. Num autem omnes, qui sub ordine Fratrum Minorum, & S. Francisci Regula militant, ad hanc Fraternitatem æquè pertineant? qui scire voluerit ex assè, relegat historicam narrationem, quam in hoc ipsum *Caput octavum* Pater Marchantius, à prima Cæsarenorum reformatione, usque ad tempora Leonis X. exquisitè deducit.

De Electione, & Depositione Generalis Ministri.

## QUÆSTIO I.

**N**um Generalis Minister debeat esse perpetuus? *Responsio*: Ex verbis illis Regulæ: *Quo decedente &c.*: videretur

Q 2

quod

quod sic; lex ordinatione tamen summorum Pontificum, jam nullus potest ultra sexennium Ordini præesse, nisi specialis accedat dispensatio.

## QUÆSTIO II.

**A** Quibus, ubi, & quomodo eligendus sit Minister Generalis? *Responsio:* Minister Generalis eligi debet ex vi Regulæ à solis Ministris Prouincialibus, & Custodibus, aut eorum vices gerentibus & quidem in Loco Capituli Generalis ubicumque à Ministro Generali fuerit ordinatum: nècque alio tempore quantum tenor Regulæ exprimit, quàm in Pentecoste, sive sabbatho pentecostes. In quantum quidem personas eligentium concernit, variæ jam sæpius factæ sunt mutationes, eo tamen semper in indisputato consistente, quod penes quoscunque electio stat Ministri Generalis, penes eosdem & maneat ejusdem depositio, si majori saltem parti constaret de ejusdem insufficientia, aut nimia onerositate &c.

## IN CAPUT NONUM.

De Prædicatoribus.

## QUÆSTIO I.

**A**n Prædicatores Ordinis Minorum, debeant ex vi Regulæ ab Episcopis approbari? *Responsio*: Cum ex vi Regulæ sufficiat, ut eis non contradicatur, sequitur quod Fratres Minores ad prædicandum, approbationem ab Episcopo ne quidem petere teneantur. Ex præscripto nihilominus Concilii Tridentini prætenditur approbatio ab Episcopo, ut in Ecclesiis quæ sui Ordinis non sunt prædicent, quamvis pro Ecclesiis sui ordinis sufficiat si Benedictio ab Episcopo dumtaxat petita fuerit. Penes quæ singula tamen advertendum, quod Concilium Tridentinum non ubique sit æqualiter receptum.

## QUÆSTIO II.

**N**um de sola Parochi licentia fratribus Minoribus prædicare liceat? *Responsio*: secundum Roderiquez licet Parcho bis, tève dare licentiam Concionatori notori è docto ad prædicandum in sua Ecclesia absque Episcopi Licentia, & approbatione.

## QUÆSTIO III.

**A**n nunquam liceat prædicare contradicente Episcopo? *Responsio*: Nunquam, nisi majore puta summi Pontificis autoritate fulciatur. Quodsi verò concedente Episcopo Parochus contradicat, liberum erit Fratri Minori prædicare contra voluntatem Parochi; ast nihilominus cedendum esset ex modestia contradicenti, juxta monitum S. Bonaventuræ, ne scandalum oriatur.

## QUÆSTIO IV.

**Q**uis Superior in ordine approbare possit Prædicatores? *Responsio*: Ex tenore Regulæ, solus quidem Generalis ordinaria potestate id potest. Ast ampliatio Fratrum numerò, concessa est hæc potestas Ministris Provincialibus, non tamen solis, sed cum Diffinitoribus simul. Ita Nicolaus III. quamquam Julius II. etiam solis Ministris perse istiusmodi facultatem attribuerit. Cæterum verò ad prædicationem deputandi prius examinari debent, ut constet de eorum idoneitate; super quo admittentium conscientia onerantur.

QUÆ-

## QUÆSTIO V.

**Q**ualiter Fratres debeant prædicare ?  
*Responsio* : Quinque potissimum conditiones, quas S. Franciscus in prædicatione suorum Fratrum requirit, sollicitè observari debent, *Prima* est: ut sint examinata eorum eloquia, id est, debito studio, ad regulas artis composita; non ex improvviso, temerèque sinè ulla deliberatione prolata; aut verò confarcinatè hinc inde ex libris conscripta, sine ulla connectione, aut solidæ doctrinæ deductione; utque eloquia eorum non sint nimium nova, aut suspecta, aut fors planè erronea. *Secunda* Ut sint Casta; non impudica, non scurrilia, non otiosa, non ad risum provocantia. *Tertia* : Ut sint ad ædificationem, & utilitatem populi, non ad fastum, & vanitatem, aut quæstum prædicantis. *Quarta* Ut annuntient vitia, & virtutes, pœnam & gloriam, id est doctrinam moralem. *Quinta*: denique, ut fiant cum brevitate Sermonis, id est concisè, & clarè, quantum necessarium est ad propositæ doctrinæ deductionem, sinè extravagentibus ac superfluis cogitatibus, qui tedium potius, quàm motum pariant in auditoribus.

Q4

IN



298 COMPENDIUM COMMENTARII  
IN CAPUT DECIMUM.

De Munere Seu Officio Superiorum.

QUÆSTIO I.

**Q**uotduplicia munia sint superiorum?  
*Responsio:* Quadruplicia, videlicet:  
Vilitare, monere, Corrigere, & præcipere.

Ad quæ quatuor munia obligantur superiores non tam ex vi Regulæ, quàm jure divino, & naturali, ita, ut mortalem culpam incurrant toties, quoties ex horum defectu, malum aliquod graue subdito, aut relaxationem in Ordine euenire contingat.

QUÆSTIO II.

**Q**uid Præcepti nomine intelligatur?  
*Responsio:* Multiplicia sunt præcepta Fratrem minorem concenentia. Nam vel sunt præcepta Regulæ, & hæc obtinent vim legis, ac obligant semper, ita ut deliberata transgressio sit mortalis si fiat contra præceptum inexcusabiliter, & contra totum finem præcepti, & nisi leuitas materiæ excuset.

Vel sunt præcepta ex Declarationibus Pontificum, & tunc legis quidem etiam vim habent, sed declarativæ duntaxat, ut a deo sub mortali non obligent, nisi quatenus

tenus vel præceptum Regulæ graviter obligans, explicant, uel quatenus in præcepto Regulæ sub mortali obligante, virtualiter continentur. Vel denique sunt præcepta duntaxat Superiorum, quæ nunquam ad vim legis perpetuò obligantis assurgere possunt; sed obligant solum quamdiu durat officium talis superioris, per modum simplicis mandati, aut verò per modum statuti, secundum qualitatem materiæ & intentionem præcipientis. Legis enim, & statuti, seu præcepti juxta bonam moralem Theologiam magnum discrimen est, nèque omnis qui præceptum, seu statutum condere potest; potest similiter ferre legem: Quare in hoc puncto bona doctrina Moralis consulenda est.

### QUÆSTIO III.

**N**um Pontifex dispensare possit in Præceptis Regulæ? *Responsio*: Etsi hoc Pontifex absdubiè possit, non tenerentur tamen Fratres Minores talismodi dispensationem acceptare, nisi Pontifex dispensationi præceptum adderet.

## QUÆSTIO IV.

**A**n idem possint Superiores? *Responsio*: S. Bonaventura probè præcepta Regulæ in tres classes distinguit; alia quippe sunt præcepta *manifesta*, & *eminentia*, qualia sunt principalia illa octo inhibitoria: alia sunt his primariis *æquipollentia*, & alia sunt tantum præcepti *vim habentia*.

In præcepta primi, & secundi generis, nulla cadere potest dispensatio autoritate superiorum; in præceptis tamen tertii generis dispensare possunt superiores ex causa rationabili, & pro casu quopiam particulari, attenta scilicet utilitate siue corporali, siue spiritali, particulari, aut etiam cōmuni: Hujusmodi sunt pluralitas tunicarum, utilitas uestium, usus calceamentorum, &c.

## QUÆSTIO V.

**A**n superior possit quidpiam præcipere sub peccato mortali? *Responsio*: Potest etiam ultra ea, quæ in Regula continentur; sed pro hoc duo requiruntur, intentio nimirum præcipientis cognita, & materiæ gravitas. Materiæ gravitas attenditur penes gravitatem mali, quod secus eveniret, aut gravitatem boni, quod secus eman-

emaneret, & relinquitur prudenti judicio præcipientis. De intentione verò Prælati constabit subdito, si peccatum mortale expresserit, vel præcipiat per Obedientiam, vel sub excommunicationis poena. Jam verò si superior perse potest sub reatu culpæ mortalis præcipere, sequitur quod statuta ordinis, quæ à toto Corpore fiunt multò magis obligare possint ad culpam mortalem, pro quo in ipso commentario Patris Marchant plura legi possunt, tam quoad obligationem præceptorum, quæ sunt *contra, præter, & supra* Regulam, quàm quoad prohibitionem Libertatum Regulæ, ac impositionem dispensationum sub præcepto, & quoad multas pulchras cautellas pro superioribus.

## QUÆSTIO VI.

**I**n quibus Fratres Superioribus obedire teneantur? *Responsio*: In omnibus, quæ Superiores legitimè præcipiunt, & eò planè modò quò præcipiunt, illis duntaxat exceptis, quæ contra animam, aut Regulam esse dignoscerentur: In casu porrò quo dubitaret subditus, num præceptum sit contra animam, aut Regulam, teneretur stare superioris judicio. De

## De Recursu ad Ministros.

## QUÆSTIO I.

**Q**uando Fratres possunt recurrere ad Ministros? *Responsio*: *Primò*: Si in uno loco Spiritualiter Regulam observare non possunt; Et *Secundò*, si hujusmodi impossibilitatem verè sciant, & sine tergiversatione cognoscant.

## QUÆSTIO II.

**Q**uandonam censeantur Fratres non posse Regulam spiritualiter observare? *Responsio*: tunc generaliter, quando ratione loci, vel eorum qui in loco sunt, contra animam, & Regulam, ac ejus puritatem peccare cogentur, aut uero propter continua incentiua, forent in continuo peccandi periculo, ut *Vgr.* si loco esset annexa proprietas, uel continua cura animarum, obligatio proles baptizandi, societas nimia, & facilè praua cum mulieribus, aut his similia. Circa quod tamen advertendum *Primo* quod si non oriatur periculum peccati ex parte loci, siue ex ipsa natura occasionum in tali loco existentium! sed fors duntaxat ex fragilitate, & malitia Fratris: non esse locum tunc recursum.

*Secun-*

*Secundò*: Ministrum non teneri ad annuendum Fratribus, ex leuitate, uel malitia fingentibus occasionem recursûs ut scilicet sensualitati per opportunionem locum satisfacere possint. *Tertiò* denique, Non debere Fratrem recurrere, vel audiri ob solam perfectionem supererogatoriam, quam sibi alibi maiorem proponeret.

### QUÆSTIO III.

**A**n istiusmodi recursus sit simpliciter necessarius? *Responsio*: Toties non est necessarius, quoties inferiores officiales, mederi posse, & uelle uidentur grauamini recurrere uolentis Fratris. Imò toties non est opus Fratri personaliter recurrere quoties aliàs per nuntium, uel literas, sufficienter malo obuiari potest; quoti enim nulla alia modalitate mederi posset, tunc seruâtâ statutorum ordinis formâ, liceret recurrere.

### QUÆSTIO IV.

**Q**ualiter Ministri recipere debeant ad se recurrentes? *Responsio*: Benignè, charitatiuè, & cum familiaritate, ut ( iuxta S. Bonauenturam Benignitas in vultu, Cha-

Charitas in corde, ac omnis omninò familiaritas in Sermone elucescat.

De Studio Litterarum.

### QUÆSTIO I.

**A**n liceat Fratribus intendere Studio Litterarum? *Responsio*: Utique licet, inò commendabile est, nam admonitio illa Sancti Patris (*Et non current nescientes litteras, litteras discere*) tangit duntaxat specialiter Laicos, quorum vocatio cum studium non requirat, ab eis studendi tentationem procul arcere voluit; deinde damnat tantum omnium, non tam studium, quàm inordinatum studendi modum, qui videlicet orationi, aut devotioni impedimentum præstaret.

### QUÆSTIO II.

**A**n Oratio mentalis Fratribus Minoribus vi Regulæ præcipiatur? *Responsio*: non præcipitur ex vi Regulæ sed est ex mente Diui Francisci tamquam maximi momenti consilium, ut adeo illam Frater Minor magnopere intendere debeat, cum in ea totius perfectionis spiritualis cardo consistere uideatur.

IN

IN CAPUT UNDECIMUM  
De Suspectis Consortiis, & Consiliis.

## QUÆSTIO I.

**Q**uid nomine suspecti Consortii prohibeatur? *Responsio* : Hoc nomine prohibentur cuncta consortia, uel colloquia, quæ esto in se mala non essent, atque ab omni impudicitia aliena, sed tamen sunt cum sequiori sexu talia, quæ in aliquo, uel aliquibus nata essent generare impudicitiae suspicionem. Porro suspicio oritur ex uariis circumstantiis. *Primò*: ex loco, si sit solitarius, & obscurus. *Secundo*: ex tempore, utpote nocturno. *Tertio*: ex modo, ut si quis uersetur solus cum sola. *Quartò*: ex gestu, ut si sit dissolutio, uel nimia propinquitas. *Quintò*: ex quibusdam actibus, ut si aspectus fixi, & incontinentes sint, uerba dissoluta, aut immunditiam sapientia, uel æquivoca, tactus manuum, joci nimii &c. *Sextò*, ad suspicionem etiam facit ætas, & conditio tam mulieris, quam loquentis; ac *Septimò*: etiam nimis magna frequentia ipsius Confessionis, ac aliorum colloquiorum. Penes quod notandum, quod non solum  
inter



inter præsentēs per Colloquia, sed etiam inter absentes per litteras, aut inter nuntios dari possint, quemadmodum immunitatis incentiua, ita & suspicionum objecta.

### De Ingressu Monasteriorum Monialium.

#### QUÆSTIO I.

**Q**uid intelligatur nomine ingressus? *Responsio*: Quidquid *Antonius Corduba*, & quidam fors alii circa hoc sentiant, rationabilius tamen est ingressum cum accessu confundi non posse, ut adeo per ingressum ex Regula prohibitum, introgressus dumtaxat intra Monasterium intelligatur, non autem *simplex accessus* ad portam, ad Crates, ad cubicula collocutoria, aliaque loca externa Monialium.

#### QUÆSTIO II.

**Q**uid intelligatur nomine Monasterii? *Responsio*: Intelligitur ipsum dumtaxat internum Claustrum, domus, ac officinae interiores, in quibus Moniales regulariter vivunt, ut, secundum communem consuetudinem habentur *Dormitoria*, & *Oratoria*, ubi à Domitoriis sunt separata,

rata, *Refectoria*, item, ac *Operatoria*; non autem loca illa, ad quæ communiter quibuscunque Sæcularibus licitum est accedere.

### QUÆSTIO III.

**Q**uot Moniales constituent Monasterium? *Responsio*: Satis est, si tres, aut quatuor Monachæ, seu Moniales (idem enim per utramque compellationem sumitur) vitam Regularem ab Ecclesia approbatam profitentes, aliquem locum inhabitent; nam tot ad inchoativum saltem Monasterium sufficiunt.

### QUÆSTIO IV.

**Q**uid si una Monialis alicubi inclusa vivat? *Responsio*: Ad illam vi Regulæ non esset prohibitum Fratri Minori ingredi; sed posset tamen prohiberi, si motiva adessent suspecti consortii, ceu ex altero Regulæ præcepto.

### QUÆSTIO V.

**A**n in aliquibus casibus licitum sit Fratribus Minoribus Monasteria Monialium ingredi? *Responsio*: Est licitum semper, & quoties illi casus emergunt, in  
R qui-

quibus Sedes Apostolica ingressum declaravit esse licitum, sunt porro sequentes. *Primò*: Quoties ratio *veræ necessitatis* id exigit *vgr.* ad incendium extinguendum, ad fures, vel Latrones repellendos, ad quasvis violentias propulsandas, ad phreneticam continendam, aut ad infirmæ succurrendum per quodcunque obsequium necessarium, & ad alias denique similes operationes *necessarias* præstandas.

*Secundò*: Quoties id exposcit ratio *Gravis utilitatis* Monialium, *vgr.* pro aliquo labore, seu opere dirigendo, vel pro aliqua opera, industria, aut obsequio multum Monialibus utili præstando, denique pro omni tali negotio, ratione cuius Sæcularis intra Monasterium ex Privilegio Pontificio ingredi potest, potest similiter Frater Minor intromitti simili Privilegio.

*Tertiò*: Quoties administrandorum Sacramentorum, & Sacramentalium ratio ingressum exigit. Atque taliter intrare possunt, quibus ex officio, vel speciali delectu competit Confessiones infirmarum decumbentium audire, Eucharistiam, &

Ex-

Extremam Unctionem ministrare, Exorcismos adhibere, sepulturam facere, & aliquas benedictiones, quæ extra clausuram fieri non possunt.

Quartò denique, ex Leone X. possunt Confessarii Monialium S. Claræ (*Ordinarii, vel delecti*) aut Superiores ingredi ad celebrandam Missam coram infirma, quando multo tempore ob ægritudinem Missam audire non potuit, & eam audire desiderat, modò sese malitiose non detinendo rectà vadat, & redeat Missâ absolutâ. Penes quæ probe advertendum, quod Pater Marchantius, Confessarii *socii Sacerdotis*, non Laici mentionem faciat, ut adsint agonizanti, unus enim sæpè non sufficit, & Laicus in tali casu nil oppitulari potest.

## QUÆSTIO VI.

Utrum Fratribus Minoribus prohibitum sit ad loca exteriora Monialium accedere, ut sunt porta, Crates, domus Locutorii &c. ? *Responsio* : Nullum est præceptum Regulæ, nullum etiam Præceptum Pontificium, aut Ordinis statutum in vigore, ratione cujus sub culpa Fratribus

R 2

Mi-

Minoribus Uniuerſaliter prohiberetur etiam *formaliter* accedere ad omnia ea loca exteriora Monialium, ad quæ quicumque alii Sæculares paſſim accedunt, cum ( *Ut Sanctorius & P. Kilianus Kaczenperger in ſua expoſitione* ) Fratres vi Regulæ ſuæ, non poſſint eſſe deterioris conditionis, quam Sæculares; cumque ſtatuta, aut Decreta Pontificia, quæ ſimilia fuerant, ſcilicet, prohibentia, revocata ſint, per *Sixtum IV. in Bulla quæ incipit: circumſpecta Sedis Apoſtolicæ*; illa autem, quæ poſteriùs emanarunt, aut ubique promulgata non ſint, aut non ubique recepta, aut certè non ſub culpa obligantia. Quare ne confuſiones ſuboriantur, ex hoc, aut illo ſtatuto; hac, aut illa Conſtitutione Pontificia, attendendum eſt: An quæ emanarunt à Sede Apoſtolica, ſint comuni doctorum, & timoratorum conſuetudine, & uſu recepta? & num cauſa Conſtitutionis Pontificiæ pro tali, vel tali monaſterio perinde ſubſiſtat? *Inordinatus* tamen accèſſus, in quibuſdam Provinciis prudenter prohibitus eſt.

QUÆ-

## QUÆSTIO VII.

**Q**uid si contra præceptum Superiorum quis accedat? *Responsio*: Ex natura sua talis accessus, solum peccatum veniale erit; sed tamen ex tenore præcepti, aut intentione prohibentis, posset esse peccatum mortale, si scilicet Superior rationem haberet sub mortali prohibendi, puta ratione suspecti consortii; quamvis ad talismodi suspicionem concipiendam longè graviora motiva adesse debeant, quàm ad concipiendam ex conversatione cum personis Sæcularibus.

## De Compaternitate.

*Quæstio unica*: An omnis omnino compaternitas Fratribus sit prohibita? *Responsio*: Duplex cum sit, una ex parte Baptizantis: altera ex parte Levantis: Prior ex charitate non prohibetur: altera verò prohibetur propter scandalum: atque hoc intelligendo de baptismo infantium, non de confirmatione Fratrum.

## IN CAPUT DUODECIMUM.

## De Missione Fratrum ad Infideles.

## QUÆSTIO I.

**A**n volentes ire ad Infideles, licentiam debeant à Ministris petere? *Responsio*:

*sio*: Quamvis sit in libertate Fratrum vel-  
le ire, vel non ire ad infideles, etiam po-  
sita inspiratione divina, ire tamen non  
possunt sine Ministrorum Provincialium  
licentia, quam Generales arctare possunt.

## QUÆSTIO II.

**Q**uæ idoneitas in eiusmodi Fratribus re-  
quiratur? *Responsio*: Ex Sancto Bo-  
naventura, tales Fratres idonei sint, id est  
sufficienti scientiâ præditi, robusti corpo-  
re, constantes in fide, probati, & sem-  
per irreprehensibiliter conversati.

De Protectore Ordinis.

## QUÆSTIO I.

**A**n omnes Ministri teneantur petere Pro-  
tectorem? :*Responsio*: Deficiente Ge-  
nerali Ministro in officio petendi, tenen-  
tur petere Ministri Provinciales. Quod si  
verò Pontifex renuat, Fratres facta peti-  
tione satisfecerunt præcepto.

## QUÆSTIO II.

**Q**uæ sit autoritas Protectoris in Ordi-  
nem? *Responsio*: Autoritas Prote-  
ctoris ad tres casus est restricta: nimirum  
in *hæresi*, quando deviant Fratres, vel  
Re-

Religio ab unitate fidei. *In Schismate*,  
 si recederent ab obedientia erga summum  
 Pontificem, seu Ecclesiam. Et postre-  
 mò *in relaxatione* Religionis, si nimirum  
 omnes, seu totum corpus decli-  
 naret ab Observantia  
 Regulæ.





**Ex Declarationibus Summorum  
Pontificum NICOLAI III. & CLEMEN-  
TIS V. super Regulam Fratrum  
Minorum.**

**EX NICOLAO III.**

1<sup>mò</sup>. **Q**uamvis in Regula sit, ut *Fra-  
tres servant Sanctum Evāgeli-  
um*; ad illa tamen solummodò Consilia E-  
vangelica obligantur, quæ in Regula præ-  
ceptorie, seu inhibitorie sub verbis æqui-  
pollentibus exprimuntur.

2<sup>dò</sup>. Præceptum Regulæ : *ut Fratres ni-  
hil sibi approprient*, non intelligitur tan-  
tùm in particulari; sed ut etiam in com-  
muni nihil sibi proprium faciant.

3<sup>tiò</sup>. Ex hoc Fratres Deum non tentant,  
uod omnium rerum Dominio se abdi-  
cent, cum triplici illis modo vivere lici-  
cum sit. Nempe 1<sup>mò</sup> ex sponte oblati-  
t<sup>2dò</sup> Ex mendicatis. 3<sup>tiò</sup> Ex laboritio:  
nec ideo se privant rebus necessariis, cum  
illis licitus sit usus necessariorum.

4<sup>tò</sup>. Proprietas rerum eis datarum, et-  
licitarum spectat ad Romanam Ecclesiam,  
& summum Pontificem, nisi sibi Dona-  
tarius reservasset.

5<sup>tò</sup>.

## EX DECLARATION. PONTIFIC. 285

5<sup>to</sup>. Loca, quæ plurium eleëmofynâ, aut empta, aut ædificata pro Fratribus, aut à pluribus in communi, vel particulari absquè proprietatis titulo Fratribus data, aut donata sunt spectant propriè ad Sedem Romanam.

6<sup>to</sup>. Dum Monasteria, aut loca à certis personis, vel à certa quadam communitate ædificata, & Fratribus ad placitum tradita sunt, possunt Fratres inibi habitare, donec istis donantibus placuerit; dum autem eisdem, ut Fratres diutius ibi morerentur, non placuerit, similia loca deserant; quia Pontifex eorundem non habet proprietatem, nisi specialiter cum illius consensu, & permissu fecissent accepta.

7<sup>mo</sup>. Ecclesiæ Oratoria, Cæmeteria, & singula ad hæc pertinentia; quocunque tandem titulo Fratribus sint tradita, sunt Romanæ Sedis.

8<sup>vo</sup>. Fratribus non est licitus rerum omnium usus, adeoque nec superflua suppellex, nec aliæ res superfluæ, vel sub specie Providentiæ, seu provisionis in futurum, aut sub titulo divenditionis, aut distractionis; sed in omnibus eluceat pau-

pertas, & quod suarum rerum non sunt Domini; sed nudæ necessitati deserviant.

9<sup>mò</sup>. Solorum Ministrorum, & custodum decernere est, quæ sint necessaria, nec ne? Ideoque ipsi Fratribus provideant secundum loca, tempora, & personas; ita tamen, ut in omnibus Sancta Paupertas elucescat.

10<sup>mò</sup>. Fratres non possunt pecuniam mutuò accipere, sed deficiente eleëmofyna, & præsentē defectu rerum, quas mendicatò accipere non queunt, poterunt hunc defectum, seu rem necessariam ab alio interim accipere, dicendo, quod omnes vires impendere velint, ut solvatur; ita tamen, ut nullò modò stricte, & propriè se obligent. Postmodum poterunt commodè suam necessitatem suo amico spirituali aperire rogando, ut vel ipsemet pro ipsis illud debitum vellet exsolvere, vel per alium (nullò tamen nominatò) exsolvi locò sui facere.

11<sup>mò</sup>. Quod si Benefactor, aut non posset illud in propria persona, exsolvere, vel ipsemet sua sponte ad id faciendum denominare, & committere alteri, poterunt Fratres tutâ conscientia ei quemdam

clam proponere, qui id muneris in se suscipiat.

12<sup>mò</sup>. Pecunia, quam substituti (id est quibus à Benefactoribus commissæ est) aut Syndici pro Fratribus præ manibus habent, semper adhuc est donantium cum pleno jure, ita, ut juxta beneplacitum repetere possint, quousque pro necessitatibus Fratrum non fuerit expensa.

13<sup>tio</sup>. Fratres nullum omninò Jurisdictionem, aut potestatem habent in suum substitutum qui pecunias locò aliorum expendit, nec possunt eum ad judicium citare, aut contra eum jus dicere; sed ipsi tantum necessitatem aperire possunt rogando, quatenus dignaretur ei providere: possunt quoquè eum monere, & movere eatenus, quatenus voluntati Benefactorum satisfacere, & cum pecunia ita disponere vellet, sicut ei fuit demandatum.

14<sup>tò</sup>. Si similis substitutus, aut renueret, aut ex infirmitate, absentia, distantia locorum, vel alio quocumque tandem impedimento non posset in propria Persona necessitati Fratrum satisfacere, sicquè alium locò sui à Fratribus denominari cup-

pe-

peret, poterunt eidem alium proponere, qui ejus officium ageret. Hoc ipsum possent cum tertio, & quarto facere, donec tandem pecunia in licitos usus fuerit conversa: quod idem cum imminentibus necessitatibus observandum est.

15<sup>to</sup>. Quod si in Principio alicujus actionis, & necessitatis adverteretur, pecuniam per multorum manus exigentibus ita circumstantiis devolutum iri, Fratres, si tamen possibile fuerit, à donante postulent, ut tot substitutos accipere sibi liceat, quot ad id negotii necessarii fuerint.

16<sup>to</sup>. Si Fratres hunc Ordinem, & methodum servaverint, nullò penitus modo transgressores, & suæ Regulæ violatores teneri possunt, nec argui pecuniam accipere; cum eam nec sibi approprient, nec tangant.

17<sup>mo</sup>. Si Dominus pecuniarum moretur, prius autem substituto insinuasset, ut liberè pecuniam pro Fratribus expendat, seu vivat ipse, seu moriatur, poterit substitutus à Fratribus requiri, ut pecuniam præfatam pro hac, vel hac necessitate expendat, etiam contra hæredum voluntatem.

18<sup>vo</sup>.

18<sup>vo</sup>. Si igitur è Benefactoribus quipiam aliquam eleëmofynam pro Fratribus dederit, poterit ab iis requiri, ut dum ultra eam necessitatem quid remanserit, licentiam det illam restantiam, in alias necessitates convertendi, casu quo hoc renueret, eidem residuum restituatur.

19<sup>no</sup>. Fratres scienter non plus mendicent, quàm necessarium sit.

20<sup>mo</sup>. Si Fratribus pecunia offertur absquè denominatione ad quos usus: intelligendum est, eam specificato mox modo expendi debere.

21<sup>mo</sup>. Si Fratribus quid legatur, quod iis non liceret, *vgr.* agri, vineæ colendæ, domus, eam non accipiant, ut colant, & usum fructum habeant, quod si ita legatur ut ea distrahant, & in licitos usus convertant, posterunt specificata accipere, si indigent, servato tamen ordine supra fato.

22<sup>dò</sup>. Si quid simpliciter illis legatur, absquè specificatione ad quos usus, omnimodè modò specificato ordine intelligatur.

23<sup>tiò</sup>. Quod si hæredes, aut executores Testamenti in exequendis debitis, legatis,

gatis, aut implenda ultima voluntate testantium erga Fratres forent refractarii, possent tam à Spirituali, quàm Sæculari superioritate, cujus potissimum de jure interest, modò nobis per Regulam licitò, ad id compelli.

24tò. Mobilia ( quorum Dominium à donantibus non est reservatum ) possunt cum licentia Generalis, aut Provincialis in alia necessaria commutari.

25tò. Si quid tamen foret vendendum, id fiat per Syndicum Apostolicum, qui prætium recipiat, & postmodum expendat, prout necessitas Fratrum tulerit, ut prius declaratum.

26tò. Possunt Fratres res leves cum licentia suorum Prælatorum donare, tam inquam extra ordinem, prout in Generali, aut Provinciali Capitulo fuerit ordinatum.

27mò. Quamvis in Regula dicatur, quod Fratres tantum habeant unam tunicam cum, & aliam sinè capucio; possunt tamen Ministri eis plures concedere, si juxta necessitatem, & alias circumstantias eis in Domino ita visum fuerit expedire, cum ita Regula dicat. *Cap. 4.*

28vò.

28<sup>va</sup>. Ministri, & Custodes possunt curam infirmorum, & vestitus Fratrum aliis committere, & quibus commissum hoc fuerit, tenentur obedire.

29<sup>na</sup>. Fratres qui servitio rerum Divinarum, studiis, aliisque ordinis servitiis, uti & vita contemplativa potissimum occupantur non tenentur laboritio corporali; hènè autem ii, qui prædictis occupati non sunt.

30<sup>ma</sup>. Prædicationis officium possunt etiam Provinciales Ministri in Capitulis Provincialibus cum Diffinitorio concedere, dare & iterum accipere quando id eis videbitur expedire.

31<sup>ma</sup>. Potestatem, quam habent Ministri Provinciales alios ad ordinem suscipiendi, possunt Generales restringere & arctare; Vicarii Provinciales autem ex officio Vicario non gaudent potestate alios suscipiendi, nisi eis specialiter Commissa fuisset per Ministros, qui hoc etiam aliis possunt committere. Nec indiscriminatum, & passim homines accipiantur ad ordinem, sed ii qui prævidentur, & judicantur ordini profuturi.

32<sup>da</sup>.



32<sup>dò</sup>. Quod Fratres non ingrediantur Monasteria Monacharum, intelligitur de omnibus Monasteriis fœminarum, & per Monasterium intelliguntur ambitus, & loca interiora; quo enim alii Sæculares licitè accedunt, etiam Fratres prædicationis, & eleëmofynæ ergò, cum licentia suorum superiorum accedere possunt, exceptis tamen semper Monasteriis ut dictum est.

33<sup>tiò</sup>. Testamentum S. Patris nostri non tenentur Fratres sub mortali servare, cum S. Pater illud fecerit absquè consensu Ministrorum Ordinis, & nullam potestatem habuerit in suos successores in Officio Generalatûs.

## EX CLEMENTE. V.

1<sup>mò</sup>. **F**ratres non tantum sunt obligati ad tria vota essentialia, sed etiam ad omnia illa expressa in Regula, quæ conducunt ad hæc tria vota servanda.

2<sup>dò</sup>. Non omnia, quæ in Regula imperativis verbis posita sunt, obligant sub præcepto, id est, peccato mortali, esto Fratribus utile sit se ob puram Regulæ Observantiam ad illa servanda obligatos agnoscere, & censere.

3<sup>tiò</sup>.

3<sup>tio</sup>. Æquipollentia verò præcepto in Regula, hoc est, quæ æquali vi sonant cum præcepto, obligant ad peccatum mortale.

4<sup>tio</sup>. A toto Ordine in communi semper tenebatur, quod ubi hæc vox (*teneantur*) posita est, aquipolleat præcepto.

5<sup>tio</sup>. Fratres non inducant, & persuadeant, ut Novitii de rebus suis temporalibus aliquid sibi relinquunt, aut dispartiantur, nec non à dandis circa distributionem consiliis abstineant, cum pro hoc ad timentes Deum statûs alterius mitti debeant. Si tamen Novitiûs vellet Fratribus, sicut aliis pauperibus de suo sponte quid offerre, possunt illud Fratres pro sua necessitate, ut superius de pecunia dictum est, accipere, ita tamen parcè, ut Fratres judicari non possint, plus ad temporale suum bonum, quam ad animarum suarum salutem attendisse.

6<sup>tio</sup>. Fratres similibus vestimentis induantur, quæ juxta usum, & consuetudinem Provinciæ, seu illius patriæ, ubi morantur, habentur pro vilibus, & abjectis. Hoc autem discernere erit Ministrorum, quorum conscientia incumbit, uti & judicare,

re, in quali necessitate Fratres calceamenta portare possint.

7<sup>mò</sup>. Fratres, nisi esse vellint violatores suæ Regulæ, non habeant recursum ad pecuniam, nisi eò modò, prout à Nicolao III. declaratum fuit, ac in priori summario expositum.

8<sup>vò</sup>. Non licet Fratribus mendicare pecuniam, nec tale offertorium, seu oblatum pecuniarium accipere, quod in Ecclesia offertur, nec in hunc finem aliquem cippum tenere.

9<sup>nò</sup>. Non possunt Fratres recursum habere ad pecuniam, nec in itinere, nec in aliis locis, excepta necessitate infirmorum, & vestimentorum Fratrum, & pro aliis necessitatibus, quæ his sunt similes, & si mendicatò eis satisfieri non posset, quod si Fratres per substitutos quidpiam expendere vellent, ita se gerant, ut omnibus appareat, se nullam proprietatem, & dominium in illam pecuniam habere.

10<sup>mò</sup>. Non est licitum Fratribus demandare, quomodo pecunia sit expendenda, nec computus, aut rationes exigere, seu accipere possunt, nec quidquam superflui mendicare, nec pecuniam ad u-  
sum

sum exponere, nec exponi facere, minus cistas, vel claves pro conservatione tenere.

11mò. Fratres nullius hæredes esse possunt, nec hæreditatem accipere: siquid ipsis legaretur; aut relinqueretur, non concedant, ut per modum legati tantum ipsis relinquatur, ut in suspensionem venire possint, quod sub sistemate legati suam hæreditatem obtineant, nec similia legata ullo modo accipere possunt.

12mò. Non possunt Fratres habere annuos redditus, sicut nec possessiones, vel etiam eorum usum, neque valent sua in causa coram iudice comparere sæculari.

13tò. Non possunt Fratres ullum testamentum exequi, neque illud urgere, sed hominibus solum consilio esse queunt, quomodo circa testamentum sit procedendum.

14tò. Non habeant Fratres superfluos hortos, nec vineta, nec fundos excolendos habeant, ut fructus inde perceptos possint distrahere, aut distrahi facere.

15tò. Neque frumentum, neque vinum in horrea, aut cellaria congregata habeant, ubi se possunt quotidiana Elleëmofyna

syna nutrire, & intertenere, nisi manifestum foret, Fratres secus ali non posse nisi simili prævia provisione: & hoc stet in conscientia, & iudicio Ministrorum, & Prælatorum.

16to. Fratres nullam Ecclesiam ædificent, nec suscipiant, vel alia id genus ædificia, quæ consideratô numerô Fratrum inibi habitantium pro superfluis, & minus necessariis haberi possent, sed modestis, & humilibus ædificiis contenti sint.

17mò. Cum Dominus Deus plus intueatur cor, quam manus servorum suorum, nequè rebus statum, sed paupertatem servorum suorum non decentibus honerari velit, hinc Fratres non habeant prætiosam nimis suppellectilem, & ornatum Ecclesiæ similem, qui considerata eorum paupertate superfluous, nimis splendit, & curiosus haberi possit.



PRA-

FRATRI MINORI APPRIME  
UTILIS.

**H**aud exhibetur istic Praxis exacta, & integra Devotionis illius, quam Frater Minor, seu quotidie, seu statim temporibus obire debet; Nam sic & intensæ orationis mentalis Schema, & multifariorum precum Liber, Examinis item tam Generalis, quam Particularis norma, nec non plurima alia connecti deberent, ex quibus verè devoti Fratris Minoris praxis coalescit. Quid igitur? His recensitis per cuncta suppositis, specialis duntaxat quædam Praxis devotionaria proponitur, quæ & brevis est, ut adeò faciliè exerceri possit; & tam elevatæ Spiritualitatis, ut cunctam devotionem ordinariam, quin & omnes Religiosæ vitæ actiones in condignitatem meriti, nedum animare præsupposito statu gratiæ, sed multifariè etiam dignificare videatur, vel ideo à singulis toto homine amplectenda.

INTENTIO EFFICAX QUOTIDIE  
manè cunctis Operibus præfigenda.

Domine meus, & Deus meus! omnia quæcunque hodie cogitavero, dixero, fecero,

S. 3

aut

aut omifero, vel etiam paffus fuero, omnes greflus, halitus, refpirationes, omnes motus cordis mei, arteriarumque mearum, conjungo cum meritis omnium Sancto- rum, cum meritis Beatiffimæ Virg. MA- RIÆ, & cum ipsis meritis, ac amariffima Paffione Salvatoris, Domini mei JESU CHRISTI, atque fic conjunctim offero me ipfum, & omnia mea ex puro amore ad Laudem, & Gloriam Sanctiffimæ Tri- nitatis, Salvatoris mei JESU CHRISTI, in honorem B. V. MARIÆ, & omnium San- ctorum, præcipuè Patronorum meorum, in gratiarum actionem pro omnibus bene- ficiis mihi, & aliis collatis, in remiffio- nem, & fatisfactionem peccatorum meo- rum, in emendationem vitæ meæ, pro omnibus neceffitatibus meis corporis, & animæ, ac aliorum, quibus quacunque ratione obligatus fum, & denique pro fe- lici morte mea, idque ex motivis omnium virtutum, quæ habuerunt, habent, vel habere poffunt omnes creaturæ in Cœlo, & in terra, & hoc ad tuum continuò Di- vinum beneplacitum adimplendum, qui es in Te, & ex Te bonus, ac omnivamo- re digniffimus.

*Jam*

*Jam verò, quoniam ad opus meritorium, & Deo beneplacens, virtualis ad minus præscribatur intentio, actualis autem sit optima; hinc prædicta intentio commodè renovari poterit, ad opera omnino disparata, si non totaliter, & expressè, saltem implicitè in hunc, aut similem modum: Domine DEUS! volo hoc perficere, vel agere secundum intentionem manè elicitam, ut tuam Sanctissimam voluntatem omni possibili meliori modo adimpleam, & tibi complaceam, qui in Te bonus es, & omni amore dignissimus.*

*Quia autem compendium perfectionis, sanctitatis animæ, ac conjunctionis cum Deo, in elicitione Actuum virtutum Theologicarum consistit; hinc eorum brevissima forma exhibetur.*

### ACTUS FIDEI.

**O DEUS meus! Credo Te esse unum in Essentia, 'Trinum in Personis Patrem, Filium, & Spiritum Sanctum.' Credo secundam Personam naturam humanam assumpsisse, quæ vocatur JESUS CHRISTUS, qui conceptus est de Spiritu Sancto, natus ex MARIA Virgine, passus sub Pontio Pilato, Crucifixus, mortuus, &**



sepultus, descendit ad inferos, tertia die resurrexit à mortuis, ascendit ad Cœlos, sedet ad dexteram Dei Patris omnipotentis. Credo eundem esse supernaturalem remuneratorem bonorum, & vindicem malorum in hac, vel in altera vita. Credo denique omnia quæ nobis credenda proponit Sancta Mater Ecclesia, sive scripta sint, sive non sint: Et hæc omnia ideo credo firmissimè, quia Tu Deus ea revelasti, qui nec falli potes, utpote omniscius, nec fallere, utpote in dicendo veracissimus.

### ACTUS SPEI.

O Deus meus! Spero per merita JESU Christi Salvatoris mei, accedente mea quoque cooperatione, remissionem omnium peccatorum meorum, omnia item necessaria corporis, & animæ meæ auxilia, gratiam denique finalem, & vitam æternam: atque hæc omnia ideo Spero me certissimè obtenturum, quia Tu ea promisti, qui nobis summe bonus es, & in præstandis promissis tuis fidelissimus.

### ACTUS CHARITATIS.

O DEUS meus! & omnia mea! amo  
Te ex toto corde meo, ex tota anima mea,  
&

& omnibus viribus meis, plus quam omnes creaturas, & plus quam me ipsum, & hoc purè, ac tantum ideo, quia Tu in temetipso, & ex temetipso, in essentia videlicet Tua, summè, & infinite bonus es, omnique amore dignissimus.

### ACTUS COTRITIONIS PERFECTÆ.

O Dominus meus, & Deus meus! doleo ex toto corde meo de omnibus peccatis meis à primo usu rationis in hoc usque momentum commissis, unicè ideo, quia Te offendi, qui in temetipso summè, & infinite bonus es, ac omni amore dignissimus, atque ex hoc unico, & purissimo motivo, propono firmiter emendationem vitæ meæ, auxiliante tua Sancta Gratia.

*Ex quocunque inferiori motivo conceptus dolor, vgr. ex turpitudine peccati, vel ex metu gehennæ, vel quia Deus nobis bonus est &c. est tantum actus attritionis, qui esto cum Sacramento Pœnitentiæ sufficiat, talis tamen est, ut se se, mens præsertim Religiosa, supra illum elevare, semper conniti debeat.*

## EXERCITIUM SPIRITUALE.

*Quod Mane , & Vespere , aut sæpius etiam de die , in occulto tamen , utiliter à piis animabus usurpatur , & frequentatur.*

Adoro Te ô Sanctissima Trinitas ! Pater, Filius, & Spiritus Sanctus, Tres Personæ, unus, & solus Deus, illa adoratio-  
ne; quâ Te adoravit, & adorât Beatissi-  
ma Virgo MARIA, & omnis creatura in  
Cœlo, & in terra ! *Hic reverentia facien-  
da uno genu usque ad terram.*

Adoramus Te Domine JESU Christe,  
hic, & ad omnes Ecclesias Tuas ( *vertendo  
se ad locum, ubi servatur Sanctissimum Sa-  
cramentum* ) quæ sunt in toto mundo, &  
benedicimus tibi, quia per Sanctam Cru-  
cem tuam redemisti mundum ! centies,  
millièsque adoretur, & laudetur ( *hic ge-  
nuflectatur usque ad terram* ) Sanctissimum  
Altaris Sacramentum.

Ave Maria ( *Intentionem habendo, quod  
velit tantum gaudium Beatæ Virgini conferre,  
quantum attulit Angelus, eam salutando* )  
gratia plena, Dominus tecum, tua gratia  
sit mecum, nunc, & semper ( *hic flecta-  
tur* ) & præcipuè in hora mortis meæ. Me-  
cum prole pia, benedicat Virgo Maria !

San-

**Sancte Michaël Archangele Sancte Angele Custos mi** (*hic additur Patronus diei, & Sancti, vel Sanctorum nomina, quorum diem colimus*) & Sancti Patroni mei orate pro me, nunc, & in hora mortis meæ. (*Hic genuflectatur*) Regem Sanctorum omnium venite adoremus.

**O Dulcissime JESU** (*juxta diversas dies mysteria Passionis Dominica variando, vgr. die Dominica. Qui pro nobis natus es! Die Lunæ: Qui pro nobis sanguinem sudâsti! Die Martis: Qui pro nobis flagellatus es! Die Mercurii: Qui pro nobis spinis coronatus es: Die Jovis: Qui pro nobis Crucem bajulâsti! Die Veneris: Qui pro nobis crucifixus, & mortuus es! Die Sabbathi: Qui pro nobis sepultus es*) Adoro Te illa adoratione, quâ te adoravit, & adorat B. V. Maria, & omnis creatura in Cœlo, & in terra! *hic genuflectatur.*

Post preces absolutas, aut quodcunque opus bonum.

**O MARIA** Mater Gratiae, Mater Misericordiae, respice oculô pietatis tuæ, hoc exigium servitutis meæ obsequium, quod melifluo cordi tuo emendandum, perficien.

ciendum, & Dilecto Filio Tuò repræsentandum offero, ad maximam ejus Gloriam, amorem, & beneplacitum, in æternam gratiarum actionem, & ad impetrandum mihi gratiam, quâ ei perfectissimè placeam in tempore, & æternitate.

O Dulcissime JESU ! commendo Divino cordi tuo emendandum, & perficiendum, quidquid in hoc opere ( *aut vesperi post omnes preces, & diei actiones, dicatur* : quidquid hodie ) minus dignè egi, & ad æternam Gloriam DEO Patri offerendum.

O Dulcissime JESU ! supple per Sanctissima vulnera tua, & per amarissimam mortem tuam hæc imperfecta opera mea! *aut vespere dicatur hodierna. Imò.*

Ad Completum Horologii Sonum.

*Post dictum Ave MARIA pro felici morte, utile erit sequentes affectus addere, maxime cum homo solus est.*

O Dulcissime JESU ! quidquid hac hora ( *vel his horis* ) cogitavi, & egi, illud commendo divino cordi tuo emendandum, Deoque Patri ad Laudem æternam offerendum, & quidquid subsequenti hora,

ra, *vel horis*, cogitavero, dixero, vel fecero, omnes gressus, halitus &c. conjungo cum meritis omnium Sanctorum, cum meritis B. V. M. &c. *ut supra in Intentione matutina. Vel breviter dici potest*: quicquid cogitavero, dixero, fecero, totum offero ex puro tui amore, secundum intentionem à me mane elicitam, & factam.

O Maria Mater misericordiæ! rogo Te per mortem tuam, qua Filio tuo assimilari voluisti, & felicissimum transitum tuum, ac gloriosissimam assumptionem Tuam, miserere mei, & ora pro me nunc, & semper, præcipuè in hora mortis meæ, Amen.

### Electio Sanctorum Patronorum.

Cum omni tempore divinis indigeamus beneficiis, & auxiliis desuper, necque sciamus Mensem, Septimanam, diem, aut horam exitus nostri ex hac vita mortali, ideo consultum est, piisque Sanctos sibi Patronos deligere, pro quolibet Mense, qualibet Septimana, die, & hora, qui apud Divinam Clementiam intercedant pro cunctis necessitatibus nostris tam corporalibus, quam Spiritualibus, præsertim verò pro felici morte; Quæ Sanctorum Patronorum electio fieri poterit sequenti Methodo.

## MENSTRUALIS.

Sanctus Patronus, vel Sancta Patrona, eligi poterit *vgr.* pro Januario S. Franciscus Salesius : pro Febuario S. Margarita de Cortona, pro singulis denique mensibus Sanctus, vel Sancta, qui, vel quæ tali, aut tali mense celebratur.

## HEBDOMADALIS.

Pariter Sanctus aliquis (*vel Sancta*) qui illâ hebdomadâ colitur, vel aliàs ad placitum.

## DIURNUS.

*Pro die Dominico vgr.* eligi poterit S. Franciscus.

*Pro feria 2da.* S. Bernardinus.

*Pro feria 3tia.* S. Antonius de Padua.

*Pro feria 4ta.* S. N.

*Pro feria 5ta.* S. N.

*Pro feria 6ta.* S. N.

*Pro Sabbatho.* S. N.

## HORARIUS.

*Pro horis Matutinis Pro horis Pomeridianis.*

*Pro hora 6. vgr. S. Petrus. Pro hora 1. S. Marc.*

7. - - S. N.

2. - S. N.

8. - - S. N.

3. - S. N.

9.

9. - - S. N.	4. - S. N.
10. - - S. N.	5. - S. N.
11. - - S. N.	6. - S. N.
12. - - S. N.	7. - S. N.
	8. - S. N.

*Pro Horis noctis.*

<i>Hora</i> 9. - - S. N.	1. - - S. N.
10. - - S. N.	2. - - S. N.
11. - - S. N.	3. - - S. N.
12. - - S. N.	4. - - S. N.
	5. - - S. N.

*Penes quæ advertendum, quod Diurni, ac Horarii Sancti Patroni permanere debeant usque ad mortem; Menstruales vero, & Hebdomales, singulis Mensibus, & Septimanis mutantur.*

*Omnes quidem Sancti Patroni taliter electi, colendi sunt speciali devotione. Menstruales, Hebdomadales, & Diurni mane, ac Vespere, orando vgr. in honorem eorum Pater & Ave, aut sæpius per diem eos invocando: Horarii verò singulis horis ad sonum horologii, addendo in Ave MARIA, post verba, Sancta MARIA Mater DEI, & Sancte Raymunde (nomen scilicet Patroni Horarii) Orate pro nobis &c.*

*Fro*



*Pro illis verò horis, quibus dormimus, aut quibus, utpote distracti, vel occupati, orare non potuimus, honorandi sunt electi Sancti Patroni ante somnum, vel pro neglectis horis supplendo, vel pro futuris anticipando, cum uno ( ut dictum est ) Pater, & Ave.*

*Ceterum facillima, cunctos Sanctos Patronos, venerandi methodus est, orando sæpius Rosarium in honorem omnium, aut verò recitando Lytanas ex eorum nominibus compositas; quod postremum multæ piæ animæ practlicant ante somnum, cum magna consolatione Spiritus, in gratiarum nempe actionem pro beneficiis per intercessionem eorum obtentis, & pro ulterioribus obtinendis.*

### DEVOTIO ERGA PASSIONEM DOMINI.

*De Passione Domini Nostri JESU Christi, S. Bonaventura de Stimul. Divini amoris Cap. 12. sequentia testatur: Nihil scio in hoc mundo, quod tantum ad Deum sapiendum illuminet, sicut Passio JESU Christi, huc verè invenitur scientiæ plenitudo. Ac in eodem loco magis infra: Si vis ô homo! de virtute in virtutem, de gratia in gratiam,*

nam; de bono in melius proficere, quotidie quanta potes devotione, mediteris Domini Passionem; quia hac mentem a terrenis alienat, & non solum reddit angelicam, sed Divinam; nihil enim in anima ita operatur universalem Sanctificationem, sicut meditatio Passionis Christi. B. verò Albertus Magnus, de Sacrificio Missæ ait: *Utilius est quotidie aliquid de Passione Domini meditari, quam singulis feriis sextis totius anni, in panne, & aqua jejunare, disciplinas usque ac sanguinis fluxum sustinere, aut totum Psalterium à capite, usque ad calcem perlegere.* Cujus rationem exhibet Ludovicus de Ponte, part. 4. de Introduct. ad medit. Quia prædicta opera, etsi bonæ valde, & utilia, non habent tantam vim ad pacificandum cor à suis vitiis, illudque veritatibus, & virtutibus illustrandum, & inflammatis Divini amoris affectibus perficiendum. Quare pia, ac laudabilis praxis multorum est, Passionem Dominicam ita recolere, ut dum ad sonum Horologii Ave Maria oratur, post verba: *Benedictus fructus ventris tui JESUS*, semper addatur speciale quodam Passionis amarissimæ



T.

my-

mysterium, secundum horas distributum,  
ad sequentem modum:

## HORIS VESPERTINIS, ET NO- CTURNIS.

- Hora*
6. Qui pedes Discipulorum lavit.
  7. Qui Sacramentum Eucharistiæ instituit.
  8. Qui suæ Sanctissimæ Matri, & Discipulis valedixit.
  9. Qui hortum ingressus Deo Patri se obtulit.
  10. Qui in Agonia sanguinem sudavit.
  11. Qui à Juda proditus, captus, & à Discipulis derelictus fuit.
  12. Qui ad Annam ductus, & alapâ percussus est.
  1. Qui ad Caipham ductus, & accusatus est.
  2. Qui à Petro ter negatus est.
  3. Qui in domo Caiphæ illusus, & cæsus est.

## HORIS MATUTINIS.

4. Qui à Sacerdotibus condemnatus est.

5. Qui

5. Qui apud Pilatum falso accusatus est.
6. Qui ab Herode veste alba illusus, & spretus est.
7. Qui Barabbæ postpositus est.
8. Qui flagellatus, & Spinis coronatus est.
9. Qui à Pilato ad mortem crucis condemnatus est.
10. Qui Crucem bajulavit ad Calvariam.
11. Qui Crucifixus est in monte Calvariæ.
12. Qui in Cruce elevatus est.

## HORIS POMERIDIANIS.

1. Qui pro inimicis suis Patrem oravit.
2. Qui in siti felle, & aceto potatus est.
3. Qui inclinato capite mortuus est.
4. Qui lanceâ transfixus est.
5. Qui de cruce depositus, & sepultus est.

Ac demum concludatur consueto more : *Sancta MARIA, Mater Dei, ora pro Ec.*

# DEVOTIO ERGA MATREM DOLOROSAM VIRGINEM MARIAM.

**S**anctæ Elisabethæ de Schonaugia ( ut refert Trinum perfectum Volum. 3. Tract. 19. Erudit. 6. Num. 1114. ) existit revelatum, quod B. Mariæ Virgini à Christo concessum sit, ut Dolores ipsius recollenti, quemcumque favorem, ad ejus salutem conducentem, possit libere elargiri, præcipue verò istum, ut non nisi peracta de commissis culpis verâ poenitentia à vita migraret. Sanctæ quoque Brigittæ revellavit Christus Dominus, de uno gravissimo peccatore: *Licet iste homo non dilexit eam corde* ( scil. B. V. M. ) *tamen quia consuetudo sua erat, compati doloribus ejus, quoties considerabat, & audiebat nominari, ideo compendium salutis invenit, & salvatus erit.* Salvatus inquit erit, nam tunc dum hoc revelatum fuit, detinebatur adhuc anima ejus in purgatorio: Hinc itaque apprimè utile erit devotionem fovere erga Matrem Dolorosam, ejusque Dolores. Possunt porro dolores Beatæ Mariæ Virginis in duplici differentia per Septenarium nume-

me-

mèrum dividi, ut adeò, si quis ad singulas decades Franciscani Rosarii, quæ septem sunt, singulos post verba illa *Sancta Maria* adjungat dolores, gratissima Dolorosæ Beatæ Virgini confurgat devotio. Poterit itaque Rosarium septem decadum Dolorosæ Beatæ Virginis persolvi duplici modo, ut sequitur:

JUXTA PRIMAM 7. DOLORUM  
CONSIDERATIONEM.

- Decade 1.* *Sancta Maria* Quæ cum dolore filium tuum in templo obtulisti, & dolores à Simeone prædici audivisti.
- Decade 2.* Quæ Filium tuum ad Herode ad necem cum Doloze quæri vidisti.
- Decade 3.* Quæ Filium tuum cum dolore perditum triduò quæxivisti.
- Decade 4.* Quæ Filium tuum cum dolore Crucem bajulare vidisti.
- Decade 5.* Quæ Filium tuum cum dolore Cruci affigi vidisti.
- Decade 6.* Quæ Filium tuum cum dolore de Cruce deponi vidisti.

*Deca-*

*Decade 7.* Quæ Filium tuum cum dolore sepeliri vidisti.

SECUNDUM ALTERUM 7. DOLOREM  
CONSIDRATIONEM.

*Decade 1.* Sancta Maria Quæ cum dolore in ultima Cœna Filio tuo valedixisti.

*Decade 2.* Quæ cum dolore Filium tuum flagellari vidisti.

*Decade 3.* Quæ cum Doloze Filium tuum spinis coronari vidisti.

*Decade 4.* Quæ cum Doloze Filium tuum Crucem bajulare vidisti.

*Decade 5.* Quæ cum dolore Filium tuum Cruci affigi vidisti.

*Decade 6.* Quæ cum dolore Filium tuum de Cruce depositum in sinum suscepisti.

*Decade 7.* Quæ cum dolore Filium tuum sepeliri vidisti.

Quodsi verò occasio non foret Rosarium persolvendi, saltem septem Salutationes Angelicæ commodè dici poterunt, additis Mysteriis Dolorum B. V. Mariæ.

*Non impediaris orare semper.*

Eccles. 18. v. 22.

F I N I S.













